

השכילו הוסרו שפטי ארץ¹¹ עבדו את
יהוה ביראה וגילו ברעדה¹² נשקו בר פן
יאנף ותאבדו דרך כי יבער כמעט אפו
אשרי כל חוסי בו

3 מזמור לדוד בברחו מפני אבשלום
בנו² יהוה מה רבו צרי רבים קמים
עלי³ רבים אמרים לנפשי אין ישועתה לו
באלהים סלה⁴ ואתה יהוה מגן בעדי
כבודי ומרים ראשי⁵ קולי אל יהוה אקרא
ויענני מהר קדשו סלה⁶ אני שכבתי
ואישנה הקיצותי כי יהוה יסמכני⁷ לא
אירא מרובבות עם אשר סביב שתו
עלי⁸ קומה יהוה הושיעני אלהי כי הכית
את כל איבי לחי שני רשעים
שברת⁹ ליהוה הישועה על עמך ברכתך
סלה

4 למנצח בנגינות מזמור לדוד² בקראי
ענני אלהי צדקי בצר הרחבת לי חנני
ושמע תפלתי³ בני איש עד מה כבודי
לכלמה תאהבון ריק תבקשו כזב
סלה⁴ ודעו כי הפלה יהוה חסיד לו יהוה
ישמע בקראי אליו⁵ רגזו ואל תחטאו
אמרו בלבבכם על משכבכם ודמו
סלה⁶ זבחו זבחי צדק ובטחו אל
יהוה⁷ רבים אמרים מי יראנו^c טוב נסה

c We read one or more accents in L differently than BHS. Often this notation indicates a typographical error in BHS.

Psalms

תהלים

1 אשרי האיש^c אשר לא הלך בעצת
רשעים ובדרך חטאים לא עמד ובמושב
לצים לא ישב² כי אם בתורת יהוה חפצו
ובתורתו יהגה יומם ולילה³ והיה כעץ
שתול על פלגי מים אשר פריו יתן בעתו
ועלהו לא יבול וכל אשר יעשה
יצליח⁴ לא כן הרשעים כי אם כמץ אשר
תדפנו רוח⁵ על כן לא יקמו רשעים
במשפט וחטאים בעדת צדיקים⁶ כי יודע
יהוה דרך צדיקים ודרך רשעים תאבד

2 למה רגשו גוים ולאמים יהגו
ריק² יתיצבו מלכי ארץ ורוזנים נוסדו יחד
על יהוה ועל משיחו³ ננתקה את
מוסרותימו ונשליכה ממנו עבתימו⁴ יושב
בשמים ישחק אדני ילעג למו⁵ אז ידבר
אלימו באפו ובחרונו יבהלמו⁶ ואני
נסכתי מלכי על ציון הר קדשי⁷ אספרה
אל חק יהוה אמר אלי בני אתה אני היום
ילדתיך⁸ שאל ממני ואתנה גוים נחלתך
ואחזתך אפסי ארץ⁹ תרעם בשבט ברזל
ככלי יוצר תנפצם¹⁰ ועתה מלכים

c We read one or more accents in L differently than BHS. Often this notation indicates a typographical error in BHS.

בחמתך תיסרני³ חנני יהוה כי אמלל אני
 רפאני יהוה כי נבהלו עצמי⁴ ונפשי
 נבהלה מאד **ואת** **ואתה** יהוה עד
 מתי⁵ שובה יהוה חלצה נפשי הושיעני
 למען חסדך⁶ כי אין במות זכרך בשאול
 מי יודה לך⁷ יגעתי באנחתי אשחה בכל
 לילה מטתי בדמעתי ערשי
 אמסה⁸ עששה מכעס עיני עתקה בכל
 צוררי⁹ סורו ממני כל פעלי און כי שמע
 יהוה קול בכיי¹⁰ שמע יהוה תחנתי יהוה
 תפלתי יקח¹¹ יבשו ויבהלו מאד כל איבי
 ישבו יבשו רגע

7 שגיון לדוד אשר שר ליהוה על דברי
 כוש בן ימיני² יהוה אלהי בך חסיתי
 הושיעני מכל רדפי והצילני³ פן יטרף
 כאריה נפשי פרק ואין מציל⁴ יהוה אלהי
 אם עשיתי זאת אם יש עול בכפי⁵ אם
 גמלתי שולמי רע ואחלצה צוררי
 ריקם⁶ ירדף אויב נפשי וישג וירמס
 לארץ חיי וכבודי לעפר ישכן סלה⁷ קומה
 יהוה באפך הנשא בעברות צוררי ועורה
 אלי משפט צוית⁸ ועדת לאמים תסובבך
 ועליה למרום שובה⁹ יהוה ידין עמים
 שפטני יהוה כצדקי וכתמי עלי¹⁰ יגמר נא
 רע רשעים ותכונן צדיק ובחן לבות
 וכליות אלהים צדיק¹¹ מגני על אלהים
 מושיע ישרי לב¹² אלהים שופט צדיק

עלינו אור פניך יהוה⁸ נתתה שמחה בלבי
 מעת דגנם ותירושם רבו⁹ בשלום יחדו
 אשכבה ואישן כי אתה יהוה לבדד לבטח
 תושיבני

5 למנצח אל הנחילות מזמור
 לדוד² אמרי האזינה יהוה בינה
 הגיגי³ הקשיבה לקול שועי מלכי ואלהי
 כי אליך אתפלל⁴ יהוה בקר^c תשמע קולי
 בקר אערך לך ואצפה⁵ כי לא אל חפץ
 רשע אתה לא יגרך רע⁶ לא יתיצבו
 הוללים לנגד עיניך שנאת כל פעלי
 און⁷ תאבד דברי כזב איש דמים ומרמה
 יתעב יהוה⁸ ואני ברב חסדך אבוא ביתך
 אשתחווה אל היכל קדשך ביראתך⁹ יהוה
 נחני בצדקתך למען שוררי **הושר הישר**
 לפני דרכך¹⁰ כי אין בפיהו נכונה קרבם
 הוות קבר פתוח גרונם לשונם
 יחליקון¹¹ האשימם אלהים יפלו
 ממעצותיהם ברב פשעיהם הדיחמו כי
 מרו בך¹² וישמחו כל חוסי בך לעולם
 ירננו ותסך עלימו ויעלצו בך אהבי
 שמך¹³ כי אתה תברך צדיק יהוה כצנה
 רצון תעטרנו

6 למנצח בנגינות על השמינית מזמור
 לדוד² יהוה אל באפך תוכיחני ואל

^c We read one or more accents in L differently than BHS. Often this notation indicates a typographical error in BHS.

אבדת רשע שמם מחית לעולם
ועד ⁷ האויב תמו חרבות לנצח וערים
נתשת אבד זכרם המה ⁸ ויהוה לעולם
ישב כונן למשפט כסאו ⁹ והוא ישפט
תבל בצדק ידין לאמים במישרים ¹⁰ ויהי
יהוה משגב לדך משגב לעתות
בצרה ¹¹ ויבטחו בך יודעי שמך כי לא
עזבת דרשיך יהוה ¹² זמרו ליהוה ישב
ציון הגידו בעמים עלילותיו ¹³ כי דרש
דמים אותם זכר לא שכח צעקת **עניים**
עניים ¹⁴ חננני יהוה ראה עניי משנאי
מרוממי משערי מות ¹⁵ למען אספרה כל
תהלתך בשערי בת ציון אגילה
בישועתך ¹⁶ טבעו גוים בשחת עשו
ברשת זו טמנו נלכדה רגלם ¹⁷ נודע יהוה
משפט עשה בפעל כפיו נוקש רשע הגיון
סלה ¹⁸ ישובו רשעים לשאולה כל גוים
שכחי אלהים ¹⁹ כי לא לנצח ישכח אביון
תקות **עניים** **עניים** תאבד לעד ²⁰ קומה
יהוה אל יעז אנוש ישפטו גוים על
פניך ²¹ שיתה יהוה מורה להם ידעו גוים
אנוש המה סלה

10 למה יהוה תעמד ברחוק תעלים
לעתות בצרה ² בגאות רשע ידלק עני
יתפשו במזמות זו חשבו ³ כי הלל רשע
על תאות נפשו ובצע ברך נאץ
יהוה ⁴ רשע כגבה אפו בל ידרש אין

ואל זעם בכל יום ¹³ אם לא ישוב חרבו
ילטוש קשתו דרך ויכוננה ¹⁴ ולו הכין כלי
מות חציו לדלקים יפעל ¹⁵ הנה יחבל און
והרה עמל וילד שקר ¹⁶ בור כרה
ויחפרהו ויפל בשחת יפעל ¹⁷ ישוב עמלו
בראשו ועל קדקדו חמסו ירד ¹⁸ אודה
יהוה כצדקו ואזמרה שם יהוה עליון

8 למנצח על הגתית מזמור לדוד ² יהוה
אדנינו מה אדיר שמך בכל הארץ אשר
תנה הודך על השמים ³ מפי עוללים
וינקים יסדת עז למען צורריך להשבית
אויב ומתנקם ⁴ כי אראה שמך מעשי
אצבעתיך ירח וכוכבים אשר
כוננתה ⁵ מה אנוש כי תזכרנו ובן אדם כי
תפקדנו ⁶ ותחסרהו מעט מאלהים וכבוד
והדר תעטרהו ⁷ תמשילהו במעשי ידיך
כל שתה תחת רגליו ⁸ צנה ואלפים כלם
וגם בהמות שדי ⁹ צפור שמים ודגי הים
עבר ארחות ימים ¹⁰ יהוה אדנינו מה
אדיר שמך בכל הארץ

9 למנצח עלמות לבן מזמור
לדוד ² אודה יהוה בכל לבי אספרה כל
נפלאותיך ³ אשמחה ואעלצה בך אזמרה
שמך עליון ⁴ בשוב אויבי אחור יכשלו
ויאבדו מפניך ⁵ כי עשית משפטי ודיני
ישבת לכסא שופט צדק ⁶ גערת גוים

בהיכל קדשו יהוה בשמים כסאו עיניו
 יחזו עפעפיו יבחנו בני אדם⁵ יהוה צדיק
 יבחן ורשע ואהב חמס שנאה
 נפשו⁶ ימטר על רשעים פחים אש
 וגפרית ורוח זלעפות מנת כוסם⁷ כי
 צדיק יהוה צדקות אהב ישר יחזו פנימו

12 למנצח על השמינית מזמור
 לדוד² הושיעה יהוה כי גמר חסיד כי
 פסו אמונים מבני אדם³ שוא ידברו איש
 את רעהו שפת חלקות בלב ולב
 ידברו⁴ יכרת יהוה כל שפתי חלקות לשון
 מדברת גדלות⁵ אשר אמרו ללשננו
 נגביר שפתינו אתנו מי אדון לנו⁶ משד
 עניים מאנקת אביונים עתה אקום יאמר
 יהוה אשית בישע יפיח לו⁷ אמרות יהוה
 אמרות טהרות כסף צרוף בעליל לארץ
 מזקק שבעתים⁸ אתה יהוה תשמרם
 תצרנו מן הדור זו לעולם⁹ סביב רשעים
 יתהלכון כרם זלות לבני אדם

13 למנצח מזמור לדוד² עד אנה יהוה
 תשכחני נצח עד אנה תסתיר את פניך
 ממני³ עד אנה אשית עצות בנפשי יגון
 בלבבי יומם עד אנה ירום איבי
 עלי⁴ הביטה ענני יהוה אלהי האירה עיני
 פן אישן המות⁵ פן יאמר איבי יכלתיו צרי
 יגילו כי אמוט⁶ ואני בחסדך בטחתי יגל
 לבי בישועתך אשירה ליהוה כי גמל עלי

אלהים כל מזמותיו⁵ יחילו **דרכו** **דרכיו** בכל
 עת מרום משפטיך מנגדו כל צורריו יפיח
 בהם⁶ אמר בלבו בל אמוט לדר ודר
 אשר לא ברע⁷ אלה פיהו מלא ומרמות
 ותך תחת לשונו עמל ואון⁸ ישב במארב
 חצרים במסתרים יהרג נקי עיניו לחלכה
 יצפנו⁹ יארב במסתר כאריה בסכה יארב
 לחטוף עני יחטף עני במשכו
 ברשתו¹⁰ **ודכה** **ידכה** ישח ונפל בעצמו
חלכאים **חיל כאים**¹¹ אמר בלבו שכח אל
 הסתיר פניו בל ראה לנצח¹² קומה יהוה
 אל נשא ידך אל תשכח **עניים** **ענוים**¹³ על
 מה נאץ רשע אלהים אמר בלבו לא
 תדרש¹⁴ ראתה כי אתה עמל וכעס תביט
 לתת בידך עליך יעזב חלכה יתום אתה
 היית עוזר¹⁵ שבר זרוע רשע ורע תדרוש
 רשעו בל תמצא¹⁶ יהוה מלך עולם ועד
 אבדו גוים מארצו¹⁷ תאות ענוים שמעת
 יהוה תכין לבם תקשיב אזנך¹⁸ לשפט
 יתום ודך בל יוסיף עוד לערץ אנוש מן
 הארץ

11 למנצח לדוד ביהוה חסיתי איך
 תאמרו לנפשי **נודו** **נודי** הרכם צפור² כי
 הנה^c הרשעים ידרכון קשת כוננו חצם
 על יתר לירות במו אפל לישרי לב³ כי
 השתות יהרסון צדיק מה פעל⁴ יהוה

c We read one or more accents in L differently than BHS. Often this notation indicates a typographical error in BHS.

בנעמים אף נחלת שפרה עלי⁷ אברך את
 יהוה אשר יעצני אף לילות יסרוני
 כליותי⁸ שויתי יהוה לנגדי תמיד כי
 מימיני בל אמוט⁹ לכן שמח לבי ויגל
 כבודי אף בשרי ישכן לבטח¹⁰ כי לא
 תעזב נפשי לשאול לא תתן חסידך
 לראות שחת^v¹¹ תודיעני ארח חיים שבע
 שמחות את פניך נעמות בימינך נצח

17 תפלה לדוד שמעה יהוה צדק
 הקשיבה רנתי האזינה תפלתי בלא שפתי
 מרמה² מלפניך משפטי יצא עיניך
 תחזינה מישרים³ בחנת לבי פקדת לילה
 צרפתי בל תמצא זמתי בל יעבר
 פי⁴ לפעלות אדם בדבר שפתיך אני
 שמרתי ארחות פריץ⁵ תמך אשרי
 במעגלותיך בל נמוטו פעמי⁶ אני קראתיך
 כי תענני אל הט אזנך לי שמע
 אמרתי⁷ הפלה חסדיך מושיע חוסים
 ממתקוממים בימינך⁸ שמרני כאישון בת
 עין בצל כנפיך תסתירני⁹ מפני רשעים זו
 שדוני איבי בנפש יקיפו עלי¹⁰ חלבמו
 סגרו פימו דברו בגאות¹¹ אשרינו עתה
 סבבוני^{סבבוני} עיניהם ישיתו לנטות
 בארץ¹² דמינו כאריה יכסוף לטרוף
 וככפיר ישב במסתרים¹³ קומה יהוה
 קדמה פניו הכריעהו פלטה נפשי מרשע

14 למנצח לדוד אמר נבל בלבו אין
 אלהים השחיתו התעיבו עלילה אין עשה
 טוב² יהוה משמים השקיף על בני אדם
 לראות היש משכיל דרש את
 אלהים³ הכל סר יחדו נאלחו אין עשה
 טוב אין גם אחד⁴ הלא ידעו כל פעלי און
 אכלי עמי אכלו לחם יהוה לא קראו⁵ שם
 פחדו פחד כי אלהים בדור צדיק⁶ עצת
 עני תבישו כי יהוה מחסהו⁷ מי יתן מציון
 ישועת ישראל בשוב יהוה שבות עמו יגל
 יעקב ישמח ישראל

15 מזמור לדוד יהוה מי יגור באהלך
 מי ישכן בהר קדשך² הולך תמים ופעל
 צדק ודבר אמת בלבבו³ לא רגל על לשנו
 לא עשה לרעהו רעה וחרפה לא נשא על
 קרבו⁴ נבזה בעיניו נמאס ואת יראי יהוה
 יכבד נשבע להרע ולא ימר⁵ כספו לא
 נתן בנשך ושחד על נקי לא לקח עשה
 אלה לא ימוט לעולם

16 מכתם לדוד שמרני אל כי חסיתי
 בך² אמרת ליהוה אדני אתה טובתי בל
 עליך³ לקדושים אשר בארץ המה ואדירי
 כל חפצי במ⁴ ירבו עצבותם אחר מהרו
 בל אסיך נסכיהם מדם ובל אשא את
 שמותם על שפתי⁵ יהוה מנת חלקי וכוסי
 אתה תומיך גורלי⁶ חבלים נפלו לי

v We read one or more vowels in L differently from BHS.

אפך¹⁷ ישלח ממרום יקחני ימשני ממים
 רבים¹⁸ יצילני מאיבי עז ומשנאי כי אמצו
 ממני¹⁹ יקדמוני ביום אידי ויהי יהוה
 למשען לי²⁰ ויוציאני למרחב יחלצני כי
 חפץ בי²¹ יגמלני יהוה כצדקי כבר ידי
 ישיב לי²² כי שמרתי דרכי יהוה ולא
 רשעתי מאלהי²³ כי כל משפטיו לנגדי
 וחקתיו לא אסיר מני²⁴ ואהי תמים עמו
 ואשתמר מעוני²⁵ וישב יהוה לי כצדקי
 כבר ידי לנגד עיניו²⁶ עם חסיד תתחסד
 עם גבר תמים תתמם²⁷ עם נבר תתברר
 ועם עקש תתפתל²⁸ כי אתה עם עני
 תושיע ועינים רמות תשפיל²⁹ כי אתה
 תאיר נרי יהוה אלהי יגיה חשכי³⁰ כי בך
 ארץ גדוד ובאלהי אדלג שור³¹ האל
 תמים דרכו אמרת יהוה צרופה מגן הוא
 לכל החסים בו³² כי מי אלוה מבלעדי
 יהוה ומי צור זולתי אלהינו³³ האל
 המאזרני חיל ויתן תמים דרכי³⁴ משוה
 רגלי כאילות ועל במתי יעמידני³⁵ מלמד
 ידי למלחמה ונחתה קשת נחושה
 זרועתי³⁶ ותתן לי מגן ישעך וימינדך
 תסעדני וענותך תרבני³⁷ תרחיב צעדי
 תחתי ולא מעדו קרסלי³⁸ ארדוף אויבי
 ואשיגם ולא אשוב¹ עד כלותם³⁹ אמחצם
 ולא יכלו קום יפלו תחת רגלי⁴⁰ ותאזרני

חרבך¹⁴ ממתים ידך יהוה ממתים מחלד
 חלקם בחיים¹ וצפינד² וצפונך תמלא בטנם
 ישבעו בנים והניחו יתרום
 לעולליהם¹⁵ אני בצדק אחזה פניך
 אשבעה בהקיץ תמונתך

18 למנצח לעבד יהוה לדוד אשר דבר
 ליהוה את דברי השירה הזאת ביום הציל
 יהוה אותו מכף כל איביו ומיד
 שאול² ויאמר ארחמך יהוה חזקי³ יהוה
 סלעי ומצודתי ומפלטי אלי צורי אחסה
 בו מגני וקרן ישעי משגבי⁴ מהלל אקרא
 יהוה ומן איבי אושע⁵ אפפוני חבלי מות
 ונחלי בליעל יבעתוני⁶ חבלי שאול
 סבבוני קדמוני מוקשי מות⁷ בצר לי
 אקרא יהוה ואל אלהי אשוע ישמע
 מהיכלו קולי ושועתי לפניו תבוא
 באזניו⁸ ותגעש ותרעש הארץ ומוסדי
 הרים ירגזו ויתגעשו כי חרה לו⁹ עלה
 עשן באפו ואש מפיו תאכל גחלים בערו
 ממנו¹⁰ ויט שמים וירד וערפל תחת
 רגליו¹¹ וירכב על כרוב ויעף וידא על
 כנפי רוח¹² ישת חשך סתרו סביבותיו
 סכתו חשכת מים עבי שחקים¹³ מנגה
 נגדו עביו עברו ברד וגחלי אש¹⁴ וירעם
 בשמים יהוה ועליון יתן קלו ברד וגחלי
 אש¹⁵ וישלח חציו ויפיצם וברקים רב
 ויהמם¹⁶ ויראו אפיקי מים ויגלו מוסדות
 תבל מגערתך יהוה מנשמת רוח

1 BHS has been faithful to the Leningrad Codex where there might be a question of the validity of the form and we keep the same form as BHS.

מחכימת פתי⁹ פקודי יהוה ישרים
משמחי לב מצות יהוה ברה מאירת
עינים¹⁰ יראת יהוה טהורה עומדת לעד
משפטי יהוה אמת צדקו
יחדו¹¹ הנחמדים מזהב ומפז רב
ומתוקים מדבש ונפת צופים¹² גם עבדך
נזהר בהם בשמרם עקב רב¹³ שגיאות מי
יבין מנסתרות נקני¹⁴ גם מזדים חשך
עבדך אל ימשלו בי אז איתם ונקיתי
מפשע רב¹⁵ יהיו לרצון אמרי פי והגיון
לבי לפניך יהוה צורי וגאלי

20 למנצח מזמור לדוד² יענך יהוה
ביום צרה ישגבך שם אלהי יעקב³ ישלח
עזרך מקדש ומציון יסעדך⁴ יזכר כל
מנחתך ועולתך ידשנה סלה⁵ יתן לך
כלבבך וכל עצתך ימלא⁶ נרננה בישועתך
ובשם אלהינו נדגל ימלא יהוה כל
משאלותיך⁷ עתה ידעתי כי הושיע יהוה
משיחו יענהו משמי קדשו בגברות ישע
ימינו⁸ אלה ברכב ואלה בסוסים ואנחנו
בשם יהוה אלהינו נזכיר⁹ המה כרעו
ונפלו ואנחנו קמנו ונתעודד¹⁰ יהוה
הושיעה המלך יעננו ביום קראנו

21 למנצח מזמור לדוד² יהוה בעזך
ישמח מלך ובישועתך מה יגיל^q יגל^q

חיל למלחמה תכריע קמי תחתי⁴¹ ואיבי
נתתה לי ערף ומשנאי אצמיתם⁴² ישועו
ואין מושיע על יהוה ולא ענם⁴³ ואשחקם
כעפר על פני רוח כטיט חוצות
אריקם⁴⁴ תפלטני מריבי עם תשימני
לראש גוים עם לא ידעתי
יעבדוני⁴⁵ לשמע אזן ישמעו לי בני נכר
יכחשו לי⁴⁶ בני נכר יבלו ויחרגו
ממסגרותיהם⁴⁷ חי יהוה וברוך צורי
וירום אלוהי ישעי⁴⁸ האל הנותן נקמות לי
וידבר עמים תחתי⁴⁹ מפלטי מאיבי אף מן
קמי תרוממני מאיש חמס תצילני⁵⁰ על כן
אודך בגוים יהוה ולשמך אזמרה⁵¹ מגדל
מגדיל ישועות מלכו ועשה חסד למשיחו
לדוד ולזרעו עד עולם

19 למנצח מזמור לדוד² השמים
מספרים כבוד אל ומעשה ידיו מגיד
הרקיע³ יום ליום יביע אמר ולילה ללילה
יחווה דעת⁴ אין אמר ואין דברים בלי
נשמע קולם⁵ בכל הארץ יצא קום ובקצה
תבל מליהם לשמש שם אהל בהם⁶ והוא
כחתן יצא מחפתו ישיש כגבור לרוץ
ארח⁷ מקצה השמים מוצאו ותקופתו על
קצותם ואין נסתר מחמתו¹⁸ תורת יהוה
תמימה משיבת נפש עדות יהוה נאמנה

q We have abandoned or added a ketib/qere relative to BHS. In doing this we agree with L against BHS.

1 BHS has been faithful to the Leningrad Codex where there might be a question of the validity of the form and we keep the same form as BHS.

אדם ובזוי עם⁸ כל ראי ילעגו לי יפטירו
 בשפה יניעו ראש⁹ גל אל יהוה יפלטהו
 יצילהו כי חפץ בו¹⁰ כי אתה גחי מבטן
 מבטיחי על שדי אמי¹¹ עליך השלכתי
 מרחם מבטן אמי אלי אתה¹² אל תרחק
 ממני כי צרה קרובה כי אין
 עוזר¹³ סבבוני פרים רבים אבירי בשן
 כתרזני¹⁴ פצו עלי פיהם אריה טרף
 ושאג¹⁵ כמים נשפכתי והתפרדו כל
 עצמותי היה לבי כדונג נמס בתוך
 מעי¹⁶ יבש כחרש כחי ולשוני^c מדבק
 מלקוחי ולעפר מות תשפתני¹⁷ כי סבבוני
 כלבים עדת מרעים הקיפוני כארי ידי
 ורגלי¹⁸ אספר כל עצמותי המה יביטו
 יראו בי¹⁹ יחלקו בגדי להם ועל לבושי
 יפילו גורל²⁰ ואתה יהוה אל תרחק
 אילותי לעזרתי חושה²¹ הצילה מחרב
 נפשי מיד כלב יחידתי²² הושיעני מפי
 אריה ומקרני רמים עניתני²³ אספרה
 שמך לאחי בתוך קהל אהללך²⁴ יראי
 יהוה הללוהו כל זרע יעקב כבדוהו וגורו
 ממנו כל זרע ישראל²⁵ כי לא בזה ולא
 שקץ ענות עני ולא הסתיר פניו ממנו
 ובשועו אליו שמע²⁶ מאתך תהלתי בקהל
 רב נדרי אשלם נגד יראיו²⁷ יאכלו ענוים
 וישבעו יהללו יהוה דרשיו יחי לבבכם

מאד³ תאות לבו נתתה לו וארשת
 שפתיו בל מנעת סלה⁴ כי תקדמנו
 ברכות טוב תשית לראשו עטרת
 פז⁵ חיים שאל ממך נתתה לו ארך ימים
 עולם ועד⁶ גדול^c כבודו בישועתך הוד
 והדר תשוה עליו⁷ כי תשיתו ברכות
 לעד תחדהו בשמחה את פניך⁸ כי המלך
 בטח ביהוה ובחסד עליון בל
 ימוט⁹ תמצא ידך לכל איביך ימינך
 תמצא שנאיך¹⁰ תשיתמו כתנור אש לעת
 פניך יהוה באפו יבלעם ותאכלם
 אש¹¹ פרימו מארץ תאבד וזרעם מבני
 אדם¹² כי נטו עליך רעה חשבו מזמה בל
 יוכלו¹³ כי תשיתמו שכם במיתריך תכונן
 על פניהם¹⁴ רומה יהוה בעוזך נשירה
 ונזמרה גבורתך

22 למנצח על אילת השחר מזמור
 לדוד² אלי אלי למה עזבתני רחוק
 מישועתי דברי שאגתי³ אלהי אקרא
 יומם^c ולא תענה ולילה ולא דומיה
 לי⁴ ואתה קדוש יושב תהלות
 ישראל⁵ בך בטחו אבותינו בטחו
 ותפלטמו⁶ אליך זעקו ונמלטו בך בטחו
 ולא בושו⁷ ואנכי תולעת ולא איש חרפת

c We read one or more accents in L differently than BHS. Often this notation indicates a typographical error in BHS.

c We read one or more accents in L differently than BHS. Often this notation indicates a typographical error in BHS.

וצדקה מאלהי ישעו⁶ זה דור^c דרשו^c דרשו
מבקשי פניך יעקב סלה⁷ שאו שערים
ראשיכם והנשאו פתחי עולם ויבוא מלך
הכבוד⁸ מי זה מלך הכבוד יהוה עוזו
וגבור יהוה גבור מלחמה⁹ שאו שערים
ראשיכם ושאו פתחי עולם ויבא מלך
הכבוד¹⁰ מי הוא זה מלך הכבוד יהוה
צבאות הוא מלך הכבוד סלה

25 לדוד אליך יהוה נפשי אשא² אלהי
בך בטחתי אל אבושה אל יעלצו איבי
לי³ גם כל קוֹיך לא יבשו יבשו הבוגדים
ריקם⁴ דרכיך יהוה הודיעני ארחותיך^c
למדני⁵ הדריכני באמתך ולמדני כי אתה
אלהי ישעי אותך קוֹיִתי כל היום⁶ זכר
רחמיך יהוה וחסדיך כי מעולם
המה⁷ חטאות נעורי ופשעי אל תזכר
כחסדך זכר לי אתה למען טובך
יהוה⁸ טוב וישר יהוה על כן יורה חטאים
בדרך⁹ ידרך ענוים במשפט וילמד ענוים
דרכו¹⁰ כל ארחות יהוה חסד ואמת
לנצרי בריתו ועדתיו¹¹ למען שמך יהוה
וסלחת לעוני כי רב הוא¹² מי זה האיש
ירא יהוה יורנו בדרך יבחר¹³ נפשו בטוב
תלין וזרעו יירש ארץ¹⁴ סוד יהוה ליראיו
ובריתו להודיעם¹⁵ עיני תמיד אל יהוה כי

לעד²⁸ יזכרו וישבו אל יהוה כל אפסי
ארץ וישתחוּו לפניך כל משפחות
גוים²⁹ כי ליהוה המלוכה ומשל
בגוים³⁰ אכלו וישתחוּו¹ כל דשני ארץ
לפניו יכרעו כל יורדי עפר ונפשו לא
חיה³¹ זרע יעבדנו יספר לאדני
לדור³² יבאו ויגידו צדקתו לעם נולד כי
עשה

23 מזמור לדוד יהוה רעי לא
אחסר² בנאות דשא ירביצני על מי
מנחות ינהלני³ נפשי ישובב ינחני
במעגלי צדק למען שמו⁴ גם כי אלך בגיא
צלמות לא אירא רע כי אתה עמדי
שבטך ומשענתך המה ינחמני⁵ תערך
לפני שלחן נגד צררי דשנת בשמן ראשי
כוסי רויה⁶ אך טוב וחסד ירדפוני כל ימי
חיי ושבתי בבית יהוה לארך ימים

24 לדוד מזמור ליהוה הארץ ומלואה
תבל וישבי בה² כי הוא^c על ימים יסדה
ועל נהרות יכוננה³ מי יעלה בהר יהוה
ומי יקום במקום קדשו⁴ נקי כפים ובר
לבב אשר לא נשא לשוא נפשי ולא
נשבע למרמה⁵ ישא ברכה מאת יהוה

1 BHS has been faithful to the Leningrad Codex where there might be a question of the validity of the form and we keep the same form as BHS.

c We read one or more accents in L differently than BHS. Often this notation indicates a typographical error in BHS.

c We read one or more accents in L differently than BHS. Often this notation indicates a typographical error in BHS.

מרעים לאכל את בשרי צרי ואיבי לי
המה כשלו ונפלו³ אם תחנה עלי מחנה
לא יירא לבי אם תקום עלי מלחמה
בזאת אני בוטח⁴ אחת שאלתי מאת
יהוה אותה אבקש שבתי בבית יהוה כל
ימי חיי לחזות בנעם יהוה ולבקר
בהיכלו⁵ כי יצפנני בסכה ביום רעה
יסתרני בסתר אהלו בצור
ירוממני⁶ ועתה ירום ראשי על איבי
סביבותי ואזבחה באהלו זבחי תרועה
אשירה ואזמרה ליהוה⁷ שמע יהוה קולי
אקרא וחנני וענני⁸ לך אמר לבי בקשו
פני את פניך יהוה אבקש⁹ אל תסתר
פניך ממני אל תט באף עבדך עזרתי היית
אל תטשני ואל תעזבני אלהי ישעי¹⁰ כי
אבי ואמי עזבוני ויהוה יאספני¹¹ הורני
יהוה דרכך ונתני בארח מישור למען
שוררי¹² אל תתנני בנפש צרי כי קמו בי
עדי שקר ויפח חמס¹³ לולא⁴ האמנתי
לראות בטוב יהוה בארץ חיים¹⁴ קוה אל
יהוה חזק ויאמץ לבך וקוה אל יהוה

28 לדוד אליך יהוה אקרא צורי אל
תחרש ממני פן תחשה ממני ונמשלתי
עם יורדי בור² שמע קול תחנוני בשועי
אליך בנשאי ידי אל דביר קדשך³ אל
תמשכני עם רשעים ועם פעלי און דברי

4 Puncta extraordinaria -- a \u05c4 is used to mark such marks in the text when they are above the line and a \u05c5 when they are below the line.

הוא יוציא מרשת רגלי¹⁶ פנה אלי וחנני
כי יחיד ועני אני¹⁷ צרות לבבי הרחיבו
ממצוקותי הוציאני¹⁸ ראה עניי ועמלי
ושא לכל חטאותי¹⁹ ראה אויבי כי רבו
ושנאת חמס שנאוני²⁰ שמרה נפשי
והצילני אל אבוש כי חסיתי בך²¹ תם
וישר יצרוני כי קויתך²² פדה אלהים את
ישראל מכל צרותיו¹

26 לדוד שפטני יהוה כי אני בתמי
הלכתי וביהוה בטחתי לא אמעד² בחנני
יהוה ונסני **צרופה** צרפה כליותי ולבי³ כי
חסדך לנגד עיני והתהלכתי באמתך⁴ לא
ישבתי עם מתי שוא ועם נעלמים לא
אבוא⁵ שנאתי קהל מרעים ועם רשעים
לא אשב⁶ ארחץ בנקיון כפי ואסבבה את
מזבחך יהוה⁷ לשמע בקול תודה ולספר
כל נפלאותיך⁸ יהוה אהבתי מעון ביתך
ומקום משכן כבודך⁹ אל תאסף עם
חטאים נפשי ועם אנשי דמים חיי¹⁰ אשר
בידיהם זמה וימינם מלאה שחד¹¹ ואני
בתמי אלך פדני וחנני¹² רגלי עמדה
במישור במקהלים אברך יהוה

27 לדוד יהוה אורי וישעי ממי אירא
יהוה מעוז חיי ממי אפחד² בקרב עלי

1 BHS has been faithful to the Leningrad Codex where there might be a question of the validity of the form and we keep the same form as BHS.

30 מזמור שיר חנכת הבית לדוד² ארוממך יהוה כי דליתני ולא שמחת איבי לי³ יהוה אלהי שועתי אליך ותרפאני⁴ יהוה העלית מן שאול נפשי חייתני **מירדי** **מירדי** בור⁵ זמרו ליהוה חסידיו והודו לזכר קדשו⁶ כי רגע באפו חיים ברצונו בערב ילין בכי ולבקר רנה⁷ ואני אמרתי בשלוי בל אמוט לעולם⁸ יהוה ברצונך העמדתה להררי עז הסתרת פניך הייתי נבהל⁹ אליך יהוה אקרא ואל אדני אתחנן¹⁰ מה בצע בדמי ברדתי אל שחת היודך עפר היגיד אמתך¹¹ שמע יהוה וחנני יהוה¹ היה עזר לי¹² הפכת מספדי למחול לי פתחת שקי ותאזרני שמחה¹³ למען יזמרך כבוד ולא ידם יהוה אלהי לעולם אודך

31 למנצח מזמור לדוד² בך יהוה חסיתי אל אבושה לעולם בצדקתך פלטני³ הטה אלי אונך מהרה הצילני היה לי לצור מעוז לבית מצודות להושיעני⁴ כי סלעי ומצודתי אתה ולמען שמך תנחני ותנהלני⁵ תוציאני מרשת זו טמנו לי כי אתה מעוזי⁶ בידך אפקיד רוחי פדיתה אותי יהוה אל אמת⁷ שנאתי השמרים הבלי שוא ואני אל יהוה בטחתי⁸ אגילה

שלום עם רעיהם ורעה בלבבם⁴ תן להם כפעלם וכרע מעלליהם כמעשה ידיהם תן להם השב גמולם להם⁵ כי לא יבינו אל פעלת יהוה ואל מעשה ידיו יהרסם ולא יבנם⁶ ברוך יהוה כי שמע קול תחנוני⁷ יהוה עזי ומגני בו בטח לבי ונעזרתי ויעלז לבי ומשירי אהודנו⁸ יהוה עז למו ומעוז ישועות משיחו הוא⁹ הושיעה את עמך וברך את נחלתך ורעם ונשאם עד העולם

29 מזמור לדוד הבו ליהוה בני אלים הבו ליהוה כבוד ועז² הבו ליהוה כבוד שמו השתחוו ליהוה בהדרת קדש³ קול יהוה על המים אל הכבוד הרעים יהוה על מים רבים⁴ קול יהוה בכח קול יהוה בהדר⁵ קול יהוה שבר ארזים וישבר יהוה את ארזי הלבנון⁶ וירקידם כמו עגל לבנון ושרין כמו בן ראמים⁷ קול יהוה חצב להבות אש⁸ קול יהוה יחיל מדבר יחיל יהוה מדבר קדש⁹ קול יהוה יחולל אילות ויחשף יערות ובהיכלו כלו אמר כבוד¹⁰ יהוה למבול ישב וישב יהוה מלך לעולם¹¹ יהוה עז^c לעמו יתן יהוה יברך את עמו בשלום

l BHS has been faithful to the Leningrad Codex where there might be a question of the validity of the form and we keep the same form as BHS.

c We read one or more accents in L differently than BHS. Often this notation indicates a typographical error in BHS.

32 לדוד משכיל אשרי נשוי פשע כסוי
 חטאה² אשרי אדם לא יחשב יהוה לו
 עון ואין ברוחו רמיה¹ ³ כי החרשתי בלו
 עצמי בשאגתי כל היום⁴ כי יומם ולילה
 תכבד עלי ידך נהפך לשדי בחרבני קיץ
 סלה⁵ חטאתי אודיעך ועוני לא כסיתי
 אמרתי אודה עלי פשעי ליהוה ואתה
 נשאת עון חטאתי סלה⁶ על זאת יתפלל
 כל חסיד אליך לעת מצא רק לשטף מים
 רבים אליו לא יגיעו⁷ אתה סתר לי מצר
 תצרני רני פלט תסובבני סלה⁸ אשכילך
 ואורך בדרך זו תלך איעצה עליך
 עיני⁹ אל תהיו כסוס כפרד אין הבין
 במתג ורסן עדיו לבלום בל קרב
 אליך¹⁰ רבים מכאובים לרשע והבוטח
 ביהוה חסד יסובבנו¹¹ שמחו ביהוה וגילו
 צדיקים והרנינו כל ישרי לב

33 רננו צדיקים ביהוה לישרים נאווה
 תהלה² הודו ליהוה בכנור בנבל עשור
 זמרו לו³ שירו לו^c שיר חדש היטיבו נגן
 בתרועה⁴ כי ישר דבר יהוה וכל מעשהו
 באמונה⁵ אהב צדקה ומשפט חסד יהוה
 מלאה הארץ⁶ בדבר יהוה שמים נעשו

l BHS has been faithful to the Leningrad Codex where there might be a question of the validity of the form and we keep the same form as BHS.

c We read one or more accents in L differently than BHS. Often this notation indicates a typographical error in BHS.

ואשמחה בחסדך אשר ראית את עניי
 ידעת בצרות נפשי⁹ ולא הסגרתני ביד
 אויב העמדת במרחב רגלי¹⁰ חנני יהוה
 כי צר לי עששה בכעס עיני נפשי
 ובטני¹¹ כי כלו ביגון חיי ושנותי באנחה
 כשל בעוני כחי ועצמי עששו¹² מכל
 צררי הייתי חרפה ולשכני מאד ופחד
 למידעי ראי בחוץ נדדו ממני¹³ נשכחתי
 כמת מלב הייתי ככלי אבד¹⁴ כי שמעתי
 דבת רבים מגור מסביב בהוסדם יחד עלי
 לקחת נפשי זממו¹⁵ ואני עליך בטחתי
 יהוה אמרתי אלהי אתה¹⁶ בידך עתתי
 הצילני מיד אויבי ומרדפי¹⁷ האירה פניך
 על עבדך הושיעני בחסדך¹⁸ יהוה אל
 אבושה כי קראתיך יבשו רשעים ידמו
 לשאול¹⁹ תאלמנה שפתי שקר הדברות
 על צדיק עתק בגאווה ובזו²⁰ מה רב טובך
 אשר צפנת ליראיך פעלת לחסים בך נגד
 בני אדם¹ ²¹ תסתירם בסתר פניך מרכסי
 איש תצפנם בסכה מריב לשנות²² ברוך
 יהוה כי הפליא חסדו לי בעיר
 מצור²³ ואני אמרתי בחפזי נגרזתי מנגד
 עיניך אכן שמעת קול תחנוני בשועי
 אליך²⁴ אהבו את יהוה כל חסידיו
 אמונים נצר יהוה ומשלם על יתר עשה
 גאווה²⁵ חזקו ויאמן לבבכם כל המיחלים
 ליהוה

l BHS has been faithful to the Leningrad Codex where there might be a question of the validity of the form and we keep the same form as BHS.

צרותיו הושיעו⁸ חנה מלאך יהוה סביב
 ליראיו ויחלצם⁹ טעמו וראו כי טוב יהוה
 אשרי הגבר יחסה בו¹⁰ יראו את יהוה
 קדשיו כי אין מחסור ליראיו¹¹ כפירים
 רשו ורעבו ודרשי יהוה לא יחסרו כל
 טוב¹² לכו בנים שמעו לי יראת יהוה
 אלמדכם¹³ מי האיש החפץ חיים אהב
 ימים לראות טוב¹⁴ נצר לשונך מרע
 ושפתיך מדבר מרמה¹⁵ סור מרע ועשה
 טוב בקש שלום ורדפהו¹⁶ עיני יהוה אל
 צדיקים ואזניו אל שועתם¹⁷ פני יהוה
 בעשי רע להכרית מארץ זכרם¹⁸ צעקו
 ויהוה שמע ומכל צרותם הצילם¹⁹ קרוב
 יהוה לנשברי לב ואת דכאי רוח
 יושיע²⁰ רבות רעות צדיק ומכלם יצילנו
 יהוה²¹ שמר כל עצמותיו אחת מהנה לא
 נשברה²² תמותת רשע רעה ושנאי צדיק
 יאשמו²³ פודה יהוה נפש עבדיו ולא
 יאשמו כל החסים בו

וברוח פיו כל צבאם⁷ כנס כנד מי הים
 נתן באצרות תהומות⁸ ייראו מיהוה כל
 הארץ ממנו יגורו כל ישבי תבל⁹ כי הוא
 אמר ויהי הוא צוה ויעמד¹⁰ יהוה הפיר
 עצת גוים הניא מחשבות עמים¹¹ עצת
 יהוה לעולם תעמד מחשבות לבו לדר
 ודר¹² אשרי הגוי אשר יהוה אלהיו העם
 בחר לנחלה לו¹³ משמים הביט יהוה
 ראה את כל בני האדם¹⁴ ממכון שבתו
 השגיח אל כל ישבי הארץ¹⁵ היצר יחד
 לבם המבין אל כל מעשיהם¹⁶ אין המלך
 נושע ברב חיל גבור לא ינצל ברב
 כח¹⁷ שקר הסוס לתשועה וברב חילו לא
 ימלט¹⁸ הנה עין יהוה אל יראיו למיחלים
 לחסדו¹⁹ להציל ממות נפשם ולחיותם
 ברעב²⁰ נפשנו חכתה ליהוה עזרנו ומגננו
 הוא²¹ כי בו ישמח לבנו כי בשם קדשו
 בטחנו²² יהי חסדך יהוה עלינו כאשר
 יחלנו לך

35 לדוד ריבה יהוה את יריבי לחם את
 לחמי² החזק מגן וצנה וקומה
 בעזרתי³ והרק חנית וסגר לקראת רדפי
 אמר לנפשי ישעתך אני⁴ יבשו ויכלמו
 מבקשי נפשי יסגו אחור ויחפרו חשבי
 רעתי⁵ יהיו כמץ לפני רוח ומלאך יהוה
 דוחה⁶ יהי דרכם חשך וחלקלקות ומלאך
 יהוה רדפם⁷ כי חנם טמנו לי שחת

34 לדוד בשנותו את טעמו לפני
 אבימלך ויגרשהו וילך² אברכה את יהוה
 בכל עת תמיד תהלתו בפי³ ביהוה
 תתהלל נפשי ישמעו ענוים וישמחו⁴ גדלו
 ליהוה אתי ונרוממה שמו יחדו⁵ דרשתי
 את יהוה וענני ומכל מגורותי
 הצילני⁶ הביטו אליו ונהרו ופניהם אל
 יחפרו⁷ זה עני קרא ויהוה שמע ומכל

עבדו²⁸ ולשוני תהגה צדקך כל היום
תהלתך

36 למנצח לעבד יהוה לדוד² נאם פשע
לרשע בקרב לבי אין פחד אלהים לנגד
עיניו³ כי החליק אליו בעיניו למצא עונו
לשנא⁴ דברי פיו און ומרמה חדל
להשכיל להיטיב⁵ און יחשב על משכבו
יתיצב על דרך לא טוב רע לא
ימאס⁶ יהוה בהשמים חסדך אמונתך עד
שחקים⁷ צדקתך כהררי אל משפטך
תהום רבה אדם ובהמה תושיע
יהוה⁸ מה יקר חסדך אלהים ובני אדם
בצל כנפיך יחסיון⁹ ירוין מדשן ביתך
ונחל עדניך תשקם¹⁰ כי עמך מקור חיים
באורך נראה אור¹¹ משך חסדך לידעיך
וצדקתך לישרי לב¹² אל תבואני רגל
גאווה ויד רשעים אל תנדני¹³ שם נפלו
פעלי און דחו ולא יכלו קום

37 לדוד אל תתחר במרעים אל תקנא
בעשי עולה² כי כחציר מהרה ימלו וכירק
דשא יבולון³ בטח ביהוה ועשה טוב שכן
ארץ ורעה אמונה⁴ והתענג על יהוה ויתן
לך משאלת לבך⁵ גול על יהוה דרכך
ובטח עליו והוא יעשה⁶ והוציא כאור
צדקך ומשפטך כצהרים⁷ דום ליהוה
והתחולל לו אל תתחר במצליח דרכו

רשתם חנם חפרו לנפשי⁸ תבואהו שואה
לא ידע ורשתו אשר טמן תלכדו בשואה
יפל בה⁹ ונפשי תגיל ביהוה תשיש
בישועתו¹⁰ כל עצמותי תאמרנה יהוה מי
כמוך מציל עני מחזק ממנו ועני ואביון
מגזלו¹¹ יקומון עדי חמס אשר לא ידעתי
ישאלוני¹² ישלמוני רעה תחת טובה
שכול לנפשי¹³ ואני בחלותם לבושי שק
עניתי בצום נפשי ותפלתי על חיקי
תשוב¹⁴ כרע כאח לי התהלכתי כאבל
אם קדר שחותי¹⁵ ובצלעי שמחו ונאספו
נאספו עלי נכים ולא ידעתי קרעו ולא
דמו¹⁶ בחנפי לעגי מעוג חרק עלי
שנימו¹⁷ אדני כמה תראה השיבה נפשי
משאיהם מכפירים יחידתי¹⁸ אודך בקהל
רב בעם עצום אהללך¹⁹ אל ישמחו לי
איבי שקר שנאי חנם יקרצו עין²⁰ כי לא
שלום ידברו ועל רגעי ארץ דברי מרמות
יחשבון²¹ וירחיבו עלי פיהם אמרו האח
האח ראתה עינינו²² ראיתה יהוה אל
תחרש אדני אל תרחק ממני²³ העירה
והקיצה למשפטי אלהי ואדני
לריבי²⁴ שפטני כצדקך יהוה אלהי ואל
ישמחו לי²⁵ אל יאמרו בלבם האח נפשנו
אל יאמרו בלענוהו²⁶ יבשו ויחפרו יחדו
שמחי רעתי ילבשו בשת וכלמה
המגדילים עלי²⁷ ירנו וישמחו חפצי צדקי
ויאמרו תמיד יגדל יהוה החפץ שלום

תדבר משפט³¹ תורת אלהיו בלבו לא
 תמעד אשריו^c צופה רשע לצדיק
 ומבקש להמיתו¹ יהוה לא יעזבנו בידו
 ולא ירשיענו בהשפטו³⁴ קוה אל יהוה
 ושמר דרכו וירוממך לרשת ארץ בהכרת
 רשעים תראה³⁵ ראיתי רשע עריץ
 ומתערה כאזרח רענן³⁶ ויעבר והנה איננו
 ואבקשהו ולא נמצא³⁷ שמר תם וראה
 ישר כי אחרית לאיש שלום³⁸ ופשעים
 נשמדו יחדו אחרית רשעים
 נכרתה³⁹ ותשועת צדיקים מיהוה מעוזם
 בעת צרה⁴⁰ ויעזרם יהוה ויפלטם יפלטם
 מרשעים ויושיעם כי חסו בו

38 מזמור לדוד להזכיר² יהוה אל
 בקצפך תוכיחני ובחמתך תיסרני³ כי
 חציך נחתו בי ותנחת עלי ידך⁴ אין מתם
 בבשרי מפני זעמך אין שלום בעצמי מפני
 חטאתי⁵ כי עונתי עברו ראשי כמשא
 כבד יכבדו ממני⁶ הבאישו נמקו חבורתי
 מפני אולתי⁷ נעויתי שחתי עד מאד כל
 היום קדר הלכתי⁸ כי כסלי מלאו נקלה
 ואין מתם בבשרי⁹ נפוגותי ונדכיתי עד
 מאד שאגתי מנהמת לבי¹⁰ אדני נגדך כל
 תאותי ואנחתי ממך לא נסתרה¹¹ לבי

באיש עשה מזמות⁸ הרף מאף ועזב חמה
 אל תתחר אך להרע⁹ כי מרעים יכרתון
 וקוי יהוה המה יירשו ארץ¹⁰ ועוד מעט
 ואין רשע והתבוננת על מקומו
 ואיננו¹¹ וענוים יירשו ארץ והתענגו על
 רב שלום¹² זמם רשע לצדיק וחרק עליו
 שניו¹³ אדני ישחק לו כי ראה כי יבא
 יומו¹⁴ חרב פתחו רשעים ודרכו קשתם
 להפיל עני ואביון לטבוח ישרי
 דרך¹⁵ חרבם תבוא בלבם וקשתותם
 תשברנה¹⁶ טוב מעט לצדיק מהמון
 רשעים רבים¹⁷ כי זרועות רשעים
 תשברנה וסומך צדיקים יהוה¹⁸ יודע
 יהוה ימי תמימם ונחלתם לעולם
 תהיה¹⁹ לא יבשו בעת רעה ובימי רעבון
 ישבעו²⁰ כי רשעים יאבדו ואיבי יהוה
 כיקר כרים כלו בעשן כלו²¹ לזה רשע
 ולא ישלם וצדיק חונן ונותן²² כי מברכיו
 יירשו ארץ ומקלליו יכרתו²³ מיהוה
 מצעדי גבר כוננו ודרכו יחפץ²⁴ כי יפל
 לא יוטל כי יהוה סומך ידו²⁵ נער הייתי
 גם זקנתי ולא ראיתי צדיק נעזב וזרעו
 מבקש לחם²⁶ כל היום חונן ומלוה וזרעו
 לברכה²⁷ סור מרע ועשה טוב ושכן
 לעולם²⁸ כי יהוה אהב משפט ולא יעזב
 את חסידיו לעולם נשמרו וזרע רשעים
 נכרת²⁹ צדיקים יירשו ארץ וישכנו לעד
 עליה³⁰ פי צדיק יהגה חכמה ולשונו

c We read one or more accents in L differently than BHS. Often this notation indicates a typographical error in BHS.

1 BHS has been faithful to the Leningrad Codex where there might be a question of the validity of the form and we keep the same form as BHS.

תוחלתי לך היא⁹ מכל פשעי הצילני
 חרפת נבל אל תשימני¹⁰ נאלמתי לא
 אפתח פי כי אתה עשית¹¹ הסר מעלי
 נגעך מתגרת ירך אני כליתי¹² בתוכחות
 על עון יסרת איש ותמס כעש חמודו אך
 הבל כל אדם סלה¹³ שמעה תפלתי יהוה
 ושועתי האזינה אל דמעתי אל תחרש כי
 גר אנכי עמך תושב ככל אבותי¹⁴ השע
 ממני ואבליגה בטרם אלך ואינני

40 למנצח לדוד מזמור² קוה קויתי
 יהוה ויט אלי וישמע שועתי³ ויעלני מבור
 שאון מטיט היון ויקם על סלע רגלי כונן
 אשרי⁴ ויתן בפי שיר חדש תהלה
 לאלהינו יראו רבים וייראו ויבטחו
 ביהוה⁵ אשרי הגבר אשר שם יהוה
 מבטחו ולא פנה אל רהבים ושטי
 כזב⁶ רבות עשית אתה יהוה אלהי
 נפלאתיך ומחשבתך אלינו אין ערך
 אליך אגידה ואדברה עצמו מספר⁷ זבח
 ומנחה לא חפצת אזנים כרית לי עולה
 וחטאה לא שאלת⁸ אז אמרתי הנה
 באתי במגלת ספר כתוב עלי⁹ לעשות
 רצונך אלהי חפצתי ותורתך^c בתוך מעי¹
⁰ בשרתי צדק בקהל רב הנה שפתי לא
 אכלא יהוה אתה ידעת¹¹ צדקתך לא
 כסיתי בתוך לבי אמונתך ותשועתך

c We read one or more accents in L differently than BHS. Often this notation indicates a typographical error in BHS.

סחרחר עזבני כחי ואור עיני גם הם אין
 אתי¹² אהבי ורעי מנגד נגעי יעמדו
 וקרובי מרחק עמדו¹³ וינקשו מבקשי
 נפשי ודרשי רעתי דברו הוות ומרמות כל
 היום יהגו¹⁴ ואני כחרש לא אשמע
 וכאלם לא יפתח פיו¹⁵ ואהי כאיש אשר
 לא שמע ואין בפיו תוכחות¹⁶ כי לך יהוה
 הוחלתי אתה תענה אדני אלהי¹⁷ כי
 אמרתי פן ישמחו לי במוט רגלי עלי
 הגדילו¹⁸ כי אני לצלע נכון ומכאובי נגדי
 תמיד¹⁹ כי עוני אגיד אדאג
 מחטאתי²⁰ ואיבי חיים עצמו ורבו שנאי
 שקר²¹ ומשלמי רעה תחת טובה ישטנוני
 תחת רדופי^c רדפי טוב²² אל תעזבני יהוה
 אלהי אל תרחק ממני²³ חושה לעזרתי
 אדני תשועתי

39 למנצח לידיתון לידותון מזמור
 לדוד² אמרתי אשמרה דרכי מחטוא
 בלשוני אשמרה לפי מחסום בעד רשע
 לנגדי³ נאלמתי דומיה החשיתי מטוב
 וכאבי נעכר⁴ חם לבי בקרבי בהגיגי
 תבער אש דברתי בלשוני⁵ הודיעני יהוה
 קצי ומדת ימי מה היא אדעה מה חדל
 אני⁶ הנה טפחות נתתה ימי וחלדי כאין
 נגדך אך כל הבל כל אדם נצב סלה⁷ אך
 בצלם יתהלך איש אך הבל יהמיון יצבר
 ולא ידע מי אספם⁸ ועתה מה קויתי אדני

בטחתי בו^c אוכל לחמי הגדיל עלי עקב¹
 ואתה יהוה חנני והקימני ואשלמה¹
 להם¹² בזאת ידעתי כי חפצת בי כי לא
 יריע איבי עלי¹³ ואני בתמי תמכת בי
 ותציבני לפניך לעולם¹⁴ ברוך יהוה אלהי
 ישראל מהעולם ועד העולם אמן ואמן

42 למנצח משכיל לבני קרח² כאיל
 תערג על אפיקי מים כן נפשי תערג אליך
 אלהים³ צמאה נפשי לאלהים לאל חי
 מתי אבוא ואראה פני אלהים⁴ היתה לי
 דמעתי לחם יומם ולילה באמר אלי כל
 היום איה אלהיך⁵ אלה אזכרה ואשפכה
 עלי נפשי כי אעבר בסך אדדם עד בית
 אלהים בקול רנה ותודה המון חוגג⁶ מה
 תשתוחחי נפשי ותהמי עלי הוחילי
 לאלהים כי עוד אודנו ישועות פניו⁷ אלהי
 עלי נפשי תשתוחח על כן אזכרך מארץ
 ירדן וחרמונים מהר מצער⁸ תהום אל
 תהום קורא לקול צנוריק כל משבריק
 וגליך עלי עברו⁹ יומם יצוה יהוה חסדו
 ובלילה **שירה** שירו עמי תפלה לאל
 חיי¹⁰ אומרה לאל סלעי למה שכחתני
 למה קדר אלך בלחץ אויב¹¹ ברצח
 בעצמותי חרפוני צוררי באמרם אלי כל
 היום איה אלהיך¹² מה תשתוחחי נפשי
 ומה תהמי עלי הוחילי לאלהים כי עוד

c We read one or more accents in L differently than BHS. Often this notation indicates a typographical error in BHS.

אמרתי לא כחדתי חסדך ואמתך לקהל
 רב¹² אתה יהוה לא תכלא רחמך ממני
 חסדך ואמתך תמיד יצרוני¹³ כי אפפו
 עלי רעות עד אין מספר השיגוני עונתי
 ולא יכלתי לראות עצמו משערות ראשי
 ולבי עזבני¹⁴ רצה יהוה להצילני יהוה
 לעזרתי חושה¹⁵ יבשו ויחפרו יחד
 מבקשי נפשי לספותה יסגו אחור ויכלמו
 חפצי רעתי¹⁶ ישמו על עקב בשתם
 האמרים לי האח^c האח¹⁷ ישישו וישמחו
 בך כל מבקשיך יאמרו תמיד יגדל יהוה
 אהבי תשועתך¹⁸ ואני עני ואביון אדני
 יחשב לי עזרתי ומפלטי אתה אלהי אל
 תאחר

41 למנצח מזמור לדוד² אשרי משכיל
 אל דל ביום רעה ימלטהו יהוה³ יהוה
 ישמרהו ויחיהו **יאשר** ואשר בארץ ואל
 תתנהו בנפש איביו⁴ יהוה יסעדנו על
 ערש דוי כל משכבו הפכת בחליו⁵ אני
 אמרתי יהוה חנני רפאה נפשי כי חטאתי
 לך⁶ אויבי יאמרו רע לי מתי ימות ואבד
 שמו⁷ ואם בא לראות שוא ידבר לבו
 יקבץ און לו יצא לחוץ ידבר⁸ יחד עלי
 יתלחשו כל שנאי עלי יחשבו רעה
 לי⁹ דבר בליעל יצוק בו ואשר שכב לא
 יוסיף לקום¹⁰ גם איש שלומי אשר

c We read one or more accents in L differently than BHS. Often this notation indicates a typographical error in BHS.

אודנו ישועת פני ואלהי

43 שפטני אלהים וריבה ריבי מגוי לא
 חסיד מאיש מרמה ועולה תפלטני ² כי
 אתה אלהי מעוזי למה זנחתני למה קדר
 אתהלך בלחץ אויב ³ שלח אורך ואמתך
 המה ינחוני יביאוני אל הר קדשך ואל
 משכנותיך ⁴ ואבואה אל מזבח אלהים אל
 אל שמחת גילי ואודך בכנור אלהים
 אלהי ⁵ מה תשתוחחי נפשי ומה תהמי
 עלי הוחילי לאלהים כי עוד אודנו ישועת
 פני ואלהי

44 למנצח לבני קרח משכיל ² אלהים
 באזנינו שמענו אבותינו ספרו לנו פעל
 פעלת בימיהם בימי קדם ³ אתה ידך גוים
 הורשת ותטעם תרע לאמים
 ותשלחם ⁴ כי לא בחרבם ירשו ארץ
 וזרועם לא הושיעה למו כי ימינך זרועך
 ואור פניך כי רציתם ⁵ אתה הוא מלכי
 אלהים צוה ישועות יעקב ⁶ בך צרינו ננגח
 בשמך נבוס קמינו ⁷ כי לא בקשתי אבטח
 וחרבי לא תושיעני ⁸ כי הושעתנו מצרינו
 ומשנאינו הבישות ⁹ באלהים הללנו ¹ כל
 היום ושמך לעולם נודה סלה ¹⁰ אף זנחת
 ותכלימנו ולא תצא בצבאותינו ¹¹ תשיבנו
 אחר מני צר ומשנאינו שסו למו ¹² תתננו

כצאן מאכל ובגוים זריתנו ¹³ תמכר עמך
 בלא הון ולא רבית במחיריהם ¹⁴ תשימנו
 חרפה לשכנינו לעג וקלס
 לסביבותינו ¹⁵ תשימנו משל בגוים מנוד
 ראש בל אמים ¹⁶ כל היום כלמתי נגדי
 ובשת פני כסתני ¹⁷ מקול מחרף ומגדף
 מפני אויב ומתנקם ¹⁸ כל זאת באתנו ולא
 שכחנוך ולא שקרנו בבריתך ¹⁹ לא נסוג
 אחר לבנו ותט אשרינו מני ארחך ²⁰ כי
 דכיתנו במקום תנים ותכס עלינו
 בצלמות ²¹ אם שכחנו שם אלהינו ונפרש
 כפינו לאל זר ²² הלא אלהים יחקר זאת
 כי הוא ידע תעלמות לב ²³ כי עליך הרגנו
 כל היום נחשבנו כצאן טבחה ²⁴ עורה
 למה תישן אדני הקיצה אל תזנח
 לנצח ²⁵ למה פניך תסתיר תשכח ענינו
 ולחצנו ²⁶ כי שחה לעפר נפשנו דבקה
 לארץ בטננו ²⁷ קומה עזרתה לנו ופדנו
 למען חסדך

45 למנצח על ששנים לבני קרח משכיל
 שיר ידידת ² רחש לבי דבר טוב אמר אני
 מעשי למלך לשוני עט סופר
 מהיר ³ יפיפית מבני אדם הוצק חן
 בשפתותיך על כן ברכך אלהים
 לעולם ⁴ חגור חרבך על ירך גבור הודך
 והדרך ⁵ והדרך צלח רכב על דבר אמת
 וענוה צדק ותורך נוראות ימינך ⁶ חציך

¹ BHS has been faithful to the Leningrad Codex where there might be a question of the validity of the form and we keep the same form as BHS.

אלהים לפנות בקר⁷ המו גוים^c מטו
ממלכות נתן בקולו תמוג ארץ⁸ יהוה
צבאות עמנו משגב לנו אלהי יעקב
סלה⁹ לכו חזו מפעלות יהוה אשר שם
שמות בארץ¹⁰ משבית מלחמות עד קצה
הארץ קשת ישבר וקצץ חנית עגלות
ישרף באש¹¹ הרפו ודעו כי אנכי אלהים
ארום בגוים ארום בארץ¹² יהוה צבאות
עמנו משגב לנו אלהי יעקב סלה

47 למנצח לבני קרח מזמור² כל
העמים תקעו כף הריעו לאלהים בקול
רנה³ כי יהוה עליון נורא מלך גדול על
כל הארץ⁴ ידבר עמים תחתינו ולאמים
תחת רגלינו⁵ יבחר לנו את נחלתנו את
גאון יעקב אשר אהב סלה⁶ עלה אלהים
בתרועה יהוה בקול שופר⁷ זמרו אלהים
זמרו זמרו למלכנו זמרו⁸ כי מלך כל
הארץ אלהים זמרו משכיל⁹ מלך אלהים
על גוים אלהים ישב על כסא
קדשו¹⁰ נדיבי עמים נאספו עם אלהי
אברהם כי לאלהים מגני ארץ מאד נעלה

48 שיר מזמור לבני קרח² גדול יהוה
ומהלל מאד בעיר אלהינו הר קדשו³ יפה
נוף משוש כל הארץ הר ציון ירکتני צפון

שנונים עמים תחתיך יפלו בלב אויבי
המלך⁷ כסאך אלהים עולם ועד שבט
מישר שבט מלכותך⁸ אהבת צדק ותשנא
רשע על כן משחך אלהים אלהיך שמן
ששון מחבריך⁹ מר ואהלות קציעות כל
בגדתיך מן היכלי שן מני שמחוך¹⁰ בנות
מלכים ביקרותיך נצבה שגל לימינך
בכתם אופיר¹¹ שמעי בת וראי והטי אזנך
ושכחי עמך ובית אביך¹² ויתאו המלך
יפיך כי הוא אדניך והשתחוי לו¹³ ובת
צר במנחה פניך יחלו עשירי עם¹⁴ כל
כבודה בת מלך פנימה ממשבצות זהב
לבושה¹⁵ לרקמות תובל למלך בתולות
אחריה רעותיה מובאות לך¹⁶ תובלנה^c
בשמחת וגיל תבאינה בהיכל
מלך¹⁷ תחת אבתיך יהיו בניך תשיתמו
לשרים בכל הארץ¹⁸ אזכירה שמך בכל
דר ודר על כן עמים יהודך לעלם ועד

46 למנצח לבני קרח על עלמות
שיר² אלהים לנו מחסה ועז עזרה בצרות
נמצא מאד³ על כן לא נירא בהמיר ארץ
ובמוט הרים בלב ימים⁴ יהמו יחמרו
מימיו ירעשו הרים בגאותו סלה⁵ נהר
פלגיו ישמחו עיר אלהים קדש משכני
עליון⁶ אלהים בקרבה בל תמוט יעזרה

c We read one or more accents in L differently than BHS. Often this notation indicates a typographical error in BHS.

c We read one or more accents in L differently than BHS. Often this notation indicates a typographical error in BHS.

כסיל ובער יאבדו ועזבו לאחרים
 חילם¹² קרבם בתימו לעולם משכנתם
 לדר ודר קראו בשמותם עלי
 אדמות¹³ ואדם ביקר בל ילין נמשל
 כבהמות נדמו¹⁴ זה דרכם כסל למו
 ואחריהם בפיהם ירצו סלה¹⁵ כצאן
 לשאול שתו מות ירעם וירדו במ ישרים
 לבקר **וצירם וצורם** לבלות שאול מזבל
 לו¹⁶ אך אלהים יפדה נפשי מיד שאול כי
 יקחני סלה¹⁷ אל תירא כי יעשר איש כי
 ירבה כבוד ביתו¹⁸ כי לא במותו יקח
 הכל לא ירד אחריו כבודו¹⁹ כי נפשו
 בחייו יברך ויודך כי תיטיב לך²⁰ תבוא
 עד דור אבותיו עד נצח לא יראו
 אור²¹ אדם ביקר ולא יבין נמשל
 כבהמות נדמו

50 מזמור לאסף אל אלהים יהוה דבר
 ויקרא ארץ ממזרח שמש עד
 מבאו² מציון מכלל יפי אלהים
 הופיע³ יבא אלהינו ואל יחרש אש לפניו
 תאכל וסביביו נשערה מאד⁴ יקרא אל
 השמים מעל ואל הארץ לדין עמו⁵ אספו
 לי חסידי כרתי בריתי עלי זבח⁶ ויגידו
 שמים צדקו כי אלהים שפט הוא
 סלה⁷ שמעה עמי ואדברה ישראל
 ואעידה בך אלהים אלהיך אנכי⁸ לא על
 זבחיך אוכיחך ועולתיך לנגדי תמיד⁹ לא

קרית מלך רב⁴ אלהים בארמנותיה נודע
 למשגב⁵ כי הנה המלכים נועדו עברו
 יחדו⁶ המה ראו כן תמהו נבהלו
 נחפזו⁷ רעדה אחזתם שם חיל
 כיולדה⁸ ברוח קדים תשבר אניות
 תרשיש⁹ כאשר שמענו כן ראינו בעיר
 יהוה צבאות בעיר אלהינו אלהים יכוננה
 עד עולם סלה¹⁰ דמינו אלהים חסדך
 בקרב היכלך¹¹ כשמך אלהים כן תהלתך
 על קצוי ארץ צדק מלאה ימינך¹² ישמח
 הר ציון תגלנה בנות יהודה למען
 משפטיך¹³ סבו ציון והקיפיה ספרו
 מגדליה¹⁴ שיתו לבכם לחילה פסגו
 ארמנותיה למען תספרו לדור אחרון¹⁵ כי
 זה אלהים אלהינו עולם ועד הוא ינהגנו
 על מות

49 למנצח לבני קרח מזמור² שמעו
 זאת כל העמים האזינו כל יושבי חלד³ גם
 בני אדם גם בני איש יחד עשיר
 ואביון⁴ פי ידבר חכמות והגות לבי
 תבונות⁵ אטה למשל אזני אפתח בכנור
 חידתי⁶ למה אירא בימי רע עון עקבי
 יסובני⁷ הבטחים על חילם וברב עשרם
 יתהללו⁸ אח לא פדה יפדה איש לא יתן
 לאלהים כפרו⁹ ויקר פדיון נפשם וחדל
 לעולם¹⁰ ויחי עוד לנצח לא יראה
 השחת¹¹ כי יראה חכמים ימותו יחד

יחמתני אמי⁸ הן אמת חפצת בטחות
 ובסתם חכמה תודיעני⁹ תחטאני באזוב
 ואטהר תכבסני ומשלג אלבין¹⁰ תשמיעני
 ששון ושמחה תגלנה עצמות
 דכית¹¹ הסתר פניך מחטאי וכל עונתי
 מחה¹² לב טהור ברא לי אלהים ורוח
 נכון חדש בקרבי¹³ אל תשליכני מלפניך
 ורוח קדשך אל תקח ממני¹⁴ השיבה לי
 ששון ישעך ורוח נדיבה
 תסמכני¹⁵ אלמדה פשעים דרכיך
 וחטאים אליך ישובו¹⁶ הצילני מדמים
 אלהים אלהי תשועתי תרנן לשוני
 צדקתך¹⁷ אדני שפתי תפתח ופי יגיד
 תהלתיך¹⁸ כי לא תחפץ זבח ואתנה עולה
 לא תרצה¹⁹ זבחי אלהים רוח נשברה לב
 נשבר ונדכה אלהים לא תבזה²⁰ היטיבה
 ברצונך את ציון תבנה חומות
 ירושלים²¹ אז תחפץ זבחי צדק עולה
 וכליל אז יעלו על מזבחך פרים

אקח מביתך פר ממכלאתיך עתודים¹⁰ כי
 לי כל חיתו יער בהמות בהררי
 אלף¹¹ ידעתי כל עוף הרים וזיו שדי
 עמדי¹² אם ארעב לא אמר לך כי לי תבל
 ומלאה¹³ האוכל בשר אבירים ודם
 עתודים אשתה¹⁴ זבח לאלהים תודה
 ושלם לעליון נדריך¹⁵ וקראני ביום צרה
 אחלצך ותכבדני¹⁶ ולרשע אמר אלהים
 מה לך לספר חקי ותשא בריתי עלי
 פיך¹⁷ ואתה שנאת מוסר ותשלך דברי
 אחרים¹⁸ אם ראית גנב ותרץ עמו ועם
 מנאפים חלקך¹⁹ פיך שלחת ברעה
 ולשונך תצמיד מרמה²⁰ תשב באחריך
 תדבר בבן אמך תתן דפי²¹ אלה עשית
 והחרשתי דמית היות אהיה כמוך
 אוכיחך ואערכה לעיניך²² בינו נא זאת
 שכחי אלוה פן אטרף ואין מציל²³ זבח
 תודה יכבדני ושם דרך אראנו בישע
 אלהים

52 למנצח משכיל לדוד² בבוא דואג
 האדמי ויגד לשאול ויאמר לו בא דוד אל
 בית אחימלך³ מה תתהלל ברעה הגבור
 חסד אל כל היום⁴ הוות תחשב לשונך
 כתער מלטש עשה רמיה⁵ אהבת רע
 מטוב שקר מדבר צדק סלה⁶ אהבת כל
 דברי בלע לשון מרמה⁷ גם אל יתצך

51 למנצח מזמור לדוד² בבוא אליו נתן
 הנביא כאשר בא אל בת שבע³ חנני
 אלהים כחסדך כרב רחמך מחה
 פשעי⁴ הרבה הרב כבסני מעוני ומחטאתי
 טהרני⁵ כי פשעי אני אדע וחטאתי נגדי
 תמיד⁶ לך לבדך חטאתי והרע בעיניך
 עשיתי למען תצדק בדברך תזכה
 בשפטך⁷ הן בעוון חוללתי ובחטא

בקשו נפשי לא שמו אלהים לנגדם
 סלה ⁶ הנה אלהים עזר לי אדני בסמכי
 נפשי ⁷ ישוב ישיב הרע לשררי באמתך
 הצמיתם ⁸ בנדבה אזבחה לך אודה שמך
 יהוה כי טוב ⁹ כי מכל צרה הצילני ובאיבי
 ראתה עיני

55 למנצח בנגינת משכיל

לדוד ² האזינה אלהים תפלתי ואל
 תתעלם מתחנתי ³ הקשיבה לי וענני
 אריד בשיחי ואהימה ⁴ מקול אויב מפני
 עקת רשע כי ימיטו עלי און ובאף
 ישטמוני ⁵ לבי יחיל בקרבי ואימות מות
 נפלו עלי ⁶ יראה ורעד יבא בי ותכסני
 פלצות ⁷ ואמר מי יתן לי אבר כיונה
 אעופה ואשכנה ⁸ הנה ארחיק נדד אלן
 במדבר סלה ⁹ אחישה מפלט לי מרוח
 סעה מסער ¹⁰ בלע אדני פלג לשונם כי
 ראיתי חמס וריב בעיר ¹¹ יזמם ולילה
 יסובבה על חומתיה ואון ועמל
 בקרבה ¹² הוות בקרבה ולא ימיש
 מרחבה תך ומרמה ¹³ כי לא אויב יחרפני
 ואשא לא משנאי עלי הגדיל ואסתר
 ממנו ¹⁴ ואתה אנוש כערכי אלופי
 ומידעי ¹⁵ אשר יחדו נמתיק סוד בבית
 אלהים נהלך ברגש ¹⁶ ישימות ישי מות
 עלימו ירדו שאול חיים כי רעות במגורם
 בקרבם ¹⁷ אני אל אלהים אקרא ויהוה

לנצח יחתך ויסחך מאהל ושרשך^c מארץ
 חיים סלה ⁸ ויראו צדיקים וייראו ועליו
 ישחקו ⁹ הנה הגבר לא ישים אלהים
 מעוזו ויבטח ברב עשרו יעז בהותו ¹⁰ ואני
 כזית רענן בבית אלהים בטחתי בחסד
 אלהים עולם ועד ¹¹ אודך לעולם כי עשית
 ואקוה שמך כי טוב נגד חסידיך

53 למנצח על מחלת משכיל

לדוד ² אמר נבל בלבו אין אלהים
 השחיתו והתעיבו עול אין עשה
 טוב ³ אלהים משמים השקיף על בני אדם
 לראות היש משכיל דרש את
 אלהים ⁴ כלו סג יחדו נאלחו אין עשה
 טוב אין גם אחד ⁵ הלא ידעו פעלי און
 אכלי עמי אכלו לחם אלהים לא
 קראו ⁶ שם פחדו פחד לא היה פחד כי
 אלהים פזר עצמות חנך הבשתה כי
 אלהים מאסם ⁷ מי יתן מציון ישעות
 ישראל בשוב אלהים שבות עמו יגל
 יעקב ישמח ישראל

54 למנצח בנגינת משכיל לדוד ² בבוא

הזיפים ויאמרו לשאול הלא דוד מסתתר
 עמנו ³ אלהים בשמך הושיעני ובגבורתך
 תדינני ⁴ אלהים שמע תפלתי האזינה
 לאמרי פי ⁵ כי זרים קמו עלי ועריצים

^c We read one or more accents in L differently than BHS. Often this notation indicates a typographical error in BHS.

אירא מה יעשה אדם לי¹³ עלי אלהים
נדריך אשלם תודת לך¹⁴ כי הצלת נפשי
ממות הלא רגלי מדחי להתהלך לפני
אלהים באור החיים

57 למנצח אל תשחת לדוד מכתם
בברחו מפני שאול במערה² חנני אלהים
חנני כי בך חסיה נפשי ובצל כנפיך
אחסה עד יעבר הוות³ אקרא לאלהים
עליון לאל גמר עלי⁴ ישלח משמים
ויושיעני חרף שאפי סלה ישלח אלהים
חסדו ואמתו⁵ נפשי בתוך לבאם אשכבה
להטים בני אדם שניהם חנית וחצים
ולשונם חרב חדה⁶ רומה על השמים
אלהים על כל הארץ כבודך⁷ רשת הכינו
לפעמי כפף נפשי כרו לפני שיחה נפלו
בתוכה סלה⁸ נכון לבי אלהים נכון לבי
אשירה ואזמרה⁹ עורה כבודי עורה
הנבל וכנור אעירה שחר¹⁰ אודך בעמים
אדני אזמרך בל אמים¹¹ כי גדל עד שמים
חסדך ועד שחקים אמתך¹² רומה על
שמים אלהים על כל הארץ כבודך

58 למנצח אל תשחת לדוד
מכתם² האמנם אלם צדק תדברון
מישרים תשפטו בני אדם³ אף בלב עולת
תפעלון בארץ חמס ידיכם תפלוסון⁴ זרו
רשעים מרחם תעו מבטן דברי

ויושיעני¹⁸ ערב ובקר וצהרים אשיחה
ואהמה וישמע קולי¹⁹ פדה בשלום נפשי
מקרב לי כי ברבים היו עמדי²⁰ ישמע אל
ויענם וישב קדם סלה אשר אין חליפות
למו ולא יראו אלהים²¹ שלח ידיו בשלמיו
חלל בריתו²² חלקו מחמאת פיו וקרב
לבו רכו דבריו משמן והמה
פתחות²³ השלך על יהוה יהבך והוא
יכלכלך לא יתן לעולם מוט
לצדיק²⁴ ואתה אלהים תורדם לבאר
שחת אנשי דמים ומרמה לא יחצו ימיהם
ואני אבטח בך

56 למנצח על יונת אלם רחקים לדוד
מכתם באחו אתו פלשתים בגת² חנני
אלהים כי שאפני אנוש כל היום לחם
ילחצני³ שאפו שוררי כל היום כי רבים
לחמים לי מרום⁴ יום אירא אני אליך
אבטח⁵ באלהים אהלל דברו באלהים
בטחתי לא אירא מה יעשה בשר לי⁶ כל
היום דברי יעצבו עלי כל מחשבתם
לרע⁷ יגורו יצפיו יצפונו המה עקבי ישמרו
כאשר קוו נפשי⁸ על און פלט למו באף
עמים הורד אלהים⁹ נדי ספרתה אתה
שימה דמעתי בנאדך הלא בספרתך¹⁰ אז
ישובו אויבי אחור ביום אקרא זה ידעתי
כי אלהים לי¹¹ באלהים אהלל דבר
ביהוה אהלל דבר¹² באלהים בטחתי לא

משגבי¹¹ אלהי **חסדו** **חסדי** יקדמני אלהים
 יראני בשררי¹² אל תהרגם פן ישכחו
 עמי הניעמו בחילך והורידמו מגנו
 אדני¹³ חטאת פימו דבר שפתימו וילכדו
 בגאונם ומאלה ומכחש יספרו¹⁴ כלה
 בחמה כלה ואינמו וידעו כי אלהים משל
 ביעקב לאפסי הארץ סלה¹⁵ וישבו
 לערב יהמו ככלב ויסובבו עיר¹⁶ המה
יניעון **יניעון** לאכל אם לא ישבעו
 וילינו¹⁷ ואני אשר עזך וארנן לבקר
 חסדך כי היית משגב לי ומנוס ביום צר
 לי¹⁸ עזי אליך אזמרה כי אלהים משגבי
 אלהי חסדי

60 למנצח על שושן עדות מכתם לדוד
 ללמד² בהצותו את ארם נהרים ואת
 ארם צובה וישב יואב ויך את אדום בגיא
 מלח שנים עשר אלף³ אלהים זנחתנו
 פרצתנו אנפת תשובב לנו⁴ הרעשתה
 ארץ פצמתה רפה שבריה כי
 מטה⁵ הראיתה עמד קשה השקיתנו יין
 תרעלה⁶ נתתה ליראיך נס להתנוסס
 מפני קשט סלה⁷ למען יחלצון ידידיך
 הושיעה ימינך **ועננו** **וענני**⁸ אלהים דבר
 בקדשו אעלזה אחלקה שכם ועמק סכות
 אמדד⁹ לי גלעד ולי מנשה ואפרים מעוז
 ראשי יהודה מחקקי¹⁰ מואב סיר רחצי
 על אדום אשליך נעלי עלי פלשת

כזב⁵ חמת למו כדמות חמת נחש כמו
 פתן חרש יאטם אזנו⁶ אשר לא ישמע
 לקול מלחשים חובר חברים
 מחכם⁷ אלהים הרס שנימו בפימו
 מלתעות כפירים נתן יהוה⁸ ימאסו כמו
 מים יתהלכו למו ידרך **חצו** **חציו** כמו
 יתמללו⁹ כמו שבלול תמס יהלך נפל
 אשת בל חזו שמש¹⁰ בטרם יבינו
 סירתכם אטד כמו חי כמו חרון
 ישערנו¹¹ ישמח צדיק כי חזה נקם פעמיו
 ירחץ בדם הרשע¹² ויאמר אדם אך פרי
 לצדיק אך יש אלהים שפטים בארץ

59 למנצח אל תשחת לדוד מכתם
 בשלח שאול וישמרו את הבית
 להמיתו² הצילני מאיבי אלהי ממתקוממי
 תשגבני³ הצילני מפעלי און ומאנשי
 דמים הושיעני⁴ כי הנה ארבו לנפשי יגורו
 עלי עזים לא פשעי ולא חטאתי
 יהוה⁵ בלי עון ירוצון ויכוננו עורה
 לקראתי וראה¹ ואתה יהוה אלהים
 צבאות אלהי ישראל הקיצה לפקד כל
 הגוים אל תחן כל בגדי און סלה⁷ ישובו
 לערב יהמו ככלב ויסובבו עיר⁸ הנה
 יביעון בפיהם חרבות בשפתותיהם כי מי
 שמע⁹ ואתה יהוה תשחק למו תלעג לכל
 גוים¹⁰ עזו אליך אשמרה כי אלהים

1 BHS has been faithful to the Leningrad Codex where there might be a question of the validity of the form and we keep the same form as BHS.

לאֱלֹהִים דּוּמִי נִפְשִׁי כִּי מִמֶּנּוּ תִקּוּתִי ⁷ אַךְ
 הוּא צוֹרֵי וַיִּשׁוּעַתִּי מִשְׁגִּבֵי לֹא אֲמוּט ⁸ עַל
 אֱלֹהִים יִשְׁעֵי וּכְבוֹדֵי צוֹר עֲזִי מַחְסֵי
 בָּאֱלֹהִים ⁹ בִּטְחוּ בּוֹ בְּכֹל עֵת עִם שִׁפְכוּ
 לִפְנֵי לְבַבְכֶם אֱלֹהִים מַחְסֵה לָנוּ
 סֵלָה ¹⁰ אַךְ הִבֵּל בְּנֵי אָדָם כִּזְבֵּי בְנֵי אִישׁ
 בְּמֵאזְנִים לְעֵלוֹת הַמָּה מֵהִבֵּל יַחַד ¹¹ אֵל
 תִּבְטְחוּ בַעֲשָׂק וּבַגּוֹל אֵל תִּהְבְּלוּ חֵיל כִּי
 יָנוּב אֵל תִּשְׁתּוֹ לֹב ¹² אַחַת דְּבַר אֱלֹהִים
 שְׁתִּים זֶה שִׁמְעַתִּי כִּי עַז לְאֱלֹהִים ¹³ וְלֹךְ
 אֲדַנִּי חֶסֶד כִּי אַתָּה תִשְׁלַם לְאִישׁ
 כַּמַּעֲשֵׂהוּ

63 מִזְמוֹר לְדָוִד בְּהִיּוֹתוֹ בַּמִּדְבָּר
 יְהוּדָה ² אֱלֹהִים אֵלֵי אַתָּה אֲשַׁחֲרֶךְ צִמְאָה
 לֶךְ נִפְשִׁי כִּמָּה לֶךְ בְּשָׂרֵי בָאָרֶץ צִיָּה וְעִיף
 בְּלֵי מַיִם ³ כֵּן בִּקְדָשׁ חֲזִיתִיךָ לְרֵאוֹת עֲזֶךָ
 וּכְבוֹדֶךָ ⁴ כִּי טוֹב חֶסֶדְךָ מִחַיִּים שִׁפְתֵי
 יִשְׁבַּחֲוֹנֶךָ ⁵ כֵּן אֲבָרְכְךָ בַחַיִּי בְשִׁמְךָ אֲשֶׁא
 כִּפִּי ⁶ כִּמּוֹ חֶלֶב וּדְשֵׁן תִּשְׁבַּע נִפְשִׁי וּשְׁפָתֵי
 רִנְנוֹת יְהוָה פִּי ⁷ אִם זָכַרְתִּיךָ עַל יִצְוֵי
 בְּאֲשִׁמְרוֹת אֶהְגֶּה בְךָ ⁸ כִּי הֵייתָ עֲזַרְתָּה לִּי
 וּבְצֵל כִּנְפֶיךָ אֲרַנֵּן ⁹ דְּבַקָּה נִפְשִׁי אַחֲרֶיךָ בִּי
 תִּמְכָּה יְמִינֶךָ ¹⁰ וְהֵמָּה לְשׂוֹאָה יִבְקָשׁוּ
 נִפְשֵׁי יִבְאוּ בַתְּחִיתוֹת הָאָרֶץ ¹¹ יִגִּירוּהוּ עַל
 יְדֵי חֶרֶב מִנֵּת שְׁעֵלִים יִהְיוּ ¹² וְהַמֶּלֶךְ
 יִשְׂמַח בְּאֱלֹהִים יִתְהַלֵּל כָּל הַנִּשְׁבַּע בּוֹ כִּי
 יִסְכַּר פִּי דוֹבְרֵי שִׁקֵּר

הַתְּרַעֲעֵי ¹¹ מִי יִבְלִנִי עִיר מִצּוֹר מִי נַחֲנִי עַד
 אָדָם ¹² הֲלֹא אַתָּה אֱלֹהִים זִנְחַתְנוּ וְלֹא
 תִצַּא אֱלֹהִים בְּצַבָּאוֹתֵינוּ ¹³ הֲבֵה לָנוּ עֲזַרְתָּ
 מִצָּר וְשׂוֹא תִשׁוּעַת אָדָם ¹⁴ בְּאֱלֹהִים
 נַעֲשֵׂה חֵיל וְהוּא יְבוֹס צְרִינוּ

61 לְמִנְצַח עַל נְגִינַת לְדָוִד ² שִׁמְעָה
 אֱלֹהִים רִנְתִּי הַקְּשִׁיבָה תִּפְלַתִּי ³ מִקְצֵה
 הָאָרֶץ אֲלִיךָ אִקְרָא בַעֲטֹף לְבִי בְּצוֹר יְרוּס
 מִמֶּנִּי תִנְחַנֵּי ⁴ כִּי הֵייתָ מַחְסֵה לִי מִגְדַּל עֵז
 מִפְּנֵי אוֹיֵב ⁵ אֲגוֹרָה בְּאֶהְלֶךְ עוֹלָמִים
 אַחְסֵה בַסֶּתֶר כִּנְפֶיךָ סֵלָה ⁶ כִּי אַתָּה
 אֱלֹהִים שִׁמְעַת לְנִדְרֵי נִתַּת יְרֵשֶׁת יִרְאֵי
 שִׁמְךָ ⁷ יָמִים עַל יְמֵי מֶלֶךְ תּוֹסִיף שְׁנוֹתָיו
 כִּמוֹ דָר וּדָר ⁸ יֵשֶׁב עוֹלָם לִפְנֵי אֱלֹהִים חֶסֶד
 וְאֵמֶת מִן יִנְצְרוּהוּ ⁹ כֵּן אֲזַמְרָה שִׁמְךָ לְעַד
 לְשִׁלְמֵי נְדָרֵי יוֹם יוֹם

62 לְמִנְצַח עַל יְדוֹתוֹן מִזְמוֹר לְדָוִד ² אַךְ
 אֵל אֱלֹהִים דּוּמִיָּה נִפְשִׁי מִמֶּנּוּ
 יִשׁוּעַתִּי ³ אַךְ הוּא צוֹרֵי וַיִּשׁוּעַתִּי מִשְׁגִּבֵי
 לֹא אֲמוּט רֵבָה ⁴ עַד אָנָּה תִהְיוֹתָנוּ עַל ¹
 אִישׁ תִּרְצַחוּ כָּלְכֶם כַּקִּיר נְטוּי גֹדֵר
 הַדְּחוּיָה ⁵ אַךְ מִשְׁאֲתוֹ יַעֲצוּ לְהַדִּיחַ יִרְצוּ
 כִּזְבֵּי בְּפִיו יִבְרְכוּ וּבִקְרַבְם יִקְלְלוּ סֵלָה ⁶ אַךְ

1 BHS has been faithful to the Leningrad Codex where there might be a question of the validity of the form and we keep the same form as BHS.

1 BHS has been faithful to the Leningrad Codex where there might be a question of the validity of the form and we keep the same form as BHS.

דגנם כי כן תכינה¹¹ תלמיה רזה נחת
 גדודיה ברביבים תמגגנה צמחה
 תברך¹² עטרת שנת טובתך ומעגליך
 ירעפון דשן¹³ ירעפו נאות מדבר וגיל
 גבעות תחגרנה¹⁴ לבשו כרים הצאן
 ועמקים יעטפו בר יתרועעו אף ישירו

66 למנצח שיר מזמור הריעו לאלהים
 כל הארץ² זמרו כבוד שמו שימו כבוד
 תהלתו³ אמרו לאלהים מה נורא מעשיך
 ברב עזך יכחשו לך איביך⁴ כל הארץ
 ישתחוו לך ויזמרו לך יזמרו שמך
 סלה⁵ לכו וראו מפעלות אלהים נורא
 עלילה על בני אדם⁶ הפך ים ליבשה
 בנהר יעברו ברגל שם נשמחה בו⁷ משל
 בגבורתו עולם עיניו בגוים תצפינה
 הסוררים אל ירימו ירמו⁸ למו סלה
 עמים אלהינו והשמיעו קול
 תהלתו⁹ השם נפשנו בחיים ולא נתן
 למוט רגלנו¹⁰ כי בחנתנו אלהים צרפתנו
 כצרף כסף¹¹ הבאתנו במצודה שמת
 מועקה במתנינו¹² הרכבת אנוש לראשנו
 באנו באש ובמים ותוציאנו
 לרויה¹³ אבוא ביתך בעולות אשלם לך
 נדרי¹⁴ אשר פצו שפתי ודבר פי בצר
 לי¹⁵ עלות מחים אעלה לך עם קטרת
 אילים אעשה בקר עם עתודים
 סלה¹⁶ לכו שמעו ואספרה כל יראי

64 למנצח מזמור לדוד² שמע אלהים
 קולי בשיחי מפחד אויב תצר
 חיי³ תסתירני מסוד מרעים מרגשת פעלי
 און⁴ אשר שננו כחרב לשונם דרכו חצם
 דבר מר⁵ לירות במסתרים תם פתאם
 ירהו ולא ייראו⁶ יחזקו למו דבר רע
 יספרו לטמון מוקשים אמרו מי יראה
 למו⁷ יחפשו עולת תמנו חפש מחפש
 וקרב איש ולב עמק⁸ וירם אלהים חץ
 פתאום היו מכותם⁹ וכשילוהו עלימו
 לשונם יתנדדו כל ראה במ¹⁰ וייראו כל
 אדם ויגידו פעל אלהים ומעשהו
 השכילו¹¹ ישמח צדיק ביהוה וחסה בו
 ויתהללו כל ישרי לב

65 למנצח מזמור לדוד שיר² לך דמיה
 תהלה אלהים בציון ולך ישלם נדר³ שמע
 תפלה עדיך כל בשר יבאו⁴ דברי עונת
 גברו מני פשעינו אתה תכפרם⁵ אשרי
 תבחר ותקרב ישכן חצריך נשבעה בטוב
 ביתך קדש היכלך⁶ נוראות בצדק תעננו
 אלהי ישענו מבטח כל קצוי ארץ וים
 רחקים⁷ מכין הרים בכחו נאזר
 בגבורה⁸ משביח שאון ימים שאון גליהם
 והמון לאמים⁹ וייראו ישרי קצות
 מאותתיך מוצאי בקר וערב
 תרנין¹⁰ פקדת הארץ ותשקקה רבת
 תעשרנה פלג אלהים מלא מים תכין

בצאתך לפני עמך בצעדך בישימון
 סלה⁹ ארץ רעשה אף שמים נטפו מפני
 אלהים זה סיני מפני אלהים אלהי
 ישראל¹⁰ גשם נדבות תניף אלהים
 נחלתך ונלאה אתה כוננתה¹¹ חיתך ישבו
 בה תכין בטובתך לעני אלהים¹² אדני יתן
 אמר המבשרות צבא רב¹³ מלכי צבאות
 ידדון ידדון ונות בית תחלק שלל¹⁴ אם
 תשכבון בין שפתים כנפי יונה נחפה
 בכסף ואברותיה בירקרק חרוץ¹⁵ בפרש
 שדי מלכים בה תשלג בצלמון¹⁶ הר
 אלהים הר בשן הר גבננים הר
 בשן¹⁷ למה תרצדון הרים גבננים ההר
 חמד אלהים לשבתו אף יהוה ישכן
 לנצח¹⁸ רכב אלהים רבתיים אלפי שנאן
 אדני במ סיני בקדש¹⁹ עלית למרום
 שבית שבי לקחת מתנות באדם ואף
 סוררים לשכן יה אלהים²⁰ ברוך אדני יום
 יום יעמס לנו האל ישועתנו סלה²¹ האל
 לנו אל למושעות וליהוה אדני למות
 תוצאות²² אך אלהים ימחץ ראש איביו
 קדקד שער מתהלך באשמיו²³ אמר
 אדני מבשן אשיב אשיב ממצלות
 ים²⁴ למען תמחץ רגלך בדם לשון כלביך
 מאיבים מנהו²⁵ ראו הליכותיך אלהים
 הליכות אלי מלכי בקדש²⁶ קדמו שרים
 אחר נגנים בתוך עלמות
 תופפות²⁷ במקהלות ברכו אלהים יהוה

אלהים אשר עשה לנפשי¹⁷ אליו פי
 קראתי ורומם תחת לשוני¹⁸ און אם
 ראיתי בלבי לא ישמע אדני¹⁹ אכן שמע
 אלהים הקשיב בקול תפלתי²⁰ ברוך
 אלהים אשר לא הסיר תפלתי וחסדו
 מאתי

67 למנצח בנגינת מזמור שיר² אלהים
 יחננו ויברכנו יאר פניו אתנו סלה³ לדעת
 בארץ דרכך בכל גוים ישועתך⁴ יודוך
 עמים אלהים יודוך עמים כלם⁵ ישמחו
 וירננו לאמים כי תשפט עמים מישור
 ולאמים בארץ תנחם סלה⁶ יודוך עמים
 אלהים יודוך עמים כלם⁷ ארץ נתנה
 יבולה יברכנו אלהים אלהינו⁸ יברכנו
 אלהים וייראו אתו כל אפסי ארץ

68 למנצח לדוד מזמור שיר² יקום
 אלהים יפוצו אויביו וינוסו משנאיו
 מפניו³ כהנדף עשן תנדף כהמס דונג
 מפני אש יאבדו רשעים מפני
 אלהים⁴ וצדיקים ישמחו יעלצו לפני
 אלהים וישישו בשמחה⁵ שירו לאלהים
 זמרו שמו סלו לרכב בערבבות ביה שמו
 ועלזו לפניו⁶ אבי יתומים ודין אלמנות
 אלהים במעון קדשו⁷ אלהים מושיב
 יחידים ביתה מוציא אסירים בכושרות
 אך סוררים שכנו צחיחה⁸ אלהים

אמי¹⁰ כי קנאת ביתך אכלתני וחרפות
 חורפִיך נפלו עלי¹¹ ואבכה בצום נפשי
 ותהי לחרפות לי¹² ואתנה לבושי שק
 ואהי להם למשל¹³ ישיחו בי ישבי שער
 ונגינות שותי שכר¹⁴ ואני תפלתי לך יהוה
 עת רצון אלהים ברב חסדך ענני באמת
 ישעך¹⁵ הצילני מטיט ואל אטבעה
 אנצלה משנאי וממעמקי מים¹⁶ אל
 תשטפני שבלת מים ואל תבלעני מצולה
 ואל תאטר עלי באר פיה¹⁷ ענני יהוה כי
 טוב חסדך כרב רחמִיך פנה אלי¹⁸ ואל
 תסתר פניך מעבדך כי צר לי מהר
 ענני¹⁹ קרבה אל נפשי גאלה למען איבי
 פדני²⁰ אתה ידעת חרפתי ובשתי וכלמתי
 נגדך כל צוררי²¹ חרפה שברה לבי
 ואנושה ואקוה לנוד ואין ולמנחמים ולא
 מצאתי²² ויתנו בברותי ראש ולצמאי
 ישקוני חמץ²³ יהי שלחנם לפנים לפח
 ולשלומים למוקש²⁴ תחשכנה עיניהם
 מראות ומתניהם תמיד המעד²⁵ שפך
 עליהם זעמך וחרון אפך ישיגם²⁶ תהי
 טירתם נשמה באהליהם אל יהי
 ישב²⁷ כי אתה אשר הכית רדפו ואל
 מכאוב חלליך יספרו²⁸ תנה עון על עונם
 ואל יבאו בצדקתך²⁹ ימחו מספר חיים
 ועם צדיקים אל יכתבו³⁰ ואני עני וכואב
 ישועתך אלהים תשגבני³¹ אהללה שם
 אלהים בשיר ואגדלנו בתודה³² ותיטב

ממקור ישראל²⁸ שם בנימן צעיר רדם
 שרי יהודה רגמתם שרי זבלון שרי
 נפתלי²⁹ צוה אלהיך עזך עוזה אלהים זו
 פעלת לנו³⁰ מהיכלך על ירושלם לך
 יובילו מלכים שי³¹ גער חית קנה עדת
 אבירים בעגלי עמים מתרפס ברצי כסף
 בזר עמים קרבות יחפצו³² יאתיו חשמנים
 מני מצרים כוש תריץ ידיו
 לאלהים³³ ממלכות הארץ שירו לאלהים
 זמרו אדני סלה³⁴ לרכב בשמי שמי קדם
 הן יתן בקולו קול עז³⁵ תנו עז לאלהים
 על ישראל גאותו ועזו בשחקים³⁶ נורא
 אלהים ממקדשיך אל ישראל הוא נתן עז
 ותעצמות לעם ברוך אלהים

69 למנצח על שושנים לדוד² הושיעני
 אלהים כי באו מים עד נפש³ טבעתי ביון
 מצולה ואין מעמד באתי במעמקי מים
 ושבלת שטפתי⁴ יגעתי בקראי נחר גרוני
 כלו עיני מיחל לאלהי⁵ רבו משערות
 ראשי שנאי חנם עצמו מצמיתי איבי
 שקר אשר לא גזלתי אז אשיב⁶ אלהים
 אתה ידעת לאולתי ואשמותי ממך לא
 נכחדו⁷ אל יבשו בי קוֹיך אדני יהוה
 צבאות אל יכלמו בי מבקשיך אלהי
 ישראל⁸ כי עליך נשאתי חרפה כסתה
 כלמה פני⁹ מוזר^c הייתי לאחי ונכרי לבני

c We read one or more accents in L differently than BHS. Often this notation indicates a typographical error in BHS.

תמיד⁷ כמופת הייתי לרבים ואתה מחסי
 עז⁸ ימלא פי תהלתך כל היום
 תפארתך⁹ אל תשליכני לעת זקנה ככלות
 כחי אל תעזבני¹⁰ כי אמרו אויבי לי
 ושמרי נפשי נועצו יחדו¹¹ לאמר אלהים
 עזבו רדפו ותפשוהו כי אין
 מציל¹² אלהים אל תרחק ממני אלהי
 לעזרתי **חִישָׁה** חושה¹³ יבשו יכלו שטני
 נפשי יעטו חרפה וכלמה מבקשי
 רעתי¹⁴ ואני תמיד איחל והוספתי על כל
 תהלתך¹⁵ פי יספר צדקתך כל היום
 תשועתך כי לא ידעתי ספרות¹⁶ אבוא
 בגברות אדני יהוה אזכיר צדקתך
 לבדך¹⁷ אלהים למדתני מנעורי ועד הנה
 אגיד נפלאותיך¹⁸ וגם עד זקנה ושיבה
 אלהים אל תעזבני עד אגיד זרועך לדור
 לכל יבוא גבורתך¹⁹ וצדקתך אלהים עד
 מרום אשר עשית גדלות אלהים מי
 כמוך²⁰ אשר **הִרְאִיתָנוּ** הראיתני צרות רבות
 ורעות תשוב **תַּחֲיִינוּ** תחייני ומתהמות
 הארץ תשוב תעלני²¹ תרב גדלתי ותסב
 תנחמני²² גם אני אודך בכלי נבל אמתך
 אלהי אזמרה לך בכנור קדוש
 ישראל²³ תרננה שפתי כי אזמרה לך
 ונפשי אשר פדית²⁴ גם לשוני כל היום
 תהגה צדקתך כי בשו כי חפרו מבקשי
 רעתי

ליהוה משור פר מקרן מפריס³³ ראו
 ענוים ישמחו דרשי אלהים ויחי
 לבבכם³⁴ כי שמע אל אביונים יהוה ואת
 אסיריו לא בזה³⁵ יהללוהו שמים וארץ
 ימים וכל רמש במ³⁶ כי אלהים יושיע ציון
 ויבנה ערי יהודה וישבו שם
 וירשוה³⁷ זרע עבדיו ינחלוה ואהבי שמו
 ישכנו בה

70 למנצח לדוד להזכיר² אלהים
 להצילני יהוה לעזרתי חושה³ יבשו
 ויחפרו מבקשי נפשי יסגו אחור ויכלמו
 חפצי רעתי⁴ ישובו על עקב בשתם
 האמרים האח האח⁵ ישישו וישמחו בדך
 כל מבקשיך ויאמרו תמיד יגדל אלהים
 אהבי ישועתך⁶ ואני עני ואביון אלהים
 חושה לי עזרי ומפלטי אתה יהוה אל
 תאחר

71 בדך יהוה חסיתי אל אבושה
 לעולם² בצדקתך תצילני ותפלטני הטה
 אלי אזנך והושיעני³ היה לי לצור מעון
 לבוא תמיד צוית להושיעני כי סלעי
 ומצודתי אתה⁴ אלהי פלטני מיד רשע
 מכף מעול וחומץ¹⁵ כי אתה תקותי אדני
 יהוה מבטחי מנעורי⁶ עליך נסמכתי
 מבטן ממעי אמי אתה גוזי בדך תהלתי

1 BHS has been faithful to the Leningrad Codex where there might be a question of the validity of the form and we keep the same form as BHS.

רגלי כאין **שפכה** **שפכו** אשרי ³ כי קנאתי
 בהוללים שלום רשעים אראה ⁴ כי אין
 חרצבות למותם ובריא אולם ⁵ בעמל
 אנוש אינמו ועם אדם לא ינגעו ⁶ לכן
 ענקתמו גאווה יעטף שית חמס למו ⁷ יצא
 מחלב עינמו עברו משכיות לבב ⁸ ימיקו
 וידברו ברע עשק ממרום ידברו ⁹ שתו
 בשמים פיהם ולשונם תהלך בארץ ¹⁰ לכן
ישיב **ישוב** עמו הלם ומי מלא ימצו
 למו ¹¹ ואמרו איכה ידע אל ויש דעה
 בעליון ¹² הנה אלה רשעים ושלוי עולם
 השגו חיל ¹³ אך ריק זכיתי לבבי וארחץ
 בנקיון כפי ¹⁴ ואהי נגוע כל היום ותוכחתי
 לבקרים ¹⁵ אם אמרתי אספרה כמו הנה
 דור בניך בגדתי ¹⁶ ואחשבה לדעת זאת
 עמל **היא** **הוא** בעיני ¹⁷ עד אבוא אל
 מקדשי אל אבינה לאחריתם ¹⁸ אך
 בחלקות תשית למו הפלתם
 למשואות ¹⁹ איך היו לשמה כרגע ספו
 תמו מן בלהות ²⁰ כחלום מהקיץ אדני
 בעיר צלמם תבזה ²¹ כי יתחמץ לבבי
 וכליותי אשתונן ²² ואני בער ולא אדע
 בהמות הייתי עמך ²³ ואני תמיד עמך
 אחזת ביד ימיני ²⁴ בעצתך תנחני ואחר
 כבוד תקחני ²⁵ מי לי בשמים ועמך לא
 חפצתי בארץ ²⁶ כלה שארי ולבבי צור
 לבבי וחלקי אלהים לעולם ²⁷ כי הנה
 רחקיך יאבדו הצמתה כל זונה

72 לשלמה אלהים משפטיך למלך תן
 וצדקתך לבן מלך ² ידין עמך בצדק וענייך
 במשפט ³ ישאו הרים שלום לעם וגבעות
 בצדקה ⁴ ישפט עניי עם יושיע לבני אביון
 וידכא עושק ⁵ ייראוך עם שמש ולפני ירח
 דור דורים ⁶ ירד כמטר על גז כרביבים
 זרזיף ארץ ⁷ יפרח בימיו צדיק ורב שלום
 עד בלי ירח ⁸ וירד מים עד ים ומנהר עד
 אפסי ארץ ⁹ לפניו יכרעו ציים ואיביו עפר
 ילחכו ¹⁰ מלכי תרשיש ואיים מנחה ישיבו
 מלכי שבא וסבא אשכר
 יקריבו ¹¹ וישתחוו לו כל מלכים כל גוים
 יעבדוהו ¹² כי יציל אביון משוע ועני ואין
 עזר לו ¹³ יחס על דל ואביון ונפשות
 אביונים יושיע ¹⁴ מתוך ומחמס יגאל
 נפשם וייקר דמם בעיניו ¹⁵ ויחי ויתן לו
 מזהב שבא ויתפלל בעדו תמיד כל היום
 יברכנהו ¹⁶ יהי פסת בר בארץ בראש
 הרים ירעש כלבנון פרוי ויציצו מעיר
 כעשב הארץ ¹⁷ יהי שמו לעולם לפני
 שמש **ינין** **ינון** שמו ויתברכו בו כל גוים
 יאשרוהו ¹⁸ ברוך יהוה אלהים אלהי
 ישראל עשה נפלאות לבדו ¹⁹ וברוך שם
 כבודו לעולם וימלא כבודו את כל הארץ
 אמן ואמן ²⁰ כלו תפלות דוד בן ישי

73 מזמור לאסף אך טוב לישראל
 אלהים לברי לבב ² ואני כמעט **נטוי** **נטיו**

יצרתם¹ ¹⁸ זכר זאת אויב חרף יהוה ועם
 נבל נאצו שמך¹⁹ אל תתן לחית נפש
 תורך חית ענייך אל תשכח לנצח²⁰ הבט
 לברית כי מלאו מחשכי ארץ נאות
 חמס²¹ אל ישב דך נכלם עני ואביון
 יהללו שמך²² קומה אלהים ריבה ריבך
 זכר חרפתך מני נבל כל היום²³ אל
 תשכח קול צרריך שאון קמיד עלה
 תמיד

75 למנצח אל תשחת מזמור לאסף
 שיר² הודינו לך אלהים הודינו וקרוב
 שמך ספרו נפלאותיך³ כי אקה מועד אני
 מישרים אשפט⁴ נמגים ארץ וכל ישביה
 אנכי תכנתי עמודיה סלה⁵ אמרתי
 להוללים אל תהלו ולרשעים אל תרימו
 קרן⁶ אל תרימו למרום קרנכם תדברו
 בצואר עתק⁷ כי לא ממוצא וממערב ולא
 ממדבר הרים⁸ כי אלהים שפט זה ישפיל
 וזה ירים⁹ כי כוס ביד יהוה ויין חמר מלא
 מסך ויגר מזה אך שמריה ימצו ישתו כל
 רשעי ארץ¹⁰ ואני אגיד לעלם אזמרה
 לאלהי יעקב¹¹ וכל קרני רשעים אגדע
 תרוממנה קרנות צדיק

76 למנצח בנגינת מזמור לאסף

ממך²⁸ ואני קרבת אלהים לי טוב שתי
 באדני יהוה מחסי לספר כל מלאכותיך

74 משכיל לאסף למה אלהים זנחת
 לנצח יעשן אפך בצאן מרעיתך² זכר
 עדתך קניית קדם גאלת שבט נחלתך הר
 ציון זה שכנת בו³ הרימה פעמיד
 למשאות נצח כל הרע אויב
 בקדש⁴ שאגו צרריך בקרב מועדך שמו
 אותתם אתות⁵ יודע כמביא למעלה
 בסבך עץ קרדמות⁶ **ועת** **ועתה** פתוחיה
 יחד בכשיל וכלפת יהלמון⁷ שלחו באש
 מקדשך לארץ חללו משכן שמך⁸ אמרו
 בלבם ניגם יחד שרפו כל מועדי אל
 בארץ⁹ אותתינו לא ראינו אין עוד נביא
 ולא אתנו ידע עד מה¹⁰ עד מתי אלהים
 יחרף צר ינאץ אויב שמך לנצח¹¹ למה
 תשיב ידך וימינך מקרב **חוקד** **חיקך**
 כלה¹² ואלהים מלכי מקדם פעל ישועות
 בקרב הארץ¹³ אתה פוררת בעוזך ים
 שברת ראשי תנינים על המים¹⁴ אתה
 רצצת ראשי לוייתן תתננו מאכל לעם
 לציים¹⁵ אתה בקעת מעין ונחל אתה
 הובשת נהרות איתן¹⁶ לך יום אף לך
 לילה אתה הכינות מאור ושמש¹⁷ אתה
 הצבת כל גבולות ארץ קיץ וחרף אתה

1 BHS has been faithful to the Leningrad Codex where there might be a question of the validity of the form and we keep the same form as BHS.

שנות ימין עליון¹² **אזכיר** **אזכור** מעללי יה
 כי אזכרה מקדם פלאך¹³ והגיתי בכל
 פעלך ובעלילותיך אשיחה¹⁴ אלהים
 בקדש דרכך מי אל גדול כאלהים¹⁵ אתה
 האל עשה פלא הודעת בעמים
 עזך¹⁶ גאלת בזרוע עמך בני יעקב ויוסף
 סלה¹⁷ ראוך מים אלהים ראוך מים יחילו
 אף ירגזו תהמות¹⁸ זרמו מים עבות קול^c
 נתנו שחקים אף חצציק יתהלכו¹⁹ קול
 רעמד בגלגל האירו ברקים תבל רגזה
 ותרעש הארץ²⁰ **ב**ים דרכך **ושבילך** **ושבילך**
 במים רבים ועקבותיך לא נדעו²¹ נחית
 כצאן עמד ביד משה ואהרן

78 משכיל לאסף האזינה עמי תורת

הטו אזנכם לאמרי פי² אפתחה במשל
 פי אביעה חידות מני קדם³ אשר שמענו
 ונדעם ואבותינו ספרו לנו⁴ לא נכחד
 מבניהם לדור אחרון מספרים תהלות
 יהוה ועוזו ונפלאותיו אשר עשה⁵ ויקם
 עדות ביעקב ותורה שם בישראל אשר
 צוה את אבותינו להודיעם לבניהם⁶ למען
 ידעו דור אחרון בנים יולדו יקמו ויספרו
 לבניהם⁷ וישימו באלהים כסלם ולא
 ישכחו מעללי אל ומצותיו ינצרו⁸ ולא
 יהיו כאבותם דור סורר ומרה דור לא

c We read one or more accents in L differently than BHS. Often this notation indicates a typographical error in BHS.

שיר² נודע ביהודה אלהים בישראל גדול
 שמו³ ויהי בשלם סכו ומעונתו
 בציון⁴ שמה שבר רשפי קשת מגן וחרב
 ומלחמה סלה⁵ נאור אתה אדיר מהררי
 טרף⁶ אשתוללו אבירי לב נמו שנתם ולא
 מצאו כל אנשי חיל ידיהם⁷ מגערתך
 אלהי יעקב נרדם ורכב וסוס⁸ אתה נורא
 אתה ומי יעמד לפניך מאז אפך⁹ משמים
 השמעת דין ארץ יראה ושקטה¹⁰ בקום
 למשפט אלהים להושיע כל ענוי ארץ
 סלה¹¹ כי חמת אדם תודך שארית חמת
 תחגר¹² נדרו ושלמו ליהוה אלהיכם כל
 סביבו יובילו שי למורא¹³ יבצר רוח
 נגידים נורא למלכי ארץ

77 למנצח על **ידיתון** **ידותון** לאסף

מזמור² קולי אל אלהים ואצעקה קולי
 אל אלהים והאזין אלי³ ביום צרתי אדני
 דרשתי ידי לילה נגרה ולא תפוג מאנה
 הנחם נפשי⁴ אזכרה אלהים ואהמיה
 אשיחה ותתעטף רוחי סלה⁵ אחזת
 שמרות עיני נפעמתי ולא אדבר⁶ חשבתי
 ימים מקדם שנות עולמים⁷ אזכרה נגינתי
 בלילה עם לבבי אשיחה ויחפש
 רוחי⁸ הלעולמים יזנח אדני ולא יסיף
 לרצות עוד⁹ האפס לנצח חסדו גמר
 אמר לדר ודר¹⁰ השכח חנות אל אם
 קפץ באף רחמיו סלה¹¹ ואמר חלותי היא

ותאותם יבא להם³⁰ לא זרו מתאותם עוד
 אכלם בפיהם³¹ ואף אלהים עלה בהם
 ויהרג במשמניהם ובחורי ישראל
 הכריע³² בכל זאת חטאו עוד ולא
 האמינו בנפלאותיו³³ ויכל בהבל ימיהם
 ושנותם בבהלה³⁴ אם הרגם ודרשוהו
 ושבו ושחרו אל³⁵ ויזכרו כי אלהים צורם
 ואל עליון גאלם³⁶ ויפתוהו בפיהם
 ובלשונם יכזבו לו³⁷ ולבם לא נכון עמו
 ולא נאמנו בבריתו³⁸ והוא רחום יכפר
 עון ולא ישחית והרבה להשיב אפו ולא
 יעיר כל חמתו³⁹ ויזכר כי בשר המה רוח
 הולך ולא ישוב⁴⁰ כמה ימרוהו במדבר
 יעציבוהו בישימון⁴¹ וישובו וינסו אל
 וקדוש ישראל התוו⁴² לא זכרו את ידו
 יום אשר פדם מני צר⁴³ אשר שם
 במצרים אתותיו ומופתיו בשדה
 צען⁴⁴ ויהפך לדם יאריהם ונזליהם בל
 ישתיון⁴⁵ ישלח בהם ערב ויאכלם
 וצפרדע ותשחיתם⁴⁶ ויתן לחסיל יבולם
 ויגיעם לארבה⁴⁷ יהרג בברד גפנם
 ושקמותם בחנמל⁴⁸ ויסגר לברד בעירים
 ומקניהם לרשפים⁴⁹ ישלח בס חרון אפו
 עברה וזעם וצרה משלחת מלאכי
 רעים⁵⁰ יפלו נתיב לאפו לא חשך ממות
 נפשם וחיתם לדבר הסגיר⁵¹ ויך כל בכור

הכין לבו ולא נאמנה את אל רוחו⁹ בני
 אפרים נושקי רומי קשת הפכו ביום
 קרב¹⁰ לא שמרו ברית אלהים ובתורתו
 מאנו ללכת¹¹ וישכחו עלילותיו
 ונפלאותיו אשר הראם¹² נגד אבותם
 עשה פלא בארץ מצרים שדה
 צען¹³ בקע ים ויעבירם ויצב מים כמו
 נד¹⁴ וינחם בענן יומם וכל הלילה באור
 אש¹⁵ יבקע צרים במדבר וישק כתהמות
 רבה¹⁶ ויוצא נזולים מסלע ויורד כנהרות
 מים¹⁷ ויוסיפו עוד^c לחטא לו למרות עליון
 בציה¹⁸ וינסו אל בלבבם לשאל אכל
 לנפשם¹⁹ וידברו באלהים אמרו היוכל
 אל לערך שלחן במדבר²⁰ הן הכה צור
 ויזובו מים ונחלים ישטפו הגם לחם יוכל
 תת אם יכין שאר לעמו²¹ לכן שמע יהוה
 ויתעבר ואש נשקה ביעקב וגם אף עלה
 בישראל²² כי לא האמינו באלהים ולא
 בטחו בישועתו²³ ויצו שחקים ממעל
 ודלתי שמים פתח²⁴ וימטר עליהם מן
 לאכל ודגן שמים נתן למו²⁵ לחם אבירים
 אכל איש צידה שלח להם לשבע²⁶ יסע
 קדים בשמים וינהג בעזו תימן²⁷ וימטר
 עליהם כעפר שאר וכחול ימים עוף
 כנף²⁸ ויפל בקרב מחנהו סביב
 למשכנתו²⁹ ויאכלו וישבעו מאד

l BHS has been faithful to the Leningrad Codex where there might be a question of the validity of the form and we keep the same form as BHS.

c We read one or more accents in L differently than BHS. Often this notation indicates a typographical error in BHS.

בנחלתך טמאו את היכל קדשך שמו את
ירושלם לעינים² נתנו את נבלת עבדיך
מאכל לעוף השמים בשר חסידך לחיתו
ארץ³ שפכו דמם כמים סביבות ירושלם
ואין קובר⁴ היינו חרפה לשכנינו לעג
וקלס לסביבותינו⁵ עד מה יהוה תאנף
לנצח תבער כמו אש קנאתך⁶ שפך
חמתך אל הגוים אשר לא ידעוך ועל
ממלכות אשר בשמך לא קראו⁷ כי אכל
את יעקב ואת נוהו השמו⁸ אל תזכר לנו
עונת ראשנים מהר יקדמונו רחמיך כי
דלוננו מאד⁹ עזרנו אלהי ישענו על דבר
כבוד שמך והצילנו וכפר על חטאתינו
למען שמך¹⁰ למה יאמרו הגוים איה
אלהיהם יודע **בגוים** לעינינו נקמת
דם עבדיך השפוך¹¹ תבוא לפניך אנקת
אסיר כגדל זרועך הותר בני
תמותה¹² והשב לשכנינו שבעתים אל
חיקם חרפתם אשר חרפוך
אדני¹³ ואנחנו עמך וצאן מרעיתך נודה
לך לעולם לדר ודר נספר תהלתך

80 למנצח אל ששנים עדות לאסף
מזמור² רעה ישראל האזינה נהג כצאן
יוסף ישב הכרובים הופיעה³ לפני אפרים
ובנימן ומנשה עוררה את גבורתך ולכה
לישעתה לנו⁴ אלהים השיבנו והאר פניך
ונושעה⁵ יהוה אלהים צבאות עד מתי
עשנת בתפלת עמך⁶ האכלתם לחם

במצרים ראשית אונים באהלי חם⁵² ויסע
כצאן עמו וינהגם כעדר במדבר⁵³ וינחם
לבטח ולא פחדו ואת אויביהם כסה
הים⁵⁴ ויביאם אל גבול קדשו הר זה
קנתה ימינו⁵⁵ ויגרש מפניהם גוים ויפילם
בחבל נחלה וישכן באהליהם שבטי
ישראל⁵⁶ וינסו וימרו את אלהים עליון
ועדותיו לא שמרו⁵⁷ ויסגו ויבגדו כאבותם
נהפכו כקשת רמיה⁵⁸ ויכעיסוהו בבמותם
ובפסיליהם יקניאוהו⁵⁹ שמע אלהים
ויתעבר וימאס מאד בישראל⁶⁰ ויטש
משכן שלו אהל שכן באדם⁶¹ ויתן לשבי
עזו ותפארתו ביד צר⁶² ויסגר לחרב עמו
ובנחלתו התעבר⁶³ בחוריו אכלה אש
ובתולתיו לא הוללו⁶⁴ כהניו בחרב נפלו
ואלמנתיו לא תבכינה⁶⁵ ויקץ כישן אדני
כגבור מתרונן מיין⁶⁶ ויך צריו אחור
חרפת עולם נתן למו⁶⁷ וימאס באהל
יוסף ובשבט אפרים לא בחר⁶⁸ ויבחר
את שבט יהודה את הר ציון אשר
אהב⁶⁹ ויבן כמו רמים מקדשו כארץ
יסדה לעולם⁷⁰ ויבחר בדוד עבדו ויקחהו
ממכלאת צאן⁷¹ מאחר עלות הביאו
לרעות ביעקב עמו ובישראל
נחלתו⁷² וירעם כתם לבבו ובתבונות כפיו
ינחם

79 מזמור לאסף אלהים באו גוים

ישראל אם תשמע לי¹⁰ לא יהיה בך אל
 זר ולא תשתחוה לאל נכר¹¹ אנכי יהוה
 אלהיך המעלך מארץ מצרים הרחב פיך
 ואמלאהו¹² ולא שמע עמי לקולי וישראל
 לא אבה לי¹³ ואשלחהו בשרירות לבם
 ילכו במועצותיהם¹⁴ לו עמי שמע לי
 ישראל בדרכי יהלכו¹⁵ כמעט אויביהם
 אכניע ועל צריהם אשיב ידי¹⁶ משנאי
 יהוה יכחשו לו ויהי עתם
 לעולם¹⁷ ויאכילהו מחלב חטה ומצור
 דבש אשביעך

82 מזמור לאסף אלהים נצב בעדת אל
 בקרב אלהים ישפט² עד מתי תשפטו
 עול ופני רשעים תשאו סלה³ שפטו דל
 ויתום עני ורש הצדיקו⁴ פלטו דל ואביון
 מיד רשעים הצילו⁵ לא ידעו ולא יבינו
 בחשכה יתהלכו ימוטו כל מוסדי
 ארץ⁶ אני אמרתי אלהים אתם ובני עליון
 כלכם⁷ אכן כאדם תמותון וכאחד
 השרים תפלו⁸ קומה אלהים שפטה
 הארץ כי אתה תנחל בכל הגוים

83 שיר מזמור לאסף² אלהים אל דמי
 לך אל תחרש ואל תשקט אל³ כי הנה
 אויביך יהמיון ומשנאיך נשאו ראש⁴ על
 עמך יערימו סוד ויתיעצו על
 צפוניך⁵ אמרו לכו ונכחידם מגוי ולא

דמעה ותשקמו בדמעות שלישי⁷ תשימנו
 מדון לשכנינו ואיבינו ילעגו למו⁸ אלהים
 צבאות השיבנו והאר פניך ונושעה⁹ גפן
 ממצרים תסיע תגרש גוים ותטעה¹⁰ פנית
 לפניה ותשרש שרשיה ותמלא
 ארץ¹¹ כסו הרים צלה וענפיה ארזי
 אל¹² תשלח קצירה עד ים ואל נהר
 יונקותיה¹³ למה פרצת גדריה וארוה כל
 עברי דרך¹⁴ יכרסמנה חזיר מיער וזיז
 שדי ירענה¹⁵ אלהים צבאות שוב נא
 הבט משמים וראה ופקד גפן זאת¹⁶ וכנה
 אשר נטעה ימינך ועל בן אמצתה
 לך¹⁷ שרפה באש כסוחה מגערת פניך
 יאבדו¹⁸ תהי ידך על איש ימינך על בן
 אדם אמצת לך¹⁹ ולא נסוג ממך תחינו
 ובשמך נקרא²⁰ יהוה אלהים צבאות
 השיבנו האר פניך ונושעה

81 למנצח על הגתית לאסף² הרנינו
 לאלהים עוזנו הריעו לאלהי יעקב³ שאו
 זמרה ותנו תף כנור נעים עם נבל⁴ תקעו
 בחדש שופר בכסה ליום חגנו⁵ כי חק
 לישראל הוא משפט לאלהי יעקב⁶ עדות
 ביהוסף שמו בצאתו על ארץ מצרים
 שפת לא ידעתי אשמע⁷ הסירותי מסבל
 שכמו כפיו מדוד תעברנה⁸ בצרה קראת
 ואחלצך אענך בסתר רעם אבחנך על מי
 מריבה סלה⁹ שמע עמי ואעידה בך

מחיל אל חיל יראה אל אלהים
 בציון⁹ יהוה אלהים צבאות שמעה
 תפלתי האזינה אלהי יעקב סלה¹⁰ מגננו
 ראה אלהים והבט פני משיחך¹¹ כי טוב
 יום בחצריך מאלף בחרתי הסתופף בבית
 אלהי מדור באהלי רשע¹² כי שמש ומגן
 יהוה אלהים חן וכבוד יתן יהוה לא ימנע
 טוב להלכים בתמים¹³ יהוה צבאות
 אשרי אדם בטח בך

85 למנצח לבני קרח מזמור² רצית
 יהוה ארצך שבת **שבות** שבת
 יעקב³ נשאת עון עמך כסית כל חטאתם
 סלה⁴ אספת כל עברתך השיבות מחרון
 אפך⁵ שובנו אלהי ישענו והפר כעסך
 עמנו⁶ הלעולם תאנף בנו תמשך אפך
 לדר ודר⁷ הלא אתה תשוב תחינו ועמך
 ישמחו בך⁸ הראנו יהוה חסדך וישעד
 תתן לנו⁹ אשמעה מה ידבר האל יהוה כי
 ידבר שלום אל עמו ואל חסידיו ואל
 ישובו לכסלה¹⁰ אך קרוב ליראיו ישעו
 לשכן כבוד בארצנו¹¹ חסד ואמת נפגשו
 צדק ושלום נשקו¹² אמת מארץ תצמח
 וצדק משמים נשקף¹³ גם יהוה יתן הטוב
 וארצנו תתן יבולה¹⁴ צדק לפניו יהלך
 וישם לדרך פעמיו

86 תפלה לדוד הטה יהוה אזנך ענני כי

יזכר שם ישראל עוד⁶ כי נועצו לב יחדו
 עליך ברית יכרתו⁷ אהלי אדום
 וישמעאלים מואב והגרים⁸ גבל ועמון
 ועמלק פלשת עם ישבי צור⁹ גם אשור
 נלוה עמם היו זרוע לבני לוט סלה¹⁰ עשה
 להם כמדין כסיסרא כיבין בנחל
 קישון¹¹ נשמדו בעין דאר היו דמן
 לאדמה¹² שיתמו נדיבמו כערב וכזאב
 וכזבח וכצלמנע כל נסיכמו¹³ אשר אמרו
 נירשה לנו את נאות אלהים¹⁴ אלהי
 שיתמו בגלגל כקש לפני רוח¹⁵ כאש
 תבער יער וכלהבה תלהט הרים¹⁶ כן
 תרדפם בסערך ובסופתך תבהלם¹⁷ מלא
 פניהם קלון ויבקשו שמך יהוה¹⁸ יבשו
 ויבהלו עדי עד ויחפרו ויאבדו¹⁹ וידעו כי
 אתה שמך יהוה לבדך עליון על כל
 הארץ

84 למנצח על הגתית לבני קרח
 מזמור² מה ידידות משכנותיך יהוה
 צבאות³ נכספה וגם כלתה נפשי לחצרות
 יהוה לבי ובשרי ירננו אל אל חי⁴ גם
 צפור מצאה בית ודרור קן לה אשר שתה
 אפרחיה את מזבחותיך יהוה צבאות
 מלכי ואלהי⁵ אשרי יושבי ביתך עוד
 יהללוך סלה⁶ אשרי אדם עוז לו בך
 מסלות בלבבם⁷ עברי בעמק הבכא מעין
 ישיתוהו גם ברכות יעטה מורה⁸ ילכו

משכנות יעקב³ נכבדות מדבר בך עיר
האלהים סלה⁴ אזכיר רהב ובבל לידעי
הנה פלשת וצור עם כוש זה ילד
שם⁵ ולציון יאמר איש ואיש ילד בה
והוא יכוננה עליון⁶ יהוה יספר בכתוב
עמים זה ילד שם סלה⁷ ושרים כחללים
כל מעיני בך

88 שיר מזמור לבני קרח למנצח על
מחלת לענות משכיל להימן
האזרחי² יהוה אלהי ישועתי יום צעקתי
בלילה נגדך³ תבוא לפניך תפלתי הטה
אזנך לרנתי⁴ כי שבעה ברעות נפשי וחיי
לשאל הגיעו⁵ נחשבתי עם יורדי בור
הייתי כגבר אין איל⁶ במתים חפשי כמו
חללים שכבי קבר אשר לא זכרתם עוד
והמה מידך נגזרו⁷ שתני בבור תחתיות
במחשכים במצלות⁸ עלי סמכה חמתך
וכל משבריך ענית סלה⁹ הרחקת מידעי
ממני שתני תועבות למו כלא ולא
אצא¹⁰ עיני דאבה מני עני קראתיך יהוה
בכל יום שטחתי אליך כפי¹¹ הלמתים
תעשה פלא אם רפאים יקומו יודוך
סלה¹² היספר בקבר חסדך אמונתך
באבדון¹³ היודע בחשך פלאך וצדקתך
בארץ נשיה¹⁴ ואני אליך יהוה שועתי
ובבקר תפלתי תקדמך¹⁵ למה יהוה תזנח
נפשי תסתיר פניך ממני¹⁶ עני אני וגוע

עני ואביון אני² שמרה נפשי כי חסיד אני
הושע עבדך אתה אלהי הבוטח
אליך³ חנני אדני כי אליך אקרא כל
היום⁴ שמח נפש עבדך כי אליך אדני
נפשי אשא⁵ כי אתה אדני טוב וסלח ורב
חסד לכל קראיך⁶ האזינה יהוה תפלתי
והקשיבה בקול תחנונותי⁷ ביום צרתי
אקראך כי תענני⁸ אין כמוך באלהים
אדני ואין כמעשיך⁹ כל גוים אשר עשית
יבואו וישתחוו לפניך אדני ויכבדו
לשמך¹⁰ כי גדול אתה ועשה נפלאות
אתה אלהים לבדך¹¹ הורני יהוה דרכך
אהלך באמתך יחד לבבי ליראה
שמך¹² אודך אדני אלהי בכל לבבי
ואכבדה שמך לעולם¹³ כי חסדך גדול
עלי והצלת נפשי משאל
תחתיה¹⁴ אלהים זדים קמו עלי ועדת
עריצים בקשו נפשי ולא שמוך
לנגדם¹⁵ ואתה אדני אל רחום וחנון ארך
אפים ורב חסד ואמת¹⁶ פנה אלי וחנוני
תנה עזך לעבדך והושיעה לבן
אמתך¹⁷ עשה עמי אות לטובה ויראו
שנאי ויבשו כי אתה יהוה עזרתני
ונחמתני

87 לבני קרח^c מזמור שיר יסודתו
בהררי קדש² אהב יהוה שערי ציון מכל

c We read one or more accents in L differently than BHS. Often this notation indicates a typographical error in BHS.

ירומו¹⁸ כי תפארת עזמו אתה וברצנך
 תרים תרום קרננו¹⁹ כי ליהוה מגננו
 ולקדוש ישראל מלכנו²⁰ אז דברת בחזון
 לחסידיך ותאמר שויתי עזר על גבור
 הרימותי בחור מעם²¹ מצאתי דוד עבדי
 בשמן קדשי משחתיו²² אשר ידי תכון
 עמו אף זרועי תאמצנו²³ לא ישא אויב
 בו ובן עולה לא יעננו²⁴ וכתותי מפניו
 צריו ומשנאיו אגוף²⁵ ואמונתו וחסדי עמו
 ובשמי תרום קרנו²⁶ ושמתי בים ידו
 ובנהרות ימינו²⁷ הוא יקראני אבי אתה
 אלי וצור ישועתי²⁸ אף אני בכור אתנהו
 עליון למלכי ארץ²⁹ לעולם אשמור
 לו חסדי ובריתי נאמנת לו³⁰ ושמתי לעד
 זרעו וכסאו כימי שמים³¹ אם יעזבו בניו
 תורתו ובמשפטי לא ילכון³² אם חקתי
 יחללו ומצותי לא ישמרו³³ ופקדתי
 בשבט פשעם ובנגעים עונם³⁴ וחסדי לא
 אפיר מעמו ולא אשקר באמונתו³⁵ לא
 אחלל בריתי ומוצא שפתי לא
 אשנה³⁶ אחת נשבעתי בקדשי אם לדוד
 אכזב³⁷ זרעו לעולם יהיה וכסאו כשמש
 נגדי³⁸ כירח יכון עולם ועד בשחק נאמן
 סלה³⁹ ואתה זנחת ותמאס התעברת עם
 משיחך⁴⁰ נארתה ברית עבדך חללת
 לארץ נזרו⁴¹ פרצת כל גדרתיו שמת

מנער נשאתי אמיד אפונה¹⁷ עלי עברו
 חרוניך בעותיך צמתותני¹⁸ סבוני כמים
 כל היום הקיפו עלי יחד¹⁹ הרחקת ממני
 אהב ורע מידעי מחשך

89 משכיל לאיתן האזרחי² חסדי יהוה
 עולם אשירה לדר ודר אודיע אמונתך
 בפי³ כי אמרתי עולם חסד יבנה שמים
 תכן אמונתך בהם⁴ כרתי ברית לבחירי
 נשבעתי לדוד עבדי⁵ עד עולם אכין זרעך
 ובניתי לדר ודור כסאך סלה⁶ ויודו שמים
 פלאך יהוה אף אמונתך בקהל
 קדשים⁷ כי מי בשחק יערך ליהוה ידמה
 ליהוה בבני אלים¹ אל נערץ בסוד
 קדשים רבה ונורא על כל סביביו⁹ יהוה
 אלהי צבאות מי כמוך חסין יה ואמונתך
 סביבותיך¹⁰ אתה מושל בגאות הים
 בשוא גליו אתה תשבחם¹¹ אתה דכאת
 כחלל רהב בזרוע עזך פזרת אויביך¹² לך
 שמים אף לך ארץ תבל ומלאה אתה
 יסדתם¹³ צפון וימין אתה בראתם תבור
 וחרמון בשמד ירננו¹⁴ לך זרוע עם גבורה
 תעז ידך תרום ימינך¹⁵ צדק ומשפט מכון
 כסאך חסד ואמת יקדמו פניך¹⁶ אשרי
 העם יודעי תרועה יהוה באור פניך
 יהלכון¹⁷ בשמד יגילון כל היום ובצדקתך

1 BHS has been faithful to the Leningrad Codex where there might be a question of the validity of the form and we keep the same form as BHS.

נבהלנו ⁸ שֶׁתֵּה שְׁתֵּה עֹנֵתֵינוּ לִנְגֹדֶךָ עֲלֵמֵנוּ
 לְמֵאוֹר פְּנִיךָ ⁹ כִּי כָל יָמֵינוּ פָּנוּ בְעֵבְרַתְךָ
 כְּלֵינוּ שֵׁנֵינוּ כְּמוֹ הַגֵּה ¹⁰ יָמֵי שְׁנוֹתֵינוּ בֵּהֶם
 שִׁבְעִים שָׁנָה וְאִם בְּגִבּוֹרֵת שְׁמוֹנִים שָׁנָה
 וְרַהֲבָם עֲמַל וְאוֹן כִּי גִז חֵישׁ וְנִעְפָּה ¹¹ מִי
 יוֹדַע עֵז אַפְךָ וְכִירֵאתְךָ עֵבְרַתְךָ ¹² לְמִנּוֹת
 יָמֵינוּ כֵּן הוֹדַע וְנִבֵּא לִבְבַּחֲמָה ¹³ שׁוֹבָה
 יְהוֹה עַד מֵתִי וְהִנַּחֵם עַל עֲבֹדֶיךָ ¹⁴ שִׁבְעֵנוּ
 בְּבִקְרָה חֶסֶדְךָ וְנִרְנְנָה וְנִשְׁמַחָה בְּכָל
 יָמֵינוּ ¹⁵ שִׂמְחָנוּ כִּימוֹת עֲנִיתָנוּ שְׁנוֹת רֵאֵינוּ
 רַעָה ¹⁶ יִרְאֵה אֵל עֲבֹדֶיךָ פֶּעֶלְךָ וְהַדְרֵךְ עַל
 בְּנֵיהֶם ¹⁷ וְיִהְיֶה נֶעֱם אֲדֹנָי אֱלֹהֵינוּ עֲלֵינוּ
 וּמַעֲשֵׂה יַדֵּינוּ כּוֹנֵנָה עֲלֵינוּ וּמַעֲשֵׂה יַדֵּינוּ
 כּוֹנֵנָה

91 יֵשֵׁב בְּסֵתֵר עֲלִיוֹן בְּצֵל שָׁדַי
 יִתְלוֹנֵן ² אֲמַר לִיהוָה מַחְסֵי וּמִצּוֹדֹתַי אֱלֹהֵי
 אֲבֹתַי בּוֹ ³ כִּי הוּא יִצְלַךְ מִפַּח יִקּוּשׁ
 מִדְּבַר הַזּוֹת ⁴ בְּאַבְרָתוֹ יִסֹּךְ לָךְ וְתַחַת
 כְּנַפְיֹו תַחְסֶה צִנָּה וְסַחֲרָה אִמְתּוֹ ⁵ לֹא
 תִירָא מִפַּחַד לַיְלָה מִחֶץ יַעֲוֹף
 יוֹמָם ⁶ מִדְּבַר בְּאִפְלֵי יְהִלְךָ מִקְטָב יִשׁוּד
 צְהָרִים ⁷ יִפֹּל מִצַּדְךָ אֶלְף וְרַבְבָּה מִיָּמִינְךָ
 אֵלֶיךָ לֹא יִגַּשׁ ⁸ רַק בְּעֵינֶיךָ תִּבְיֵט וְשִׁלַּמְתָּ
 רַשְׁעִים תִּרְאֵה ⁹ כִּי אַתָּה יְהוָה מַחְסֵי עֲלִיוֹן
 שִׁמְתָּ מִעֹנֹךְ ¹⁰ לֹא תֵאָנֶה אֵלֶיךָ רַעָה וְנִגַּע
 לֹא יִקְרַב בְּאַהֲלֶךָ ¹¹ כִּי מִלֵּאכֹוֹ יִצְוֶה לָךְ
 לְשִׁמְרֶךָ בְּכָל דְרֹכֶיךָ ¹² עַל כַּפֵּים יִשְׁאוֹנֶךָ

מִבְּצִרְיֹו מַחְתָּה ¹ ⁴² שֶׁסָּהוּ כָל עֵבְרֵי דֶרֶךְ
 הִיָּה חֲרָפָה לְשִׁכְנוֹ ⁴³ הַרְיִמוֹת יָמִין צִרְיֹו
 הַשְׁמַחַת כָּל אוֹיְבָיו ⁴⁴ אֶף תִּשִּׁיב צוֹר חֲרָבוֹ
 וְלֹא הִקִּימְתוּ בְּמִלְחָמָה ⁴⁵ הַשְׁבַּת מִטְּהָרוֹ
 וְכִסְאוֹ לְאַרְץ מִגְרָתָה ⁴⁶ הַקְּצַרְתָּ יָמֵי
 עֲלוֹמֵי הָעֵטִית עֲלִיוֹ בּוֹשָׁה סִלָּה ⁴⁷ עַד מָה
 יְהוֹה תִּסְתַּר לְנִצַּח תִּבְעַר כְּמוֹ אֵשׁ
 חֲמַתְךָ ⁴⁸ זָכַר אֲנִי מָה חֵלֵד עַל מָה שׁוֹא
 בְּרֵאת כָּל בְּנֵי אָדָם ⁴⁹ מִי גִבֹר יַחִיה וְלֹא
 יִרְאֵה מוֹת יִמְלֹט נַפְשׁוֹ מִיַּד שְׁאוּל
 סִלָּה ⁵⁰ אֵיָה חֶסֶדֶיךָ הַרְאֵשְׁנִים אֲדֹנָי
 נִשְׁבַּעְתָּ לְדוֹד בְּאַמוֹנֶתְךָ ⁵¹ זָכַר אֲדֹנָי
 חֲרַפְתָּ עֲבֹדֶיךָ שְׁאֵתִי בַחֲקִי כָל רַבִּים
 עֲמִים ⁵² אֲשֶׁר חֲרַפּוּ אוֹיְבֶיךָ יְהוָה אֲשֶׁר
 חֲרַפּוּ עֲקֻבוֹת מִשִּׁיחֶךָ ⁵³ בְּרוּךְ יְהוָה לְעוֹלָם
 אָמֵן וְאָמֵן

90 תְּפִלָּה לְמֹשֶׁה אִישׁ הָאֱלֹהִים אֲדֹנָי
 מִעֹז אַתָּה הֵייתָ לָנוּ בְּדֶר וּדֶר ² בְּטֵרִם
 הָרִים יִלְדוּ וְתַחֲלוּל אֶרֶץ וְתַבֵּל וּמַעֲוֹלָם עַד
 עוֹלָם אַתָּה אֵל ³ תִּשָּׁב אֲנוֹשׁ עַד דְּכָא
 וְתֹאמַר שׁוֹבוּ בְנֵי אָדָם ⁴ כִּי אֶלְף שָׁנִים
 בְּעֵינֶיךָ כִּזְמוֹל כִּי יַעֲבֹר וְאַשְׁמוּרָה
 בְּלִילָה ⁵ זֶרְמַתָּם שָׁנָה יְהִיו בְּבִקְרָה כַּחֲצִיר
 יַחֲלֶף ⁶ בְּבִקְרָה יִצִּיץ וְחֲלֶף לְעֵרֵב יִמּוּלֵל
 וַיִּבֶשׁ ⁷ כִּי כְלֵינוּ בְּאַפְךָ וּבַחֲמַתְךָ

1 BHS has been faithful to the Leningrad Codex where there might be a question of the validity of the form and we keep the same form as BHS.

כסאך מאז מעולם אתה³ נשאו נהרות
יהוה נשאו נהרות קולם ישאו נהרות
דכים⁴ מקלות מים רבים אדירים משברי
ים אדיר במרום יהוה⁵ עדתיך נאמנו
מאד לביתך נאווה קדש יהוה לארך ימים

94 אל נקמות יהוה אל נקמות
הופיע² הנשא שפט הארץ השב גמול על
גאים³ עד מתי רשעים יהוה עד מתי
רשעים יעלזו⁴ יביעו ידברו עתק יתאמרו
כל פעלי און⁵ עמך יהוה ידכאו ונחלתך
יענו⁶ אלמנה וגר יהרגו ויתומים
ירצחו⁷ ויאמרו לא יראה יה ולא יבין
אלהי יעקב⁸ בינו בערים בעם וכסילים
מתי תשכילו⁹ הנטע און^c הלא ישמע אם
יצר עין הלא יביט¹⁰ היסר גוים הלא
יוכיח המלמד אדם דעת¹¹ יהוה ידע
מחשבות אדם כי המה הבל¹² אשרי
הגבר אשר תיסרנו יה ומתורתך
תלמדנו¹³ להשקיט לוכ^c מימי רע עד יכרה
לרשע שחת¹⁴ כי לא יטש יהוה עמו
ונחלתו לא יעזב¹⁵ כי עד צדק ישוב
משפט ואחריו כל ישרי לב¹⁶ מי יקום לי
עם מרעים מי יתיצב לי עם פעלי
און¹⁷ לולי יהוה עזרתה לי כמעט שכנה

c We read one or more accents in L differently than BHS. Often this notation indicates a typographical error in BHS.

c We read one or more accents in L differently than BHS. Often this notation indicates a typographical error in BHS.

פן תגף באבן רגלך¹³ על שחל ופתן
תדרך תרמס כפיר ותנין¹⁴ כי בי חשק
ואפלטתהו אשגבהו כי ידע שמי¹⁵ יקראני
ואענהו עמו אנכי בצרה אחלצהו
ואכבדהו¹⁶ ארך ימים אשביעהו ואראהו
בישועתי

92 מזמור שיר ליום השבת² טוב
להדות ליהוה ולזמר לשמך עליון³ להגיד
בבקר חסדך ואמונתך בלילות⁴ עלי
עשור ועלי נבל עלי הגיון בכנור⁵ כי
שמחתני יהוה בפעלך במעשי ידיך
ארנן⁶ מה גדלו מעשיך יהוה מאד עמקו
מחשבתך⁷ איש בער לא ידע וכסיל לא
יבין את זאת⁸ בפרח רשעים כמו עשב
ויציצו כל פעלי און להשמדם עדי
עד⁹ ואתה מרום לעלם יהוה¹⁰ כי הנה
איביך יהוה כי הנה איביך יאבדו יתפרדו
כל פעלי און¹¹ ותרם כראים קרני בלתי
בשמן רענן¹² ותבט עיני בשורי בקמים
עלי מרעים תשמענה אזני¹³ צדיק כתמר
יפרח כארז בלבנון ישגה¹⁴ שתולים בבית
יהוה בחצרות אלהינו יפריחו¹⁵ עוד ינובון
בשיבה דשנים ורעננים יהיו¹⁶ להגיד כי
ישר יהוה צורי ולא עלתה עולתה בו

93 יהוה מלך גאות לבש לבש יהוה עז
התאזר אף תכון תבל בל תמוט² נכון

ומהלל מאד נורא הוא על כל אלהים⁵ כי
 כל אלהי העמים אלילים ויהוה שמים
 עשה⁶ הוד והדר לפניו עז ותפארת
 במקדשו⁷ הבו ליהוה משפחות עמים
 הבו ליהוה כבוד ועז⁸ הבו ליהוה כבוד
 שמו שאו מנחה ובאו
 לחצרותיו⁹ השתחוו ליהוה בהדרת קדש
 חילו מפניו כל הארץ¹⁰ אמרו בגוים יהוה
 מלך אף תכון תבל בל תמוט ידן עמים
 במישרים¹¹ ישמחו השמים ותגל הארץ
 ירעם הים ומלאו¹² יעלזו שדי וכל אשר בו
 אז ירננו כל עצי יער¹³ לפני יהוה כי בא
 כי בא לשפט הארץ ישפט תבל בצדק
 ועמים באמונתו

97 יהוה מלך תגל הארץ ישמחו איים
 רבים² ענן וערפל סביביו צדק ומשפט
 מכון כסאו³ אש לפניו תלך ותלהט סביב
 צריו⁴ האירו ברקיו תבל ראתה ותחל
 הארץ⁵ הרים כדונג נמסו מלפני יהוה
 מלפני אדון כל הארץ⁶ הגידו השמים
 צדקו וראו כל העמים כבודו⁷ יבשו כל
 עבדי פסל המתהללים באלילים השתחוו
 לו כל אלהים⁸ שמעה ותשמח ציון
 ותגלנה בנות יהודה למען משפטך
 יהוה⁹ כי אתה יהוה עליון על כל הארץ
 מאד נעלית על כל אלהים¹⁰ אהבי יהוה
 שנאו רע שמר^c נפשות חסידיו מיד

דומה נפשי¹⁸ אם אמרתי מטה רגלי
 חסדך יהוה יסעדני¹⁹ ברב שרעפי בקרבי
 תנחומיך ישעשעו נפשי²⁰ היחברך כסא
 הוות יצר עמל עלי חק²¹ יגודו על נפש
 צדיק ודם נקי ירשיעו²² ויהי יהוה לי
 למשגב ואלהי לצור מחסי²³ וישב עליהם
 את אונם וברעתם יצמיתם יצמיתם יהוה
 אלהינו

95 לכו נרננה ליהוה נריעה לצור
 ישענו² נקדמה פניו בתודה בזמרות נריע
 לו³ כי אל גדול יהוה ומלך גדול על כל
 אלהים⁴ אשר בידו מחקרי ארץ ותועפות
 הרים לו⁵ אשר לו הים והוא עשהו
 ויבשת ידיו יצרו⁶ באו נשתחוה ונכרעה
 נברכה לפני יהוה עשנו⁷ כי הוא אלהינו
 ואנחנו עם מרעיתו וצאן ידו היום אם
 בקלו תשמעו⁸ אל תקשו לבבכם כמריבה
 כיום מסה במדבר⁹ אשר נסוני אבותיכם
 בחנוני גם ראו פעלי¹⁰ ארבעים שנה
 אקוט בדור ואמר עם תעי לבב הם והם
 לא ידעו דרכי¹¹ אשר נשבעתי באפי אם
 יבאון אל מנוחתתי

96 שירו ליהוה שיר חדש שירו ליהוה
 כל הארץ² שירו ליהוה ברכו שמו בשרו
 מיום ליום ישועתו³ ספרו בגוים כבודו
 בכל העמים נפלאותיו⁴ כי גדול יהוה

c We read one or more accents in L differently than

קראים אל יהוה והוא יענם⁷ בעמוד ענן
 ידבר אליהם שמרו עדתיו וחק נתן
 למו⁸ יהוה אלהינו אתה עניתם אל נשא
 היית להם ונקם על עלילותם⁹ רוממו
 יהוה אלהינו והשתחוו להר קדשו כי
 קדוש יהוה אלהינו

100 מזמור לתודה הריעו ליהוה כל
 הארץ² עבדו את יהוה בשמחה באו
 לפניו ברננה³ דעו כי יהוה הוא אלהים
 הוא עשנו **ולא** ולו אנחנו עמו וצאן
 מרעיתו⁴ באו שערו בתודה חצרתיו
 בתהלה הודו לו ברכו שמו⁵ כי טוב יהוה
 לעולם חסדו ועד דר ודר אמונתו

101 לדוד מזמור חסד ומשפט אשירה
 לך יהוה אזמרה² אשכילה בדרך תמים
 מתי תבוא אלי אתהלך בתם לבבי בקרב
 ביתי³ לא אשית לנגד עיני דבר בליעל
 עשה סטים שנאתי לא ידבק בי⁴ לבב
 עקש יסור ממני רע לא אדע⁵ **מלושני**
מלושני בסתר רעהו אותו אצמית גבה
 עינים ורחב לבב אתו לא אוכל⁶ עיני
 בנאמני ארץ לשבת עמדי הלך בדרך
 תמים הוא ישרתני⁷ לא ישב בקרב ביתי
 עשה רמיה דבר שקרים לא יכון לנגד
 עיני⁸ לבקרים אצמית כל רשעי ארץ
 להכרית מעיר יהוה כל פעלי און

רשעים יצילם¹¹ אור^c זרע לצדיק ולישרי
 לב שמחה¹² שמחו צדיקים ביהוה והודו
 לזכר קדשו

98 מזמור שירו ליהוה שיר חדש כי
 נפלאות עשה הושיעה לו ימינו וזרוע
 קדשו² הודיע יהוה ישועתו לעיני הגוים
 גלה צדקתו³ זכר חסדו ואמונתו לבית
 ישראל ראו כל אפסי ארץ את ישועת
 אלהינו⁴ הריעו ליהוה כל הארץ פצחו
 ורננו וזמרו⁵ זמרו ליהוה בכנור בכנור
 וקול זמרה⁶ בחצצרות וקול שופר הריעו
 לפני המלך יהוה⁷ ירעם הים ומלאו תבל
 וישבי בה⁸ נהרות ימחאו כף יחד הרים
 ירננו⁹ לפני יהוה כי בא לשפט הארץ
 ישפט תבל בצדק ועמים במישרים

99 יהוה מלך ירגזו עמים ישב כרובים
 תנוט הארץ² יהוה בציון גדול ורם הוא
 על כל העמים³ יודו שמך גדול ונורא
 קדוש הוא⁴ ועז מלך משפט אהב אתה
 כוננת מישרים משפט וצדקה ביעקב
 אתה עשית⁵ רוממו יהוה אלהינו
 והשתחוו להדם רגליו קדוש הוא⁶ משה
 ואהרן בכהניו ושמואל בקראי שמו

BHS. Often this notation indicates a typographical error in BHS.

c We read one or more accents in L differently than BHS. Often this notation indicates a typographical error in BHS.

כחו כחי קצר ימי ²⁵ אמר אלי אל תעלני
 בחצי ימי בדור דורים שנותיך ²⁶ לפני
 הארץ יסדת ומעשה ידיך שמים ²⁷ המה
 יאבדו ואתה תעמד וכלם כבגד יבלו
 כלבוש תחליפם ויחלפו ²⁸ ואתה הוא
 ושנותיך לא יתמו ²⁹ בני עבדיך ישכנו
 וזרעם לפניך יכון

103 לדוד ברכי נפשי את יהוה וכל
 קרבי את שם קדשו ² ברכי נפשי את
 יהוה ואל תשכחי כל גמוליו ³ הסלח לכל
 עונכי הרפא לכל תחלאיכי ⁴ הגואל
 משחת חייכי המעטרכי חסד
 ורחמים ⁵ המשביע בטוב עדיך תתחדש
 כנשר נעוריכי ⁶ עשה צדקות יהוה
 ומשפטים לכל עשוקים ⁷ יודיע דרכיו
 למשה לבני ישראל עלילותיו ⁸ רחום וחנון
 יהוה ארך אפים ורב חסד ⁹ לא לנצח
 יריב ולא לעולם יטור ¹⁰ לא כחטאינו
 עשה לנו ולא כעונותינו גמל עלינו ¹¹ כי
 כגבה שמים על הארץ גבר חסדו על
 יראיו ¹² כרחק מזרח ממערב הרחיק
 ממנו את פשעינו ¹³ כרחם אב על בנים
 רחם יהוה על יראיו ¹⁴ כי הוא ידע יצרנו
 זכור כי עפר אנחנו ¹⁵ אנוש כחציר ימיו
 כציץ השדה כן יציץ ¹⁶ כי רוח עברה בו
 ואיננו ולא יכירנו עוד מקומו ¹⁷ וחסד
 יהוה מעולם ועד עולם על יראיו וצדקתו

102 תפלה לעני כי יעטף ולפני יהוה
 ישפך שיחו ² יהוה שמעה תפלתי ושועתי
 אליך תבוא ³ אל תסתר פניך ממני ביום
 צר לי הטה אלי אזנך ביום אקרא מהר
 עני ⁴ כי כלו בעשן ימי ועצמותי כמו קד
 נחרו ⁵ הוכה כעשב ויבש לבי כי שכחתי
 מאכל לחמי ⁶ מקול אנחתי דבקה עצמי
 לבשרי ⁷ דמיתי לקאת מדבר הייתי ככוס
 חרבות ⁸ שקדתי ואהיה כצפור בודד על
 גג ⁹ כל היום חרפוני אויבי מהוללי בי
 נשבעו ¹⁰ כי אפר כלחם אכלתי ושקוי
 בבכי מסכתי ¹¹ מפני זעמך וקצפך כי
 נשאתני ותשליכני ¹² ימי כצל נטוי ואני
 כעשב איבש ¹³ ואתה יהוה לעולם תשב
 וזכרך לדר ודר ¹⁴ אתה תקום תרחם ציון
 כי עת לחננה כי בא מועד ¹⁵ כי רצו
 עבדיך את אבניה ואת עפרה
 יחננו ¹⁶ וייראו גוים את שם יהוה וכל
 מלכי הארץ את כבודך ¹⁷ כי בנה יהוה
 ציון נראה בכבודו ¹⁸ פנה אל תפלת
 הערער ולא בזה את תפלתם ¹⁹ תכתב
 זאת לדור אחרון ועם נברא יהלל יה ²⁰ כי
 השקיף ממרום קדשו יהוה משמים אל
 ארץ הביט ²¹ לשמע אנקת אסיר לפתח
 בני תמותה ²² לספר בציון שם יהוה
 ותהלתו בירושלם ²³ בהקבץ עמים יחדו
 וממלכות לעבד את יהוה ²⁴ ענה בדרך

יסעד¹⁶ ישבעו עצי יהוה ארזי לבנון אשר
 נטע¹⁷ אשר שם צפרים יקננו חסידה
 ברושים ביתה¹⁸ הרים הגבהים ליעלים
 סלעים מחסה לשפנים¹⁹ עשה ירח
 למועדים שמש ידע מבואו²⁰ תשת חשך
 ויהי לילה בו תרמש כל חיתו
 יער²¹ הכפירים שאגים לטרף ולבקש
 מאל אכלם²² תזרח השמש יאספון ואל
 מעונתם ירבצון²³ יצא אדם לפעלו
 ולעבדתו עדי ערב²⁴ מה רבו מעשיך
 יהוה כלם בחכמה עשית מלאה הארץ
 קנינך²⁵ זה הים גדול ורחב ידים שם רמש
 ואין מספר חיות קטנות עם גדלות²⁶ שם
 אניות יהלכון לויתן זה יצרת לשחק
 בו²⁷ כלם אליך ישברון לתת אכלם
 בעתו²⁸ תתן להם ילקטון תפתח ידך
 ישבעון טוב²⁹ תסתיר פניך יבהלון תסף
 רוחם יגועון ואל עפרם ישובון³⁰ תשלח
 רוחך יבראון ותחדש פני אדמה³¹ יהי
 כבוד יהוה לעולם ישמח יהוה
 במעשיו³² המביט לארץ ותרעד יגע
 בהרים ויעשנו³³ אשירה ליהוה בחיי
 אזמרה לאלהי בעודי³⁴ יערב עליו שיחי
 אנכי אשמח ביהוה³⁵ יתמו חטאים מן
 הארץ ורשעים עוד אינם ברכי נפשי את
 יהוה הללו יה

105 הודו ליהוה קראו בשמו הודיעו

לבני בנים¹⁸ לשמרי בריתו ולזכרי פקדיו
 לעשותם¹⁹ יהוה בשמים הכין כסאו
 ומלכותו בכל משלה²⁰ ברכו יהוה
 מלאכיו גברי כח עשי דברו לשמע בקול
 דברו²¹ ברכו יהוה כל צבאיו משרתיו
 עשי רצונו²² ברכו יהוה כל מעשיו בכל
 מקמות ממשלתו ברכי נפשי את יהוה

104 ברכי נפשי את יהוה יהוה אלהי
 גדלת מאד הוד והדר לבשת² עטה אור
 כשלמה נוטה שמים כיריעה³ המקרה
 במים עליותיו השם עבים רכובו המהלך
 על כנפי רוח⁴ עשה מלאכיו רוחות
 משרתיו אש להט⁵ יסד ארץ על מכוניה
 בל תמוט עולם ועד⁶ תהום כלבוש כסיתו
 על הרים יעמדו מים⁷ מן גערתך ינוסון מן
 קול רעמדך יחפזון⁸ יעלו הרים ירדו
 בקעות אל מקום זה יסדת להם⁹ גבול
 שמת בל יעברון בל ישובון לכסות
 הארץ¹⁰ המשלח מעינים בנחלים בין
 הרים יהלכון¹¹ ישקו כל חיתו שדי ישברו
 פראים צמאם¹² עליהם עוף השמים
 ישכון מבין עפאים יתנו קול¹³ משקה
 הרים מעליותיו מפרי מעשיך תשבע
 הארץ¹⁴ מצמיח חציר לבהמה ועשב
 לעבדת האדם להוציא לחם מן
 הארץ¹⁵ ויין ישמח לבב אנוש להצהיל
 פנים משמן ולחם לבב אנוש

עבדו אהרן אשר בחר בו ²⁷ שמו במ
 דברי אתותיו ומפתים בארץ חם ²⁸ שלח
 חשך ויחשך ולא מרו את ^{דברו} ² דברו ²
⁹ הפך את מימיהם לדם וימת את
 דגתם ³⁰ שרץ ארצם צפרדעים בחדרי
 מלכיהם ³¹ אמר ויבא ערב כנים בכל
 גבולם ³² נתן גשמייהם ברד אש להבות
 בארצם ³³ ויך גפנם ותאנתם וישבר עץ
 גבולם ³⁴ אמר ויבא ארבה וילק ואין
 מספר ³⁵ ויאכל כל עשב בארצם ויאכל
 פרי אדמתם ³⁶ ויך כל בכור בארצם
 ראשית לכל אונם ³⁷ ויוציאם בכסף וזהב
 ואין בשבטיו כושל ³⁸ שמח מצרים
 בצאתם כי נפל פחדם עליהם ³⁹ פרש ענן
 למסך ואש להאיר לילה ⁴⁰ שאל ויבא
 שלו ולחם שמים ישביעם ⁴¹ פתח צור
 ויזובו מים הלכו בציות נהר ⁴² כי זכר את
 דבר קדשו את אברהם עבדו ⁴³ ויוצא
 עמו בששון ברנה את בחיריו ⁴⁴ ויתן להם
 ארצות גוים ועמל לאמים יירשו ⁴⁵ בעבור
 ישמרו חקיו ותורתיו ינצרו הללו יה

106 הללויה הודו ליהוה כי טוב כי
 לעולם חסדו ² מי ימלל גבורות יהוה
 ישמיע כל תהלתו ³ אשרי שמרי משפט
 עשה צדקה בכל עת ⁴ זכרני יהוה ברצון

בעמים עלילותיו ² שירו לו ^c זמרו לו שיחו
 בכל נפלאותיו ³ התהללו בשם קדשו
 ישמח לב מבקשי יהוה ⁴ דרשו יהוה ועזו
 בקשו פניו תמיד ⁵ זכרו נפלאותיו אשר
 עשה מפתיו ומשפטי פיו ⁶ זרע אברהם
 עבדו בני יעקב בחיריו ⁷ הוא יהוה אלהינו
 בכל הארץ משפטיו ⁸ זכר לעולם בריתו
 דבר צוה לאלף דור ⁹ אשר כרת את
 אברהם ושבועתו לישחק ¹⁰ ויעמידה
 ליעקב לחק לישראל ברית עולם ¹¹ לאמר
 לך אתן את ארץ כנען חבל
 נחלתכם ¹² בהיותם מתי מספר כמעט
 וגרים בה ¹³ ויתהלכו מגוי אל גוי
 מממלכה אל עם אחר ¹⁴ לא הניח אדם
 לעשקם ויוכח עליהם מלכים ¹⁵ אל תגעו
 במשיחי ולנביאי אל תרעו ¹⁶ ויקרא רעב
 על הארץ כל מטה לחם שבר ¹⁷ שלח
 לפנייהם איש לעבד נמכר יוסף ¹⁸ ענו
 בכבל ^{רגליו} ^{רגלו} ברזל באה נפשו ¹⁹ עד עת
 בא דברו אמרת יהוה צרפתהו ²⁰ שלח
 מלך ויתירהו משל עמים ויפתחהו ²¹ שמו
 אדון לביתו ומשל בכל קנינו ²² לאסר
 שריו בנפשו וזקניו יחכם ²³ ויבא ישראל
 מצרים ויעקב גר בארץ חם ²⁴ ויפר את
 עמו מאד ויעצמהו מצריו ²⁵ הפך לבם
 לשנא עמו להתנכל בעבדיו ²⁶ שלח משה

l BHS has been faithful to the Leningrad Codex where there might be a question of the validity of the form and we keep the same form as BHS.

c We read one or more accents in L differently than BHS. Often this notation indicates a typographical error in BHS.

עמד פקדני בישועתך⁵ לראות בטובת
 בחיריך לשמח בשמחת גויך להתהלל
 עם נחלתך⁶ חטאנו עם אבותינו העוינו
 הרשענו⁷ אבותינו במצרים לא השכילו
 נפלאותיך לא זכרו את רב חסדיך וימרו
 על ים בים סוף⁸ ויושיעם למען שמו
 להודיע את גבורתו⁹ ויגער בים סוף
 ויחרב ויוליכם בתהמות
 כמדבר¹⁰ ויושיעם מיד שונא ויגאלם מיד
 אויב¹¹ ויכסו מים צריהם אחד מהם לא
 נותר¹² ויאמינו בדבריו ישירו
 תהלתו¹³ מהרו שכחו מעשיו לא חכו
 לעצתו¹⁴ ויתאו תאוה במדבר וינסו אל
 בישימון¹⁵ ויתן להם שאלתם וישלח רזון
 בנפשם¹⁶ ויקנאו למה במחנה לאהרן
 קדוש יהוה¹⁷ תפתח ארץ ותבלע דתן
 ותכס על עדת אבירם¹⁸ ותבער אש
 בעדתם להבה תלהט רשעים¹⁹ יעשו עגל
 בחרב וישתחוו למסכה²⁰ וימירו את
 כבודם בתבנית שור אכל עשב²¹ שכחו
 אל מושיעם עשה גדלות
 במצרים²² נפלאות בארץ חס נוראות על
 ים סוף²³ ויאמר להשמידם לולי משה
 בחירו עמד בפרץ לפניו להשיב חמתו
 מהשחית²⁴ וימאסו בארץ חמדה לא
 האמינו לדברו²⁵ וירגנו באהליהם לא
 שמעו בקול יהוה²⁶ וישא ידו להם להפיל
 אותם במדבר²⁷ ולהפיל זרעם בגוים

ולזרותם בארצות²⁸ ויצמדו לבעל פעור
 ויאכלו זבחי מתים²⁹ ויכעיסו במעלליהם
 ותפרץ בם מגפה³⁰ ויעמד פינחס ויפלל
 ותעצר המגפה³¹ ותחשב לו לצדקה לדר
 ודר עד עולם³² ויקציפו על מי מריבה
 וירע למושה בעבורם³³ כי המרו את רוחו
 ויבטא בשפתיו³⁴ לא השמידו את העמים
 אשר אמר יהוה להם³⁵ ויתערבו בגוים
 וילמדו מעשיהם³⁶ ויעבדו את עצביהם
 ויהיו להם למוקש³⁷ ויזבחו את בניהם
 ואת בנותיהם לשדים³⁸ וישפכו דם נקי
 דם בניהם ובנותיהם אשר זבחו לעצבי
 כנען ותחנף הארץ בדמים³⁹ ויטמאו
 במעשיהם ויזנו⁴⁰ במעלליהם ויחר אף
 יהוה בעמו ויתעב את נחלתו⁴¹ ויתנם
 ביד גוים וימשלו בהם
 שנאיהם⁴² וילחצום אויביהם ויכנעו תחת
 ידם⁴³ פעמים רבות יצילם והמה ימרו
 בעצתם וימכו בעונם⁴⁴ וירא בצר להם
 בשמעו את רנתם⁴⁵ ויזכר להם בריתו
 וינחם כרב חסדו⁴⁶ ויתן אותם
 לרחמים לפני כל שוביהם⁴⁷ הושיענו
 יהוה אלהינו וקבצנו מן הגוים להדות
 לשם קדשך להשתבח בתהלתך⁴⁸ ברוך
 יהוה אלהי ישראל מן העולם ועד העולם
 ואמר כל העם אמן הללו יה

c We read one or more accents in L differently than BHS. Often this notation indicates a typographical error in BHS.

רבים ²⁴ : המה ראו מעשי יהוה ונפלאותיו
 במצולה ²⁵ : ויאמר ויעמד רוח סערה
 ותרוםם גליו ²⁶ : יעלו שמים ירדו תהומות
 נפשם ברעה תתמוגג ²⁷ יחוגו וינועו
 כשכור וכל חכמתם תתבלע ²⁸ ויצעקו אל
 יהוה בצר להם וממצוקתיהם
 יוציאם ²⁹ יקם סערה לדממה ויחשו
 גליהם ³⁰ וישמחו כי ישתקו וינחם אל
 מחוז חפצם ³¹ יודו ליהוה חסדו
 ונפלאותיו לבני אדם ³² וירממוהו בקהל
 עם ובמושב זקנים יהללוהו ³³ ישם נהרות
 למדבר ומצאי מים לצמאון ³⁴ ארץ פרי
 למלחה מרעת ישבי בה ³⁵ ישם מדבר
 לאגם מים וארץ ציה למצאי מים ³⁶ ויושב
 שם רעבים ויכוננו עיר מושב ³⁷ ויזרעו
 שדות ויטעו כרמים ויעשו פרי
 תבואה ³⁸ ויברכם וירבו מאד ובהמתם
 לא ימעיט ³⁹ וימעטו וישחו מעצר רעה
 ויגון ⁴⁰ : שפך בוז על נדיבים ויתעם בתהו
 לא דרך ⁴¹ וישגב אביון מעוני וישם כצאן
 משפחות ⁴² יראו ישרים וישמחו וכל
 עולה קפצה פיה ⁴³ מי חכם וישמר אלה
 ויתבוננו חסדי יהוה

108 שיר מזמור לדוד ² נכון לבי
 אלהים אשירה ואזמרה אף כבודי ³ עורה
 הנבל וכנור אעירה שחר ⁴ אודך בעמים
 יהוה ואזמרך בל אמים ⁵ כי גדול מעל

107 הדו ליהוה כי טוב כי לעולם
 חסדו ² יאמרו גאולי יהוה אשר גאלם
 מיד צר ³ ומארצות קבצם ממזרח
 וממערב מצפון ומים ⁴ תעו במדבר
 בישימון דרך עיר מושב לא
 מצאו ⁵ רעבים גם צמאים נפשם בהם
 תתעטף ⁶ ויצעקו אל יהוה בצר להם
 ממצוקותיהם יצילם ⁷ וידריכם בדרך
 ישרה ללכת אל עיר מושב ⁸ יודו ליהוה
 חסדו ונפלאותיו לבני אדם ⁹ כי השביע
 נפש שקקה ונפש רעבה מלא
 טוב ¹⁰ ישבי חשך וצלמות אסירי עני
 וברזל ¹¹ כי המרו אמרי אל ועצת עליון
 נאצו ¹² ויכנע בעמל לבם כשלו ואין
 עזר ¹³ ויזעקו אל יהוה בצר להם
 ממצוקותיהם יושיעם ¹⁴ יוציאם מחשך
 וצלמות ומוסרותיהם ינתק ¹⁵ יודו ליהוה
 חסדו ונפלאותיו לבני אדם ¹⁶ כי שבר
 דלתות נחשת ובריחי ברזל גדע ¹⁷ אולים
 מדרך פשעם ומעונתיהם יתענו ¹⁸ כל
 אכל תתעב נפשם ויגיעו עד שערי
 מות ¹⁹ ויזעקו אל יהוה בצר להם
 ממצוקותיהם יושיעם ²⁰ ישלח דברו
 וירפאם וימלט משחיתותם ²¹ יודו ליהוה
 חסדו ונפלאותיו לבני אדם ²² ויזבחו
 זבחי תודה ויספרו מעשיו ברנה ²³ יורדי
 הים באניות עשי מלאכה במים

ואל יהי חונן ליתומיו¹³ יהי אחריתו
להכרית בדור אחר ימח שמם¹⁴ יזכר עון
אבתיו אל יהוה וחטאת אמו אל
תמח¹⁵ יהיו נגד יהוה תמיד ויכרת מארץ
זכרם¹⁶ יען אשר לא זכר עשות חסד
וירדף איש עני ואביון ונכאה לבב
למותת¹⁷ ויאהב קללה ותבואהו ולא
חפץ בברכה ותרחק ממנו¹⁸ וילבש
קללה כמדו ותבא כמים בקרבו וכשמן
בעצמותיו¹⁹ תהי לו^c כבגד יעטה ולמזח
תמיד יחגרה²⁰ זאת פעלת שטני מאת
יהוה והדברים רע על נפשי²¹ ואתה יהוה
אדני עשה אתי למען שמך כי טוב חסדך
הצילני²² כי עני ואביון אנכי ולבי חלל
בקרבי²³ כצל כנטותו נהלכתי ננערתי
כארבה²⁴ ברכי כשלו מצום ובשרי כחש
משמן²⁵ ואני הייתי חרפה להם יראוני
יניעון ראשם²⁶ עזרני יהוה אלהי הושיעני
כחסדך²⁷ וידעו כי ידך זאת אתה יהוה
עשיתה²⁸ יקללו המה ואתה תברך קמו
ויבשו ועבדך ישמח²⁹ ילבשו שוטני
כלמה ויעטו כמעיל בשתם³⁰ אודה יהוה
מאד בפי ובתוך רבים אהללנו³¹ כי יעמד
לימין אביון להושיע משפטי נפשו

110 לדוד מזמור נאם יהוה לאדני שב

error in BHS.

c We read one or more accents in L differently than BHS. Often this notation indicates a typographical error in BHS.

שמים חסדך ועד שחקים אמתך⁶ רומה
על שמים אלהים ועל כל הארץ
כבודך⁷ למען יחלצון ידידיך הושיעה
ימינך וענני⁸ אלהים דבר בקדשו אעלזה
אחלקה שכם ועמק סכות אמדד⁹ לי
גלעד לי מנשה ואפרים מעוז ראשי
יהודה מחקקי¹⁰ מואב סיר רחצי על
אדום אשליך נעלי עלי פלשת
אתרועע¹¹ מי יבלני עיר מבצר מי נחני
עד אדום¹² הלא אלהים זנחתנו ולא תצא
אלהים בצבאתינו¹³ הבה לנו עזרת מצר
ושוא תשועת אדם¹⁴ באלהים נעשה חיל
והוא יבוס צרינו

109 למנצח לדוד מזמור אלהי תהלתי
אל תחרש² כי פי רשע ופי מרמה עלי
פתחו דברו אתי לשון שקר³ ודברי
שנאה סבבוני וילחמוני חנם⁴ תחת
אהבתי ישטנוני ואני תפלה⁵ וישימו עלי
רעה תחת טובה ושנאה תחת
אהבתי⁶ הפקד עליו רשע ושטן יעמד על
ימינו⁷ בהשפטו יצא רשע ותפלתו תהיה
לחטאה⁸ יהיו ימיו מעטים פקדתו יקח
אחר⁹ יהיו בניו יתומים ואשתו
אלמנה¹⁰ ונוע ינועו בניו ושאלו ודרשו
מחרבותיהם¹¹ ינקש נושה לכל אשר לו
ויבזו זרים יגיעו¹² אל יהי לו^c משך חסד

c We read one or more accents in L differently than BHS. Often this notation indicates a typographical

במצותיו חפץ מאד² גבור בארץ יהיה
 זרעו דור ישרים יברך³ הון ועשר בביתו
 וצדקתו עמדת לעד⁴ זרח בחשך אור^c
 לישרים חנון ורחום וצדיק⁵ טוב איש
 חונן ומלוה יכלכל דבריו במשפט⁶ כי
 לעולם לא ימוט לזכר עולם יהיה
 צדיק⁷ משמועה רעה לא יירא נכון לבו
 בטח ביהוה⁸ סמוך לבו לא יירא עד אשר
 יראה בצריו⁹ פזר נתן לאביונים צדקתו
 עמדת לעד קרנו תרום בכבוד¹⁰ רשע
 יראה וכעס שניו יחרק ונמס תאות
 רשעים תאבד

113 הללו יה הללו עבדי יהוה הללו
 את שם יהוה² יהי שם יהוה מברך
 מעתה ועד עולם³ ממזרח שמש עד
 מבוא מהלל שם יהוה⁴ רם על כל גוים
 יהוה על השמים כבודו⁵ מי כיהוה
 אלהינו המגביהי לשבת⁶ המשפילי
 לראות בשמים ובארץ⁷ מקימי מעפר דל
 מאשפת ירים אביון⁸ להושיבי עם נדיבים
 עם נדיבי עמו⁹ מושיבי עקרת הבית אם
 הבנים שמחה הללו יה

114 בצאת ישראל ממצרים בית יעקב
 מעם לעז² היתה יהודה לקדשו ישראל

c We read one or more accents in L differently than BHS. Often this notation indicates a typographical error in BHS.

לימיני עד אשית איביך הדם
 לרגליך² מטה עזך ישלח יהוה מציון רדה
 בקרב איביך³ עמך נדבת ביום חילך
 בהדרי קדש^c מרחם משחר לך טל
 ילדתיך⁴ נשבע יהוה ולא ינחם אתה כהן
 לעולם על דברתי מלכי צדק⁵ אדני על
 ימינך מחץ ביום אפו מלכים⁶ ידין בגוים
 מלא גויות מחץ ראש על ארץ
 רבה⁷ מנחל בדרך ישתה על כן ירים
 ראש

111 הללו יה אודה יהוה בכל לבב
 בסוד ישרים ועדה² גדלים מעשי יהוה
 דרושים לכל חפציהם³ הוד והדר פעלו
 וצדקתו עמדת לעד⁴ זכר עשה לנפלאותיו
 חנון ורחום יהוה⁵ טרף נתן ליראיו יזכר
 לעולם בריתו⁶ כח מעשיו הגיד לעמו
 לתת להם נחלת גוים⁷ מעשי ידיו אמת
 ומשפט נאמנים כל פקודיו⁸ סמוכים לעד
 לעולם עשויים באמת וישר⁹ פדות שלח
 לעמו צוה לעולם בריתו קדוש ונורא
 שמו¹⁰ ראשית חכמה יראת יהוה שכל
 טוב^c לכל עשיהם תהלתו עמדת לעד

112 הללו יה אשרי איש ירא את יהוה

c We read one or more accents in L differently than BHS. Often this notation indicates a typographical error in BHS.

c We read one or more accents in L differently than BHS. Often this notation indicates a typographical error in BHS.

עולם הללו יה

116 אהבתי כי ישמע יהוה את קולי
תחנוני ² כי הטה אזנו לי ובימי
אקרא ³ אפפוני חבלי מות ומצרי שאול
מצאוני צרה ויגון אמצא ⁴ ובשם יהוה
אקרא אנה יהוה מלטה נפשי ⁵ חנון יהוה
וצדיק ואלהינו מרחם ⁶ שמר פתאים יהוה
דלותי ולי יהושיע ⁷ שובי נפשי למנוחיכי
כי יהוה גמל עליכי ⁸ כי חלצת נפשי
ממות את עיני מן דמעה את רגלי
מדחי ⁹ אתהלך לפני יהוה בארצות
החיים ¹⁰ האמנתי כי אדבר אני עניתי
מאד ¹¹ אני אמרתי בחפזי כל האדם
כזב ¹² מה אשיב ליהוה כל תגמולוהי
עלי ¹³ כוס ישועות אשא ובשם יהוה
אקרא ¹⁴ נדרי ליהוה אשלם נגדה נא לכל
עמו ¹⁵ יקר בעיני יהוה המותה
לחסידיו ¹⁶ אנה יהוה כי אני עבדך אני
עבדך בן אמתך פתחת למוסרי ¹⁷ לך
אזבח זבח תודה ובשם יהוה
אקרא ¹⁸ נדרי ליהוה אשלם נגדה נא לכל
עמו ¹⁹ בחצרות בית יהוה בתוככי
ירושלם הללו יה

117 הללו את יהוה כל גוים שבחוהו
כל האמים ² כי גבר עלינו חסדו ואמת
יהוה לעולם הללו יה

ממשלותיו ³ הים ראה וינס הירדן יסב
לאחור ⁴ ההרים רקדו כאילים גבעות
כבני צאן ⁵ מה לך הים כי תנוס הירדן
תסב לאחור ⁶ ההרים תרקדו כאילים
גבעות כבני צאן ⁷ מלפני אדון חולי ארץ
מלפני אלוה יעקב ⁸ ההפכי הצור אגם
מים חלמיש למעינו מים

115 לא לנו יהוה לא לנו כי לשמך תן
כבוד על חסדך על אמתך ² למה יאמרו
הגוים איה נא אלהיהם ³ ואלהינו בשמים
כל אשר חפץ עשה ⁴ עצביהם כסף וזהב
מעשה ידי אדם ⁵ פה להם ולא ידברו
עינים להם ולא יראו ⁶ אזנים להם ולא
ישמעו אף להם ולא יריחון ⁷ ידיהם ולא
ימישון רגליהם ולא יהלכו לא יהגו
בגרונם ⁸ כמוהם יהיו עשיהם כל אשר
בטח בהם ⁹ ישראל בטח ביהוה עזרם
ומגנם הוא ¹⁰ בית אהרן בטחו ביהוה
עזרם ומגנם הוא ¹¹ יראי יהוה בטחו
ביהוה עזרם ומגנם הוא ¹² יהוה זכרנו
יברך יברך את בית ישראל יברך את בית
אהרן ¹³ יברך יראי יהוה הקטנים עם
הגדלים ¹⁴ יסף יהוה עליכם ועל
בניכם ¹⁵ ברוכים אתם ליהוה עשה שמים
וארץ ¹⁶ השמים שמים ליהוה והארץ נתן
לבני אדם ¹⁷ לא המתים יהללו יה ולא כל
ירדי דומה ¹⁸ ואנחנו נברך יה מעתה ועד

מבית יהוה²⁷ אל יהוה ויאר לנו אסרו חג
בעבתים עד קרנות המזבח²⁸ אלי אתה
ואודך אלהי ארוממך²⁹ הודו ליהוה כי
טוב כי לעולם חסדו

119 אשרי תמימי דרך ההלכים
בתורת יהוה² אשרי נצרי עדתיו בכל לב
ידרשוהו³ אף לא פעלו עולה בדרכיו
הלכו⁴ אתה צויתה פקדיך לשמר
מאד⁵ אחלי יכנו דרכי לשמר חקיך⁶ אז
לא אבוש בהביטי אל כל מצותיך⁷ אודך
בישר לבב בלמדי משפטי צדקך⁸ את
חקיך אשמר אל תעזבני עד מאד⁹ במה
יזכה נער את ארחו לשמר כדברך¹⁰ בכל
לבי דרשתיך אל תשגני ממצותיך¹¹ בלבי
צפנתי אמרתך למען לא אחטא
לך¹² ברוך אתה יהוה למדני
חקיך¹³ בשפתי ספרתי כל משפטי
פיך¹⁴ בדרך עדותיך ששתי כעל כל
הון¹⁵ בפקדיך אשיחה ואביטה
ארחתיך¹⁶ בחקתיך אשתעשע לא
אשכח דברך¹⁷ גמל על עבדך אחיה
ואשמרה דברך¹⁸ גל עיני ואביטה
נפלאות מתורתך¹⁹ גר אנכי בארץ אל
תסתר ממני מצותיך²⁰ גרסה נפשי
לתאבה אל משפטיך בכל עת²¹ גערת
זדים ארורים השגים ממצותיך²² גל מעלי
חרפה ובוז כי עדתיך נצרתי²³ גם ישבו

118 הודו ליהוה כי טוב כי לעולם
חסדו² יאמר נא ישראל כי לעולם
חסדו³ יאמרו נא בית אהרן כי לעולם
חסדו⁴ יאמרו נא יראי יהוה כי לעולם
חסדו⁵ מן המצר קראתי יה ענני במרחב
יה⁶ יהוה לי לא אירא מה יעשה לי
אדם⁷ יהוה לי בעזרי ואני אראה
בשנאי⁸ טוב לחסות ביהוה מבטח
באדם⁹ טוב לחסות ביהוה מבטח
בנדיבים¹⁰ כל גוים סבבוני בשם יהוה כי
אמילם¹¹ סבוני גם סבבוני בשם יהוה כי
אמילם¹² סבוני כדבורים דעכו כאש
קוצים בשם יהוה כי אמילם¹³ דחה
דחיתני לנפל ויהוה עזרני¹⁴ עזי וזמרת יה
ויהי לי לישועה¹⁵ קול רנה וישועה
באהלי צדיקים ימין יהוה עשה חיל¹⁶ ימין
יהוה רוממה ימין יהוה עשה חיל¹⁷ לא
אמות כי אחיה ואספר מעשי יה¹⁸ יסר
יסרני יה ולמות לא נתנני¹⁹ פתחו לי
שערי צדק אבא במ אודה יה²⁰ זה
השער ליהוה צדיקים יבאו בו²¹ אודך כי
עניתני ותהי לי לישועה²² אבן מאסו
הבונים היתה לראש פנה²³ מאת יהוה
היתה זאת היא נפלאות בעינינו²⁴ זה היום
עשה יהוה נגילה ונשמחה בו²⁵ אנא יהוה
הושיעה נא אנא יהוה הצליחה
נא²⁶ ברוך הבא בשם יהוה ברכנוכם

בעניי כי אמרתך חיתני ⁵¹ זדים הליצני עד
 מאד מתורתך לא נטיתי ⁵² זכרתי
 משפטיך מעולם יהוה ואתנחם ⁵³ זלעפה
 אחזתני מרשעים עזבי תורתך ⁵⁴ זמרות
 היו לי חקיך בבית מגורי ⁵⁵ זכרתי בלילה
 שמך יהוה ואשמרה תורתך ⁵⁶ זאת היתה
 לי כי פקדיך נצרתי ⁵⁷ חלקי יהוה אמרתי
 לשמר דבריך ⁵⁸ חליתי פניך בכל לב חנני
 כאמרתך ⁵⁹ חשבתי דרכי ואשיבה רגלי
 אל עדתיך ⁶⁰ חשתי ולא התמהמהתי
 לשמר מצותיך ⁶¹ חבלי רשעים עודני
 תורתך לא שכחתי ⁶² חצות לילה אקום
 להודות לך על משפטי צדקך ⁶³ חבר אני
 לכל אשר יראוך ולשמרי
 פקודיך ⁶⁴ חסדך יהוה מלאה הארץ חקיך
 למדני ⁶⁵ טוב עשית עם עבדך יהוה
 כדברך ⁶⁶ טוב טעם ודעת למדני כי
 במצותיך האמנתי ⁶⁷ טרם אענה אני שגג
 ועתה אמרתך שמרתי ⁶⁸ טוב אתה ומטיב
 למדני חקיך ⁶⁹ טפלו עלי שקר זדים אני
 בכל לב אצר פקודיך ⁷⁰ טפש כחלב לבם
 אני תורתך שעשעתי ⁷¹ טוב לי כי עניתני
 למען אלמד חקיך ⁷² טוב לי תורת פיך
 מאלפי זהב וכסף ⁷³ ידיך עשוני ויכוננוני
 הבינני ואלמדה מצותיך ⁷⁴ יראיך יראוני
 וישמחו כי לדברך יחלתי ⁷⁵ ידעתי יהוה
 כי צדק משפטיך ואמונה עניתני ⁷⁶ יהי נא
 חסדך לנחמני כאמרתך לעבדך ⁷⁷ יבאוני

שרים בי נדברו עבדך ישיח בחקיך ²⁴ גם
 עדתיך שעשעי אנשי עצתי ²⁵ דבקה
 לעפר נפשי חני כדברך ²⁶ דרכי ספרתי
 ותענני למדני חקיך ²⁷ דרך פקודיך הבינני
 ואשיחה בנפלאותיך ²⁸ דלפה נפשי
 מתוגה קימני כדברך ²⁹ דרך שקר הסר
 ממני ותורתך חנני ³⁰ דרך אמונה בחרתי
 משפטיך שויתי ³¹ דבקתי בעדותיך יהוה
 אל תבישני ³² דרך מצותיך ארוץ כי
 תרחיב לבי ³³ הורני יהוה דרך חקיך
 ואצרנה עקב ³⁴ הבינני ואצרה תורתך
 ואשמרנה בכל לב ³⁵ הדריכני בנתיב
 מצותיך כי בו חפצתי ³⁶ הט לבי אל
 עדותיך ואל אל בצע ³⁷ העבר עיני
 מראות שוא בדרכך חני ³⁸ הקם לעבדך
 אמרתך אשר ליראתך ³⁹ העבר חרפתי
 אשר יגרתני כי משפטיך טובים ⁴⁰ הנה
 תאבתי לפקדיך בצדקתך חני ⁴¹ ויבאני
 חסדך יהוה תשועתך כאמרתך ⁴² ואענה
 חרפי דבר כי בטחתי בדברך ⁴³ ואל תצל
 מפי דבר אמת עד מאד כי למשפטך
 יחלתי ⁴⁴ ואשמרה תורתך תמיד לעולם
 ועד ⁴⁵ ואתהלכה ברחבה כי פקדיך
 דרשתי ⁴⁶ ואדברה בעדתיך נגד מלכים
 ולא אבוש ⁴⁷ ואשתעשע במצותיך אשר
 אהבתי ⁴⁸ ואשא כפי אל מצותיך אשר
 אהבתי ואשיחה בחקיך ⁴⁹ זכר דבר
 לעבדך על אשר יחלתי ⁵⁰ זאת נחמתי

דברך¹⁰² ממשפטיך לא סרתי כי אתה
 הורתני¹⁰³ מה נמלצו לחכי אמרתך
 מדבש לפי¹⁰⁴ מפקודיך אתבונן על כן
 שנאתי כל ארח שקר¹⁰⁵ נר לרגלי דברך
 ואור לנתיבתי¹⁰⁶ נשבעתי ואקימה לשמר
 משפטי צדקך¹⁰⁷ נעניתי עד מאד יהוה
 חינוי כדברך¹⁰⁸ נדבות פי רצה נא יהוה
 ומשפטיך למדני¹⁰⁹ נפשי בכפי תמיד
 ותורתך לא שכחתי¹¹⁰ נתנו רשעים פח
 לי ומפקודיך לא תעיתי¹¹¹ נחלתי עדותיך
 לעולם כי ששון לבי המה¹¹² נטיתי לבי
 לעשות חקיך לעולם עקב¹¹³ סעפים
 שנאתי ותורתך אהבתי¹¹⁴ סתרי ומגני
 אתה לדברך יחלתי¹¹⁵ סורו ממני מרעים
 ואצרה מצות אלהי¹¹⁶ סמכני כאמרתך
 ואחיה ואל תבישני משברי¹¹⁷ סעדני
 ואושעה ואשעה בחקיך תמיד¹¹⁸ סלית
 כל שוגים מחקיך כי שקר
 תרמיתם¹¹⁹ סגים השבת כל רשעי ארץ
 לכן אהבתי עדתיך¹²⁰ סמר מפחדך בשרי
 וממשפטיך יראתי¹²¹ עשיתי משפט וצדק
 בל תניחני לעשקי¹²² ערב עבדך לטוב
 אל יעשקני זדים¹²³ עיני כלו לישועתך
 ולאמרת צדקך¹²⁴ עשה עם עבדך
 כחסדך וחקיך למדני¹²⁵ עבדך אני הבינני
 ואדעה עדתיך¹²⁶ עת לעשות ליהוה
 הפרו תורתך¹²⁷ על כן אהבתי מצותיך
 מזהב ומפז¹²⁸ על כן כל פקודי כל ישרתי

רחמיך ואחיה כי תורתך שעשעי⁷⁸ יבשו
 זדים כי שקר עותוני אני אשיח
 בפקודיך⁷⁹ ישובו לי יראיך וידעו וידעי
 עדתיך⁸⁰ יהי לבי תמים בחקיך למען לא
 אבוש⁸¹ כלתה לתשועתך נפשי לדברך
 יחלתי⁸² כלו עיני לאמרתך לאמר מתי
 תנחמני⁸³ כי הייתי כנאד בקיטור חקיך
 לא שכחתי⁸⁴ כמה ימי עבדך מתי תעשה
 ברדפי משפט⁸⁵ כרו לי זדים שיחות
 אשר לא כתורתך⁸⁶ כל מצותיך אמונה
 שקר רדפוני עזרני⁸⁷ כמעט כלוני בארץ
 ואני לא עזבתי פקודיך⁸⁸ כחסדך חינוי
 ואשמרה עדות פיך⁸⁹ לעולם יהוה דברך
 נצב בשמים⁹⁰ לדר ודר אמונתך כוננת
 ארץ ותעמד⁹¹ למשפטיך עמדו היום כי
 הכל עבדיך⁹² לולי תורתך שעשעי אז
 אבדתי בעיני⁹³ לעולם לא אשכח פקודיך
 כי בם חייתני⁹⁴ לך אני הושיעני כי
 פקודיך דרשתי⁹⁵ לי קוו רשעים לאבדני
 עדתיך אתבונן⁹⁶ לכל תכלה ראיתי קץ
 רחבה מצותך מאד⁹⁷ מה אהבתי תורתך
 כל היום היא שיחתי⁹⁸ מאיבי תחכמני
 מצותך כי לעולם היא לי⁹⁹ מכל מלמדי
 השכלתי כי עדותיך שיחה לי¹⁰⁰ מזקנים
 אתבונן כי פקודיך נצרתי¹⁰¹ מכל ארח
 רע כלאתי רגלי למען אשמר

1 BHS has been faithful to the Leningrad Codex where there might be a question of the validity of the form and we keep the same form as BHS.

חִינִי ¹⁵⁵ רְחוּק מִרְשָׁעִים יִשׁוּעָה כִּי חִקֵּךְ
 לֹא דִרְשׁוּ ¹⁵⁶ רְחֹמֶיךָ רַבִּים יְהוֹה
 כַּמְשַׁפֵּטֶיךָ חִינִי ¹⁵⁷ רַבִּים רַדְפֵי וְצָרִי
 מִעֲדוּתֶיךָ לֹא נִטִּיתִי ¹⁵⁸ רְאִיתִי בְּגָדִים
 וְאֶתְקוּטְטָה אֲשֶׁר אָמַרְתָּךְ לֹא
 שָׁמְרוּ ¹⁵⁹ רְאֵה כִּי פְקוּדֶיךָ אֶהְבַּתִּי יְהוֹה
 כַּחֲסֹדְךָ חִינִי ¹⁶⁰ רֹאשׁ דְּבַרְךָ אִמְתָּ וְלַעֲוֹלָם
 כֹּל מִשְׁפָּט צִדְקָךְ ¹⁶¹ שְׂרִים רַדְפוּנִי חֲנָם
 וּמְדַבְרֶיךָ וּמְדַבְרֶיךָ פָּחַד לְבִי ¹⁶² שֶׁשׁ אֲנֹכִי עַל
 אֲמַרְתָּךְ כְּמוֹצֵא שֶׁלֵּל רַב ¹⁶³ שֶׁקֶר שִׁנְאַתִּי
 וְאֶתְעַבֶּה תוֹרַתְךָ אֶהְבַּתִּי ¹⁶⁴ שֶׁבַע בְּיוֹם
 הַלֵּלְתֶיךָ עַל מִשְׁפָּטֵי צִדְקָךְ ¹⁶⁵ שְׁלוֹם רַב
 לְאֵהָבִי תוֹרַתְךָ וְאִין לְמוֹ
 מִכְּשׁוֹל ¹⁶⁶ שִׁבְרֵתִי לִישׁוּעֶתְךָ יְהוֹה
 וּמִצּוֹתֶיךָ עֲשִׂיתִי ¹⁶⁷ שִׁמְרָה נִפְשִׁי עֲדַתֶיךָ
 וְאֶהֱבֶם מְאֹד ¹⁶⁸ שִׁמְרֵתִי פְקוּדֶיךָ וְעֲדַתֶיךָ
 כִּי כָל דְּרָכֶיךָ נִגְדָךְ ¹⁶⁹ תִּקְרַב רִנְתִּי לִפְנֶיךָ
 יְהוֹה כְּדַבְרֶיךָ הַבִּינֵנִי ¹⁷⁰ תְּבוֹא תַחְנֹנֵתִי
 לִפְנֶיךָ כְּאֲמַרְתָּךְ הֲצִילֵנִי ¹⁷¹ תִּבְעֵנָה שִׁפְתֵי
 תְּהִלָּה כִּי תִלְמַדְנִי חִקֵּךְ ¹⁷² תֵּעַן לְשׁוֹנִי
 אֲמַרְתָּךְ כִּי כֹל מִצּוֹתֶיךָ צִדְקָה ¹⁷³ תְּהִי יָדְךָ
 לְעִזְרוֹנִי כִּי פְקוּדֶיךָ בַּחֲרֵתִי ¹⁷⁴ תֵּאֲבֹתִי
 לִישׁוּעֶתְךָ יְהוֹה וְתוֹרַתְךָ שֶׁעֲשִׂיתִי ¹⁷⁵ תַּחֲתֵי
 נִפְשִׁי וְתִהְיֶה לִּי וּמִשְׁפָּטְךָ יְעִזְרוּנִי ¹⁷⁶ תַּעֲתִיתִי
 כִּשֶׁה אֲבָד בִּקְשׁ עֲבַדְךָ כִּי מִצּוֹתֶיךָ לֹא
 שִׁכַּחְתִּי

120 שִׁיר הַמַּעֲלוֹת אֶל יְהוֹה בְּצִרְתָּה לִי

כֹּל אֶרֶח שֶׁקֶר שִׁנְאַתִּי ¹²⁹ פְּלֹאוֹת עֲדוּתֶיךָ
 עַל כֵּן נִצְרַתְּם נִפְשִׁי ¹³⁰ פֶּתַח דְּבָרֶיךָ יֹאִיר
 מִבֵּין פְּתִיִּים ¹³¹ פִּי פִּעְרַתִּי וְאֶשְׁאֲפָה כִּי
 לְמִצּוֹתֶיךָ יֹאבַתִּי ¹³² פָּנָה אֵלַי וְחֲנִנִי
 כַּמְשַׁפֵּט לְאֵהָבִי שִׁמְךָ ¹³³ פַּעֲמֵי הַכֶּן
 בְּאֲמַרְתָּךְ וְאֵל תִּשְׁלַט בִּי כֹל אֹן ¹³⁴ פִּדְנִי
 מִעֲשֵׂק אָדָם וְאֶשְׁמְרָה פְקוּדֶיךָ ¹³⁵ פִּנֵּךְ
 הָאָרֶץ בְּעִבְדֶּךָ וְלִמְדֵנִי אֶת חִקֵּיךָ ¹³⁶ פְּלִגִּי
 מִים יִרְדּוּ עֵינַי עַל לֹא שָׁמְרוּ
 תוֹרַתְךָ ¹³⁷ צְדִיק אֶתָּה יְהוֹה וְיִשְׂרָאֵל
 מִשְׁפָּטֶיךָ ¹³⁸ צִוִּית צִדְקָה עֲדַתֶיךָ וְאִמּוֹנָה
 מְאֹד ¹³⁹ צִמְתַּתְנִי קִנְיַתִּי כִּי שִׁכַּחְתִּי דְּבָרֶיךָ
 צָרִי ¹⁴⁰ צְרוּפָה אֲמַרְתָּךְ מְאֹד וְעִבְדֶּךָ
 אֶהְבֵּה ¹⁴¹ צַעִיר אֲנֹכִי וְנִבְזָה פְקִדֶיךָ לֹא
 שִׁכַּחְתִּי ¹⁴² צִדְקַתְךָ צִדְקָה לַעֲוֹלָם וְתוֹרַתְךָ
 אִמְתָּ ¹⁴³ צַר וּמִצּוֹק מִצְאוּנִי מִצּוֹתֶיךָ
 שֶׁעֲשִׂיתִי ¹⁴⁴ צִדְקָה עֲדוּתֶיךָ לַעֲוֹלָם הַבִּינֵנִי
 וְאֶחָיָה ¹⁴⁵ קִרְאַתִּי בְּכָל לֵב עֲנֵנִי יְהוֹה
 חִקֵּיךָ אֲצַרָה ¹⁴⁶ קִרְאַתֶיךָ הוֹשִׁיעֵנִי
 וְאֶשְׁמְרָה עֲדַתֶיךָ ¹⁴⁷ קִדְמֵתִי בְּנִשְׁפָּךְ
 וְאֶשׁוּעָה ¹⁴⁸ לְדַבְרֶיךָ לְדַבְרֶיךָ יִחַלְתִּי קִדְמוֹ
 עֵינַי אֶשְׁמְרוֹת לְשִׁיחַ בְּאֲמַרְתָּךְ ¹⁴⁹ קוּלִי
 שִׁמְעָה כַּחֲסֹדְךָ יְהוֹה כַּמְשַׁפֵּט
 חִינִי ¹⁵⁰ קִרְבוּ רַדְפֵי זִמָּה מִתּוֹרַתְךָ
 רַחֲמוּ ¹⁵¹ קִרְבוּ אֶתָּה יְהוֹה וְכֹל מִצּוֹתֶיךָ
 אִמְתָּ ¹⁵² קִדְמֵתִי יִדְעֵתִי מִעֲדַתֶיךָ כִּי לַעֲוֹלָם
 יִסְדַּתְּם ¹⁵³ רְאֵה עֵינַי וְחַלְצֵנִי כִּי תוֹרַתְךָ לֹא
 שִׁכַּחְתִּי ¹⁵⁴ רִיבָה רִיבֵי וְגֹאֲלֵנִי לְאֲמַרְתָּךְ

אלהינו אבקשה טוב לך

123 שיר המעלות אליך נשאתי את

עיני הישבי בשמים² הנה כעיני עבדים
אל יד אדוניהם כעיני שפחה אל יד
גברתה כן עינינו אל יהוה אלהינו עד
שיחננו³ חננו יהוה חננו כי רב שבענו
בוז⁴ רבת שבעה לה נפשנו הלעג
השאננים הבוז לגאיונים^q

124 שיר המעלות לדוד לולי יהוה

שהיה לנו יאמר נא ישראל² לולי יהוה
שהיה לנו בקום עלינו אדם³ אזי חיים
בלעונו בחרות אפס בנו⁴ אזי המים
שטפוננו נחלהⁿ עבר על נפשנו⁵ אזי עבר
על נפשנו המים הזידונים⁶ ברוך יהוה
שלא נתננו טרף לשניהם⁷ נפשנו כצפור
נמלטה מפח יוקשים הפח נשבר ואנחנו
נמלטנו⁸ עזרנו בשם יהוה עשה שמים
וארץ

125 שיר המעלות הבטחים ביהוה

כהר ציון לא ימוט לעולם ישב² ירושלים
הרים סביב לה ויהוה סביב לעמו מעתה
ועד עולם³ כי לא ינוח שבט הרשע על
גורל הצדיקים למען לא ישלחו הצדיקים
בעולתה ידיהם⁴ היטיבה יהוה לטובים

q We have abandoned or added a ketib/qere relative to BHS. In doing this we agree with L against BHS.

n Marks an anomalous form.

קראתי ויענני² יהוה הצילה נפשי משפת
שקר מלשון רמיה³ מה יתן לך ומה יסיף
לך לשון רמיה⁴ חצי גבור שנונים עם
גחלי רתמים⁵ אויה לי כי גרתי משך
שכנתי עם אהלי קדר⁶ רבת שכנה לה
נפשי עם שונא שלום⁷ אני שלום וכי
אדבר המה למלחמה

121 שיר למעלות אשא עיני אל

ההרים מאין יבא עזרי² עזרי מעם יהוה
עשה שמים וארץ³ אל יתן למוט רגלך
אל ינום שמרך⁴ הנה לא ינום ולא יישן
שומר ישראל⁵ יהוה שמרך יהוה צלך על
יד ימינך⁶ יומם השמש לא יככה וירח
בלילה⁷ יהוה ישמרך מכל רע ישמר את
נפשך⁸ יהוה ישמר צאתך ובואך מעתה
ועד עולם

122 שיר המעלות לדוד שמחתי

באמרים לי בית יהוה נלך² עמדות היו
רגלינו בשעריך ירושלים³ ירושלים הבנויה
כעיר שחברה לה יחדו⁴ ששם עלו
שבטים שבטי יה עדות לישראל להדות
לשם יהוה⁵ כי שמה ישבו כסאות
למשפט כסאות לבית דויד⁶ שאלו שלום
ירושלים ישליו אהביך⁷ יהי שלום בחילך
שלוח בארמנותיך⁸ למען אחי ורעי
אדברה נא שלום בדך⁹ למען בית יהוה

אשריך וטוב לך³ אשתך כגפן פריה
 בירכתי ביתך בניך כשתלי זיתים סביב
 לשלחנך⁴ הנה כי כן יברך גבר ירא
 יהוה⁵ יברכך יהוה מציון וראה בטוב
 ירושלם כל ימי חיך⁶ וראה בנים לבניך
 שלום על ישראל

129 שיר המעלות רבת צררוני מנעורי
 יאמר נא ישראל² רבת צררוני מנעורי גם
 לא יכלו לי³ על גבי חרשו חרשים
 האריכו ^{למענותם} למעניתם⁴ יהוה צדיק
 קצץ עבות רשעים⁵ יבשו ויסגו אחור כל
 שנאי ציון⁶ יהיו כחציר גגות שקדמת
 שלף יבש⁷ שלא מלא כפו קוצר וחצנו
 מעמר⁸ ולא אמרו העברים ברכת יהוה
 אליכם ברכנו אתכם בשם יהוה

130 שיר המעלות ממעמקים קראתיך
 יהוה² אדני שמעה בקולי תהיינה אזניך
 קשבות לקול תחנוני³ אם עונות תשמר
 יה אדני מי יעמד⁴ כי עמד הסליחה למען
 תורא⁵ קויתי יהוה קותה נפשי ולדברו
 הוחלתי⁶ נפשי לאדני משמרים לבקר
 שמרים לבקר⁷ יחל ישראל אל יהוה כי
 עם יהוה החסד והרבה עמו פדות⁸ והוא
 יפדה את ישראל מכל עונתיו

131 שיר המעלות לדוד יהוה לא גבה

ולישרים בלבותם⁵ והמטים עקלקלותם
 יוליכם יהוה את פעלי האון שלום על
 ישראל

126 שיר המעלות בשוב יהוה את
 שיבת ציון היינו כחלמים² אז ימלא
 שחוק פינו ולשונו רנה אז יאמרו בגוים
 הגדיל יהוה לעשות עם אלה³ הגדיל
 יהוה לעשות עמנו היינו שמחים⁴ שובה
 יהוה את ^{שבותנו} שביתנו כאפיקים
 בנגב⁵ הזרעים בדמעה ברנה
 יקצרו⁶ הלוך ילך ובכה נשא משך הזרע
 בא יבוא^c ברנה נשא אלמתיו

127 שיר המעלות לשלמה אם יהוה
 לא יבנה בית שוא עמלו בוניו בו אם
 יהוה לא ישמר עיר שוא שקד
 שומר² שוא לכם משכימי קום מאחרי
 שבת אכלי לחם העצבים כן יתן לידידו
 שנא³ הנה נחלת יהוה בנים שכר פרי
 הבטן⁴ כחצים ביד גבור כן בני
 הנעורים⁵ אשרי הגבר אשר מלא את
 אשפתו מהם לא יבשו כי ידברו את
 אויבים בשער

128 שיר המעלות אשרי כל ירא יהוה
 ההלך בדרכיו² יגיע כפיך כי תאכל

^c We read one or more accents in L differently than BHS. Often this notation indicates a typographical error in BHS.

133 שיר המעלות לדוד הנה מה טוב
ומה נעים שבת אחים גם יחד² כשמן
הטוב על הראש ירד על הזקן זקן אהרן
שירד על פי מדותיו³ כטל חרמון שירד
על הררי ציון כי שם צוה יהוה את
הברכה חיים עד העולם

134 שיר המעלות הנה ברכו את יהוה
כל עבדי יהוה העמדים בבית יהוה
בלילות² שאו ידכם קדש וברכו את
יהוה³ יברכך יהוה מציון עשה שמים
וארץ

135 הללו יה הללו את שם יהוה הללו
עבדי יהוה² שעמדים בבית יהוה
בחצרות בית אלהינו³ הללו יה כי טוב
יהוה זמרו לשמו כי נעים⁴ כי יעקב בחר
לו יה ישראל לסגלתו⁵ כי אני ידעתי כי
גדול יהוה ואדנינו מכל אלהים⁶ כל אשר
חפץ יהוה עשה בשמים ובארץ בימים
וכל תהומות⁷ מעלה נשאים מקצה הארץ
ברקים למטר עשה מוצא רוח
מאוצרותיו⁸ שהכה בכורי מצרים מאדם
עד בהמה⁹ שלח אתות ומפתים בתוככי
מצרים בפרעה ובכל עבדיו¹⁰ שהכה גוים
רבים והרג מלכים עצומים¹¹ לסיחון מלך
האמרי ולעוג מלך הבשן ולכל ממלכות
כנען¹² ונתן ארצם נחלה נחלה לישראל

לבי ולא רמו עיני ולא הלכתי בגדלות
ובנפלאות ממני² אם לא שויתי ודוממתי
נפשי כגמל עלי אמו כגמל עלי
נפשי³ יחל ישראל אל יהוה מעתה ועד
עולם

132 שיר המעלות זכור יהוה לדוד את
כל ענותו² אשר נשבע ליהוה נדר לאביר
יעקב³ אם אבא באהל ביתי אם אעלה
על ערש יצועי⁴ אם אתן שנת לעיני
לעפעפי תנומה⁵ עד אמצא מקום ליהוה
משכנות לאביר יעקב⁶ הנה שמענוה
באפרתה מצאנוה בשדי יער⁷ נבואה
למשכנותיו נשתחוה להדם רגליו⁸ קומה
יהוה למנוחתך אתה וארון עזך⁹ כהניך
ילבשו צדק וחסידיך ירננו¹⁰ בעבור דוד
עבדך אל תשב פני משיחך¹¹ נשבע יהוה
לדוד אמת לא ישוב ממנה מפרי בטןך
אשית לכסא לך¹² אם ישמרו בניך בריתי
ועדתי זו אלמדם גם בניהם עדי עד ישבו
לכסא לך¹³ כי בחר יהוה בציון אוה
למושב לו¹⁴ זאת מנוחתי עדי עד פה
אשב כי אותיה¹⁵ צידה ברך אברך
אביוניה אשביע לחם¹⁶ וכהניה אלביש
ישע וחסידיה רנן ירננו¹⁷ שם אצמיח קרן
לדוד ערכתי נר למשיחי¹⁸ אויביו אלביש
בשת ועליו יציץ נזרו

עמו ¹³ יהוה שמך לעולם יהוה זכרך לדר
 ודר ¹⁴ כי ידין יהוה עמו ועל עבדיו
 יתנחם ¹⁵ עצבי הגוים כסף וזהב מעשה
 ידי אדם ¹⁶ פה להם ולא ידברו עינים להם
 ולא יראו ¹⁷ אזנים להם ולא יאזינו אף אין
 יש רוח בפיהם ¹⁸ כמוהם יהיו עשיהם כל
 אשר בטח בהם ¹⁹ בית ישראל ברכו את
 יהוה בית אהרן ברכו את יהוה ²⁰ בית
 הלוי ברכו את יהוה יראי יהוה ברכו את
 יהוה ²¹ ברוך יהוה מציון שכן ירושלים
 הללו יה

כי לעולם חסדו ¹⁶ למוליך עמו במדבר כי
 לעולם חסדו ¹⁷ למכה מלכים גדלים כי
 לעולם חסדו ¹⁸ ויהרג מלכים אדירים כי
 לעולם חסדו ¹⁹ לסיחון מלך האמרי כי
 לעולם חסדו ²⁰ ולעוג מלך הבשן כי
 לעולם חסדו ²¹ ונתן ארצם לנחלה כי
 לעולם חסדו ²² נחלה לישראל עבדו כי
 לעולם חסדו ²³ שבשפלנו זכר לנו כי
 לעולם חסדו ²⁴ ויפרקנו מצרינו כי לעולם
 חסדו ²⁵ נתן לחם לכל בשר כי לעולם
 חסדו ²⁶ הודו לאל השמים כי לעולם
 חסדו

137 על נהרות בבל שם ישבנו גם
 בכינו בזכרנו את ציון ² על ערבים בתוכה
 תלינו כנרותינו ³ כי שם שאלונו שובינו
 דברי שיר ותוללינו שמחה שירו לנו
 משיר ציון ⁴ איך נשיר את שיר יהוה על
 אדמת נכר ⁵ אם אשכחך ירושלים תשכח
 ימיני ⁶ תדבק לשוני לחכי אם לא אזכרכי
 אם לא אעלה את ירושלים על ראש
 שמחתי ⁷ זכר יהוה לבני אדום את יום
 ירושלים האמרים ערו ערו עד היסוד
 בה ⁸ בת בבל השדודה אשרי שישלם לך
 את גמולך שגמלת לנו ⁹ אשרי שיאחוז
 ונפץ את עלליך אל הסלע

138 לדוד אודך בכל לבי נגד אלהים

136 הודו ליהוה כי טוב כי לעולם
 חסדו ² הודו לאלהי האלהים כי לעולם
 חסדו ³ הודו לאדני האדנים כי לעולם
 חסדו ⁴ לעשה נפלאות גדלות לבדו כי
 לעולם חסדו ⁵ לעשה השמים בתבונה כי
 לעולם חסדו ⁶ לרקע הארץ על המים כי
 לעולם חסדו ⁷ לעשה אורים גדלים כי
 לעולם חסדו ⁸ את השמש לממשלת ביום
 כי לעולם חסדו ⁹ את הירח וכוכבים
 לממשלות בלילה כי לעולם
 חסדו ¹⁰ למכה מצרים בבכוריהם כי
 לעולם חסדו ¹¹ ויוצא ישראל מתוכם כי
 לעולם חסדו ¹² ביד חזקה ובזרוע נטויה
 כי לעולם חסדו ¹³ לגזר ים סוף לגזרים כי
 לעולם חסדו ¹⁴ והעביר ישראל בתוכו כי
 לעולם חסדו ¹⁵ ונער פרעה וחילו בים סוף

קניית כליתי תסכני בבטן אמי¹⁴ אודך על
 כי נוראות נפילתי נפלאים מעשיך ונפשי
 ידעת מאד¹⁵ לא נכחד עצמי ממך אשר
 עשיתי בסתר רקמתי בתחתיות
 ארץ¹⁶ גלמי ראו עיניך ועל ספרך כלם
 יכתבו ימים יצרו ולא¹⁷ וְלוֹ אחד בהם¹⁷ וְלוֹ
 מה יקרו רעך אל מה עצמו
 ראשיהם¹⁸ אספרם מחול ירבון הקיצתי
 ועודי עמך¹⁹ אם תקטל אלוה רשע
 ואנשי דמים סורו מני²⁰ אשר יאמרך
 למזמה נשא לשוא עריך²¹ הלוא משנאיך
 יהוה אשנא ובתקוממך
 אתקוטט²² תכלית שנאה שנאתים
 לאויבים היו לי²³ חקרני אל ודע לבבי
 בחנני ודע שרעפי²⁴ וראה אם דרך עצב
 בי ונחני בדרך עולם

140 למנצח מזמור לדוד² חלצני יהוה
 מאדם רע מאיש חמסים תנצרני³ אשר
 חשבו רעות בלב כל יום יגורו
 מלחמות⁴ שננו לשונם כמו נחש חמת
 עכשוב תחת שפתימו סלה⁵ שמרני יהוה
 מידי רשע מאיש חמסים תנצרני אשר
 חשבו לדחות פעמי⁶ טמנו גאים פח לי
 וחבלים פרשו רשת ליד מעגל מקשים
 שתו לי סלה⁷ אמרתי ליהוה אלי אתה
 האזינה יהוה קול תחנוני⁸ יהוה אדני עז
 ישועתי סכתה לראשי ביום נשק⁹ אל

אזמרך² אשתחווה אל היכל קדשך ואודה
 את שמך על חסדך ועל אמתך כי הגדלת
 על כל שמך אמרתך³ ביום קראתי
 ותענני תרהבני בנפשי עז⁴ יודוך יהוה כל
 מלכי ארץ כי שמעו אמרי פוך⁵ וישירו
 בדרכי יהוה כי גדול כבוד יהוה⁶ כי רם
 יהוה ושפל יראה וגבה ממרחק
 יידע⁷ אם אלך בקרב צרה תחיני על אף
 איבי⁸ תשלח ירך ותושיעני ימינך⁸ יהוה
 יגמר בעדי יהוה חסדך לעולם מעשי ירך
 אל תרף

139 למנצח לדוד מזמור יהוה חקרתני
 ותדע² אתה ידעת שבתי וקומי בנתה
 לרעי מרחוק³ ארחי ורבעי זרית וכל
 דרכי הסכנתה⁴ כי אין מלה בלשוני הן
 יהוה ידעת כלה⁵ אחור וקדם צרתני
 ותשת עלי כפכה⁶ פלאיה פליאה דעת
 ממני נשגבה לא אוכל לה⁷ אנה אלך
 מרוחך ואנה מפניך אברח⁸ אם אסק
 שמים שם אתה ואציעה שאול
 הנך⁹ אשא כנפי שחר אשכנה באחרית
 ים¹⁰ גם שם ירך תנחני ותאחזני
 ימינך¹¹ ואמר אך חשך ישופני ולילה אור
 בעדני¹² גם חשך לא יחשיך ממך ולילה
 כיום יאיר כחשיכה כאורה¹³ כי אתה

c We read one or more accents in L differently than BHS. Often this notation indicates a typographical error in BHS.

תפלה² קולי אל יהוה אזעק קולי אל
 יהוה אתחנן³ אשפך לפניו שיחי צרתי
 לפניו אגיד⁴ בהתעטף עלי רוחי ואתה
 ידעת נתיבתי בארח זו אהלך טמנו פח
 לי⁵ הביט ימין וראה ואין לי מכיר אבד
 מנוס ממני אין דורש לנפשי⁶ זעקתי
 אליך יהוה אמרתי אתה מחסי חלקי
 בארץ החיים⁷ הקשיבה אל רנתי כי
 דלותי מאד הצילני מרדפי כי אמצו
 ממני⁸ הוציאה ממסגר נפשי להודות את
 שמך בי יכתרו צדיקים כי תגמל עלי

143 מזמור לדוד יהוה שמע תפלתי
 האזינה אל תחנוני באמנתך ענני
 בצדקתך² ואל תבוא במשפט את עבדך
 כי לא יצדק לפניך כל חי³ כי רדף אויב
 נפשי דכא לארץ חיתי הושיבני
 במחשכים כמתי עולם⁴ ותתעטף עלי
 רוחי בתוכי ישתומם לבי⁵ זכרתי ימים
 מקדם הגיתי בכל פעלך במעשה ידיך
 אשוחח⁶ פרשתי ידי אליך נפשי כארץ
 עיפה לך סלה⁷ מהר ענני יהוה כלתה
 רוחי אל תסתר פניך ממני ונמשלתי עם
 ירדי בור⁸ השמיעני בבקר חסדך כי בך
 בטחתי הודיעני דרך זו אלך כי אליך
 נשאתי נפשי⁹ הצילני מאיבי יהוה אליך
 כסתי¹⁰ למדני לעשות רצונך כי אתה
 אלוהי רוחך טובה תנחני בארץ
 מישור¹¹ למען שמך יהוה תחיני בצדקתך

תתן יהוה מאויי רשע זממו אל תפק
 ירומו סלה¹⁰ ראש מסבי עמל שפתימו
 יכסומו יכסמו^k ימיטו¹¹ ימוטו עליהם גחלים
 באש יפלים במהמרות בל יקומו¹² איש
 לשון בל יכון בארץ איש חמס רע יצודנו
 למדחפת¹³ ידעת ידעתי כי יעשה יהוה דין
 עני משפט אבינים¹⁴ אך צדיקים יודו
 לשמך ישבו ישרים את פניך

141 מזמור לדוד יהוה קראתיך חושה
 לי האזינה קולי בקראי לך² תכון תפלתי
 קטרת לפניך משאת כפי מנחת
 ערב³ שיתה יהוה שמרה לפי נצרה על
 דל שפתי⁴ אל תט לבי לדבר רע
 להתעולל עללות ברשע את אישים פעלי
 און ובל אלחם במנעמיהם⁵ יהלמני צדיק
 חסד ויוכיחני שמן ראש אל יני ראשי כי
 עוד ותפלתי ברעותיהם⁶ נשמטו בידי
 סלע שפטיהם ושמעו אמרי כי
 נעמו⁷ כמו פלח ובקע בארץ נפזרו
 עצמינו לפי שאול⁸ כי אליך יהוה אדני
 עיני בכה חסיתי אל תער נפשי⁹ שמרני
 מידי פח יקשו לי ומקשות פעלי
 און¹⁰ יפלו במכמריו רשעים יחד אנכי עד
 אעבור

142 משכיל לדוד בהיותו במערה

k We read one or more consonants in L differently from BHS.

יום אברכך ואהללה שמך לעולם
ועד³ גדול יהוה ומהלל מאד ולגדלתו אין
חקר⁴ דור לדור ישבח מעשיך וגבורתיך
יגידו⁵ הדר כבוד הודך ודברי נפלאותיך
אשיחה⁶ ועוזו נוראתיך יאמרו **וגדולתיך**
וגדולתיך אספרנה⁷ זכר רב טובך יביעו
וצדקתך ירננו⁸ חנון ורחום יהוה ארך
אפים וגדל חסד⁹ טוב יהוה לכל ורחמיו
על כל מעשיו¹⁰ יודוך יהוה כל מעשיך
וחסידיך יברכוכה¹¹ כבוד מלכותך יאמרו
וגבורתך ידברו¹² להודיע לבני האדם
גבורתיו וכבוד הדר מלכותו¹³ מלכותך
מלכות כל עלמים וממשלתך בכל דור
ודור¹⁴ סומך יהוה לכל הנפלים וזוקף לכל
הכפופים¹⁵ עיני כל אליך ישברו ואתה
נותן להם את אכלם בעתו¹⁶ פותח את
ידך ומשביע לכל חי רצון¹⁷ צדיק יהוה
בכל דרכיו וחסיד בכל מעשיו¹⁸ קרוב
יהוה לכל קראיו לכל אשר יקראהו
באמת¹⁹ רצון יראיו יעשה ואת שועתם
ישמע ויושיעם²⁰ שומר יהוה את כל
אהביו ואת כל הרשעים ישמיד²¹ תהלת
יהוה ידבר פי ויברך כל בשר שם קדשו
לעולם ועד

146 הללו יה הללי נפשי את
יהוה² אהללה יהוה בחיי אזמרה לאלהי
בעודי³ אל תבטחו בנדיבים בבן אדם

תוציא מצרה נפשי¹² ובחסדך תצמית
איבי והאבדת כל צררי נפשי כי אני
עבדך

144 לדוד ברוך יהוה צורי המלמד ידי
לקרב אצבעותי למלחמה² חסדי ומצודתי
משגבי ומפלטי לי מגני ובו חסיתי הרודד
עמי תחתי³ יהוה מה אדם ותדעהו בן
אנוש ותחשבהו⁴ אדם להבל דמה ימיו
כצל עובר⁵ יהוה הט שמך ותרד גע
בהרים ויעשנו⁶ ברוק ברק ותפיצם שלח
חציך ותהמם⁷ שלח ידך ממרום פצני
והצילני ממים רבים מיד בני נכר⁸ אשר
פיהם דבר שוא וימינם ימין שקר⁹ אלהים
שיר חדש אשריה לך בנבל עשור אזמרה
לך¹⁰ הנותן תשועה למלכים הפוצה את
דוד עבדו מחרב רעה¹¹ פצני והצילני מיד
בני נכר אשר פיהם דבר שוא וימינם ימין
שקר¹² אשר בנינו כנטעים מגדלים
בנעוריהם בנותינו כזוית מחטבות תבנית
היכל¹³ מזוינו מלאים מפיקים מזן אל זן
צאוננו מאליפות מרבבות
בחוצותינו¹⁴ אלופינו מסבלים אין פרץ
ואין יוצאת ואין צוחה ברחבתינו¹⁵ אשרי
העם שככה לו אשרי העם שיהוה אלהיו

145 תהלה לדוד ארוממך אלוהי
המלך ואברכה שמך לעולם ועד² בכל

בניך בקרבך¹⁴ השם גבולך שלום חלב
 חטים ישביעך¹⁵ השלח אמרתו ארץ עד
 מהרה ירוץ דברו¹⁶ הנתן שלג כצמר
 כפור כאפר יפזר¹⁷ משליך קרחו כפתים
 לפני קרתו מי יעמד¹⁸ ישלח דברו וימסס
 ישב רוחו יזלו מים¹⁹ מגיד **דברו דבריו**
 ליעקב חקיו ומשפטיו לישראל²⁰ לא
 עשה כן לכל גוי ומשפטים בל ידעום
 הללו יה

148 הללו יה הללו את יהוה מן
 השמים הללוהו במרומים² הללוהו כל
 מלאכיו הללוהו כל **צבאו צבאיו**³ הללוהו
 שמש וירח הללוהו כל כוכבי
 אור⁴ הללוהו שמי השמים והמים אשר
 מעל השמים⁵ יהללו את שם יהוה כי
 הוא צוה ונבראו⁶ ויעמידם לעד לעולם
 חק נתן ולא יעבור⁷ הללו את יהוה מן
 הארץ תנינים וכל תהמות⁸ אש וברד
 שלג וקיטור רוח סערה עשה
 דברו⁹ ההרים וכל גבעות עץ פרי וכל
 ארזים¹⁰ החיה וכל בהמה רמש וצפור
 כנף¹¹ מלכי ארץ וכל לאמים שרים וכל
 שפטי ארץ¹² בחורים וגם בתולות זקנים
 עם נערים¹³ יהללו את שם יהוה כי נשגב
 שמו לבדו הודו על ארץ ושמים¹⁴ וירם
 קרן לעמו תהלה לכל חסידיו לבני ישראל
 עם קרבו הללו יה

שאין לו תשועה⁴ תצא רוחו ישב
 לאדמתו ביום ההוא אבדו
 עשתנתיו⁵ אשרי שאל יעקב בעזרו שברו
 על יהוה אלהיו⁶ עשה שמים וארץ את
 הים ואת כל אשר בם השמר אמת
 לעולם⁷ עשה משפט לעשוקים נתן לחם
 לרעבים יהוה מתיר אסורים⁸ יהוה פקח
 עורים יהוה זקף כפופים יהוה אהב
 צדיקים⁹ יהוה שמר את גרים יתום
 ואלמנה יעודד ודרך רשעים יעות¹⁰ ימלך
 יהוה לעולם אלהיך ציון לדר ודר הללו
 יה

147 הללו יה כי טוב זמרה אלהינו כי
 נעים נאזה תהלה² בונה ירושלם יהוה
 נדחי ישראל יכנס³ הרפא לשבורי לב
 ומחבש לעצבותם⁴ מונה מספר לכוכבים
 לכלם שמות יקרא⁵ גדול אדונינו ורב כח
 לתבונתו אין מספר⁶ מעודד ענוים יהוה
 משפיל רשעים עדי ארץ⁷ ענו ליהוה
 בתודה זמרו לאלהינו בכנור⁸ המכסה
 שמים בעבים המכין לארץ מטר המצמיח
 הרים חציר⁹ נותן לבהמה לחמה לבני
 ערב אשר יקראו¹⁰ לא בגבורת הסוס
 יחפץ לא בשוקי האיש ירצה¹¹ רוצה
 יהוה את יראיו את המיחלים
 לחסדו¹² שבחי ירושלם את יהוה הללי
 אלהיך ציון¹³ כי חזק בריחי שעריך ברך

149 הללו יה שירו ליהוה שיר חדש
 תהלתו בקהל חסידים² ישמח ישראל
 בעשיו בני ציון יגילו במלכם³ יהללו שמו
 במחול בתף וכנור יזמרו לו⁴ כי רוצה
 יהוה בעמו יפאר ענוים בישועה⁵ יעלזו
 חסידים בכבוד ירננו על
 משכבותם⁶ רוממות אל בגרונם וחרב
 פיפיות בידם⁷ לעשות נקמה בגוים
 תוכחת בל אמים⁸ לאסר מלכיהם בזקים
 ונכבדיהם בכבלי ברזל⁹ לעשות בהם
 משפט כתוב הדר הוא לכל חסידיו הללו
 יה

150 הללו יה הללו אל בקדשו הללוהו
 ברקיע עזו² הללוהו בגבורתיו הללוהו
 כרב גדלו³ הללוהו בתקע שופר הללוהו
 בנבל וכנור⁴ הללוהו בתף ומחול הללוהו
 במנים ועוגב⁵ הללוהו בצלצלי שמע
 הללוהו בצלצלי תרועה⁶ כל הנשמה
 תהלל יה הללו יה

End of Psalms

The Westminster Leningrad Codex

Version 4.16

Psalms

Attributed to:

Shemu'el ben Ya'akov
Aharon ben-Mosheh ben-Asher
ca 1008

Active maintenance of machine-readable version:

Stephen K. Salisbury, Editor
steve@grovescenter.org

Kirk E. Lowery, Senior editor
kirk@grovescenter.org

Transcription to Unicode/XML:

Christopher V. Kimball
transcriber@tanach.us

Edition:

Unicode/XML Westminster Leningrad Codex
<http://www.tanach.us/Tanach.xml>

Transcribed by WLC2XML of 6 Jun 2010 at 01 Jun 2012 @ 10:24.08. Build number:
23.0. Converted to ODT by XML2ODT.xml dated 22 Dec 2010 on 2012.06.01-10.27.
Build number: 23.0 . 64 pages. Layout: Full; Content: Consonants.

This document is in the public domain.